

একাট
সমৃদ্ধ
সবুজ
সতেজ
নির্মল
লিপ্ত
বাংলাদেশ
গড়তে
এই
বর্ষায়
আপনিও
গ্রাম
ও
নগর
বনায়নে
উদ্যোগী
হোন।


Arannayk
foundation




তথ্য কণিকা ২০২৪



“বৃক্ষ দিয়ে সাজাই দেশ
সমৃদ্ধ করি বাংলাদেশ”



বন অধিদপ্তর




শাল বন	৩
প্রাকৃতিক ম্যানগ্রোভ বন	৪
জলাভূমির বন	৪
সৃজিত উপকূলীয় বন	৫
উপকূলীয় বনায়নে অর্জিত সাফল্য	৬
জেলা ভিত্তিক বৃক্ষ আচ্ছাদন	৬
বন অধিদপ্তরের নার্সারী	৭
সামাজিক বনায়ন	৭
সামাজিক বনায়নে অর্জিত সাফল্য	৮
সহ-ব্যবস্থাপনা ও সহযোগিতামূলক বন ব্যবস্থাপনায় অর্জিত সাফল্য	৮
সামাজিক বনায়ন ও সহ-ব্যবস্থাপনায় নারীর ক্ষমতায়ন	১০
বার্ষিক কর্ম সম্পাদন চুক্তি	১০
রক্ষিত এলাকা সমূহ	১১
সোয়াচ অব নো-গ্রাউন্ড মেরিন প্রোটেক্টেড এরিয়া	১২
বাংলাদেশের বন্যপ্রাণী ও জীববৈচিত্র্য	১৩
বাংলাদেশের বিলুপ্ত বন্যপ্রাণী	১৪
বন্যপ্রাণী দ্বারা আক্রান্ত মানুষের জান-মালের ক্ষতিপূরণ বিধিমালা, ২০২১	১৭
বন্যপ্রাণী সংরক্ষণে বিধিমালা ও নীতিমালা	১৭
বন্যপ্রাণী অপরাধ দমন ইউনিট	১৮
বন ও বন্যপ্রাণীর অপরাধ ব্যবস্থাপনায় সক্ষমতা বৃদ্ধি	২২
শেখ কামাল ওয়াইল্ডলাইফ সেন্টার	২৪
বাংলাদেশের প্রকৃতি ও প্রতিবেশ পর্যটন	২৬
সাফারী পার্ক	২৭
বঙ্গবন্ধু শেখ মুজিব সাফারী পার্ক, কক্সবাজার	২৭
বঙ্গবন্ধু শেখ মুজিব সাফারী পার্ক, গাজীপুর	২৮
জলবায়ু পরিবর্তন-শ্রেণিকপট বাংলাদেশ	৩১
বন সেক্টরের সাম্প্রতিক কার্যক্রম ও অগ্রগতি	৩১
প্রকল্প তালিকা	৩২
টেকসই বন ও জীবিকা (সুফল) প্রকল্প	৩৩
বাংলাদেশের ডলফিন সংরক্ষণে গৃহীত পদক্ষেপ সমূহ	৪১
সুন্দরবনের বাঘ শুমারী	৪২
বন অধিদপ্তরের সেবা প্রদান প্রতিশ্রুতি	৪৩
বন অধিদপ্তরের অভিযোগ ও প্রতিকার ব্যবস্থা	৪৩
জাতীয় শুদ্ধাচার কৌশল	৪৪
ই-গভার্ন্যান্স ও উদ্ভাবন কার্যক্রম	৪৫
বন সংরক্ষণ ও ব্যবস্থাপনায় জাতীয় ও আন্তর্জাতিক পুরস্কার	৪৬
বৃক্ষপরাপণে প্রধানমন্ত্রীর জাতীয় পুরস্কার	৪৬
বঙ্গবন্ধু এওয়ার্ড ফর ওয়াইল্ডলাইফ কনজারভেশন	৪৬
উদযাপিত আন্তর্জাতিক দিবস সমূহ	৪৮
বিভিন্ন আন্তর্জাতিক দিবস	৫০
East Asia Australasian Flyway Partnership (EAAFP) Sites in Bangladesh	৫০
বাংলাদেশে Regional Flyway Initiative (RFI)	৫৩
কিছু গুরুত্বপূর্ণ তথ্য	৫৪
বর্তমান সরকারের গৃহীত কার্যক্রমের প্রেক্ষিতে বন অধিদপ্তরের অর্জন	৫৪
বন ও বন্যপ্রাণী অপরাধ সম্পর্কিত কতিপয় প্রয়োজনীয় তথ্য	৫৮

বাংলাদেশের বন

বাংলাদেশের আয়তন ১,৪৭,৫৭০ বর্গ কি.মি. এবং সরকার নিয়ন্ত্রিত বনভূমির পরিমাণ প্রায় ২৩ লক্ষ হেক্টর; যা দেশের মোট আয়তনের প্রায় ১৫.৫৮%। বন অধিদপ্তর নিয়ন্ত্রিত বনভূমির পরিমাণ প্রায় ১৬ লক্ষ হেক্টর; যা দেশের আয়তনের প্রায় ১০.৭৪%। বাংলাদেশের বৃক্ষ আচ্ছাদিত ভূমির পরিমাণ দেশের মোট আয়তনের ২২.৩৭%। ভৌগোলিক অবস্থান ও জলবায়ুর তারতম্যের কারণে বাংলাদেশে বিভিন্ন ধরনের বনাঞ্চল রয়েছে। যেমন- পাহাড়ি বন, প্রাকৃতিক ম্যানগ্রোভ বন, সৃজিত উপকূলীয় বন, শালবন, জলাভূমির বন ইত্যাদি।

পাহাড়ি বন

অবস্থান: চট্টগ্রাম, রাঙ্গামাটি, খাগড়াছড়ি, বান্দরবান, কক্সবাজার, সিলেট, মৌলভীবাজার, সুনামগঞ্জ এবং হবিগঞ্জের পাহাড়ি এলাকা।



পাহাড়ি বন

পরিমাণ: উল্লিখিত জেলাসমূহের সরকারি বন এবং পার্বত্য জেলার অশ্রেণিভুক্ত বনাঞ্চলসহ পাহাড়ি বনের পরিমাণ প্রায় ১৩ লক্ষ ৭৭ হাজার হেক্টর; যা দেশের আয়তনের ৯.৩৩%। বন অধিদপ্তর নিয়ন্ত্রিত পাহাড়ি বনভূমির পরিমাণ ৬ লক্ষ ৬৪ হাজার হেক্টর; যা দেশের আয়তনের ৪.৫৪% এবং বন বিভাগ নিয়ন্ত্রিত বনভূমির ৪৩%।

উদ্ভিদ প্রজাতি: গর্জন, চাপালিশ, তেলসুর, উড়িআম, ঢাকিজাম, সিভিট, সেগুন, গামার, চম্পা, জারুল, বৈল্যাম প্রভৃতি গাছ এ বনে পাওয়া যায়। এছাড়া এ বনাঞ্চলে প্রচুর পরিমাণে বাঁশ ও বেত পাওয়া যায়।

বন্যপ্রাণী: এ বনের উল্লেখযোগ্য বন্যপ্রাণী হচ্ছে হাতি, চিতাবাঘ, বন্যশূকর, হরিণ, হনুমান, বানর, উল্লুক, সজারু, বনকই, ধনেশ, মথুরা, বনমোরগ, শকুন, অজগর, টিয়া, ময়না ইত্যাদি।

শাল বন

অবস্থান: এ বন মূলতঃ কুমিল্লা, গাজীপুর, টাঙ্গাইল, ময়মনসিংহ ও শেরপুর জেলায় অবস্থিত। তাছাড়া দেশের উত্তরাঞ্চলের দিনাজপুর, রংপুর, লালমনিরহাট, নওগাঁ, ঠাকুরগাঁও ও পঞ্চগড় জেলায় অল্প কিছু শাল বন রয়েছে।



শাল বন

পরিমাণ: এ বনের আয়তন প্রায় ১ লক্ষ ২০ হাজার হেক্টর; যা দেশের আয়তনের ০.৮১% এবং বন অধিদপ্তর নিয়ন্ত্রিত বনভূমির ৭%।

উদ্ভিদ প্রজাতি: এ বনের মূল প্রজাতি শাল (*Shorea robusta*), যা অনেকেই গজারী বলে জানেন। শুষ্ক মৌসুমে (ফেব্রুয়ারি-মার্চ) শাল গাছের পাতা ঝরে যায় বলে একে পত্রঝরা বনও বলা হয়। এ ছাড়া এ বনে হরিতকি, বহেরা, কড়ই, শিমুল, অর্জুন ইত্যাদি প্রজাতির বৃক্ষ রয়েছে।

বন্যপ্রাণী: এ বনের উল্লেখযোগ্য বন্যপ্রাণীর মধ্যে রয়েছে মেছোবাঘ, বনবিড়াল, বানর, শিয়াল, সাপ, পাখি ইত্যাদি।

প্রাকৃতিক ম্যানগ্রোভ বন

অবস্থান: খুলনা, বাগেরহাট ও সাতক্ষীরা জেলায় অবস্থিত পৃথিবীর একক বৃহত্তম প্রাকৃতিক ম্যানগ্রোভ বন হলো সুন্দরবন। বঙ্গোপসাগরের কোল ঘেঁষে এ বন অবস্থিত।



প্রাকৃতিক ম্যানগ্রোভ বন (সুন্দরবন)

পরিমাণ: এ বনের আয়তন প্রায় ৬ লক্ষ ১ হাজার ৭০০ হেক্টর; যা দেশের আয়তনের ৪.০৭% এবং যা বন অধিদপ্তর নিয়ন্ত্রিত বনভূমির ৩৮%।

উদ্ভিদ প্রজাতি: সুন্দরী, গেওয়া, কেওড়া, পশুর, বাইন, কাঁকড়া ইত্যাদি এ বনের প্রধান বৃক্ষ প্রজাতি।

বন্যপ্রাণী: এ বনের উল্লেখযোগ্য বন্যপ্রাণী হচ্ছে রয়েল বেঙ্গল টাইগার, হরিণ, বানর, শূকর, কুমির, অজগর ইত্যাদি।

নদী/খাল: এ বনের মধ্য দিয়ে প্রবাহিত প্রধান প্রধান নদীগুলো হলো- পশুর, শিবসা, বলেশ্বর, রায়মংগল ইত্যাদি। তাছাড়া শত শত খাল এ বনের মধ্যে জালের মতো ছড়িয়ে আছে।

মৎস্য সম্পদ: শুধু বৃক্ষসম্পদ নয়, এ বন মৎস্য সম্পদেরও এক বিরাট আধার। এ বনে ইলিশ, লইট্যা, ভাঙ্গন, কাইন মাগুর, দাঁতনে, জাবা, ছুরি, পোয়া, রূপচাঁদা, ভেটকি, পারসে, চিংড়ি, চিত্রা ইত্যাদি মাছ ও কাঁকড়া পাওয়া যায়।


বিশ্ব ঐতিহ্য: সুন্দরবনের ৩টি বন্যপ্রাণী অভয়ারণ্য নিয়ে গঠিত ১ লক্ষ ৩৯ হাজার ৭০০ হেক্টর বনাঞ্চলকে ইউনেস্কো ১৯৯৭ সালে বিশ্ব ঐতিহ্য হিসেবে ঘোষণা করেছে।

জলাভূমির বন

অবস্থান: সিলেট ও সুনামগঞ্জ জেলার হাওড় ও বিল জুড়ে এ বন বিস্তৃত। রাতারগুল দেশের অন্যতম একটি দৃষ্টিনন্দন জলাভূমির বন। সিলেট জেলার গোয়াইনঘাট উপজেলায় এ বন অবস্থিত।



জলাভূমির বন



পরিমাপ: রাতারগুলের আয়তন ২০৪.২৫ হেক্টর; যা দেশের আয়তনের ০.০১%।

উদ্ভিদ প্রজাতি: এ বনের প্রধান বৃক্ষ প্রজাতিসমূহ হলো- হিজল, করচ, পিটালী, বরুণ ইত্যাদি। বছরের প্রায় অর্ধেক সময় এ বনের গাছ পানিতে আংশিক ডুবে থাকে।

বন্যপ্রাণী: বানর, মেছোবাঘ, ভোঁদড়, কাঠবিড়ালী, সাপ, পাখি ইত্যাদি।

মৎস্য সম্পদ: এ বন মিঠা পানির মাছের আবাসস্থল ও প্রজননের জন্য অত্যন্ত গুরুত্বপূর্ণ।

সৃজিত উপকূলীয় বন

অবস্থান: নোয়াখালী, লক্ষ্মীপুর, ফেনী, ভোলা, পটুয়াখালী, বরগুনা, পিরোজপুর, চট্টগ্রাম এবং কক্সবাজার জেলার উপকূলীয় এলাকা। উপকূলীয় এলাকায় জেগে উঠা চরাভূমিতে ১৯৬৫ সাল থেকে এ বন সৃজন করা হয়েছে। এ বনকে প্যারা বনও বলা হয়। এ বন ঘূর্ণিঝড় ও জলোচ্ছ্বাসের তীব্রতা হতে উপকূলীয় এলাকার জ্ঞান-মাংশ রক্ষা করে। এ বন জেগে ওঠা চরভূমিকে স্থিতিশীল ও দৃঢ় করে কৃষি কাজসহ অন্যান্য উন্নয়নমূলক কাজের জন্য উপযোগী করে তোলে।



সৃজিত উপকূলীয় বন



সৃজিত উপকূলীয় বন

পরিমাপ: এ বনের আয়তন প্রায় ২ লক্ষ ৬১ হাজার ৫৭০ হেক্টর; যা দেশের আয়তনের ১.৭৭% এবং বন আধিদপ্তর নিয়ন্ত্রিত বনভূমির ১৬.৩৫%।

উদ্ভিদ প্রজাতি: কেওড়া, ছৈলা, গেওয়া, কাঁকড়া, বাইন, ধুন্দল, পশুর, সুন্দরী, গোলপাতা ইত্যাদি। প্রাকৃতিক ম্যানগ্রোভ বনের মতো এ বনও জোয়ার-ভাটায় প্রাবিত হয়।

বন্যপ্রাণী: হরিণ, মেছোবাঘ, কুমির, শুকর, শিয়াল, বানর, বনবিড়াল, বালিহাঁস ইত্যাদি।

মৎস্য সম্পদ: এ বন উপকূলীয় মৎস্য ভান্ডারেরও একটি বিরাট উৎস। এখানে ভেটকি, লইট্যা, পারসে, চিংড়ি ইত্যাদি মাছ ও কাঁকড়া পাওয়া যায়।

উপকূলীয় বনায়নে অর্জিত সাফল্য

বাংলাদেশ বিশ্বে সর্বপ্রথম উপকূলীয় চরাঞ্চলে সফল বনায়নকারী দেশ। বন বিভাগ ঘাটের দশক থেকে উপকূলীয় অঞ্চলে জেগে ওঠা চরে বনায়ন শুরু করেছে। উপকূলীয় চরে বনায়ন প্রক্রিয়ায় বনজ সম্পদ সৃষ্টির পাশাপাশি উপকূলবাসীকে প্রাকৃতিক দুর্যোগের ক্ষতিকর প্রভাব থেকে সুরক্ষা করেছে এবং সাগর থেকে ভূমি জেগে ওঠাসহ দৃঢ় করণ প্রক্রিয়াকে ত্বরান্বিত করেছে। জলবায়ু পরিবর্তনের সাথে অভিযোজন এবং এর নেতিবাচক প্রভাব হ্রাসে ঘূর্ণিঝড় এবং জলোচ্ছ্বাস প্রতিরোধে সবুজ বেষ্টিনী হিসেবে কাজ করেছে; সেই সাথে দেশে কার্বন মজুদ বৃদ্ধি পেয়েছে। উপকূলীয় বনায়ন বন্যপ্রাণীর অভয়াশ্রম ও মৎস্যসমৃদ্ধির প্রজনন ক্ষেত্র তৈরি করেছে।

- বনায়নের মাধ্যমে বঙ্গোপসাগর থেকে ১৬৮০ বর্গকিলোমিটার আয়তনের ভূমি দেশের মূল ভূ-খন্ডের সাথে যুক্ত হয়েছে।
- উপকূলীয় চরাঞ্চলে এ যাবৎ ২৬১৫.৭ বর্গ কি.মি. চর বনায়ন করা হয়েছে, যা উপকূলবাসীকে ঝড়, জলোচ্ছ্বাস ও নদীভাঙ্গন-এর মতো প্রাকৃতিক দুর্যোগের কবল থেকে রক্ষা করে আসছে।
- উপকূলীয় চর বনায়নের প্রভাবে উপকূলীয় বনের ভূমি স্থায়িত্ব অর্জন করায় উপকূলের ১ লক্ষ ১২ হাজার ৬৩ একর জমি শস্য উৎপাদনের লক্ষ্যে ভূমি মন্ত্রণালয়ে হস্তান্তর প্রদান করা হয়েছে।
- ২০২২-২৩ অর্থবছরে উপকূলীয় অঞ্চলে বিভিন্ন প্রকল্পের আওতায় ৯ হাজার ৪৫০ হেক্টর ম্যানগ্রোভ বাগান, ৩০ হেক্টর নন-ম্যানগ্রোভ বাগান, ৫৫০ হেক্টর ম্যানগ্রোভ এনরিচমেন্ট বাগান, ১০০ হেক্টর ঝাঁউ বাগান, ৪০৮ কিলোমিটার গোলপাতা বাগান, ৬৫.০ হেক্টর ফড়ার বাগান, ১০ কিলোমিটার খালপাড় বাগান, ৭৮২ হেক্টর মিশ্রপ্রজাতির দ্রুত বর্ধনশীল বাগান, ৯৫ হেক্টর এনরিচমেন্ট বাগান, ৯৫ হেক্টর ইমপ্রুভমেন্ট বাগান এবং ৩০২.৫ সিডলিং কিলোমিটার স্ট্রিপ বাগান সৃজন করা হয়েছে।

জেলা ভিত্তিক বৃক্ষ আচ্ছাদন

বন অধিদপ্তর ও যুক্তরাষ্ট্রের মেরিল্যান্ড বিশ্ববিদ্যালয় এর যৌথ গবেষণায় ২০১৪ সালের Landsat স্যাটেলাইট ইমেজ (Image Resolution 30m) এর তথ্য বিশ্লেষণ করে বাংলাদেশের জেলা ভিত্তিক বৃক্ষ আচ্ছাদনের পরিমাপ নিরূপণ করা হয়। নিম্নে তার তথ্য উপস্থাপন করা হল:

জেলা	বৃক্ষ আচ্ছাদন (বর্গ কি.মি.)	বৃক্ষ আচ্ছাদন %	জেলা	বৃক্ষ আচ্ছাদন (বর্গ কি.মি.)	বৃক্ষ আচ্ছাদন %
বাগেরহাট	২১০১.৫৫	৫০.৪৪	লালমনিরহাট	১২১.৯৯	৯.৮৪
বান্দরবান	৩৪০৩.৪৬	৭৩.৬৭	মাদারীপুর	১০৪.৫৪	৯.২৪
বরগুনা	৩০৬.৭৪	১৭.৯২	মাগুরা	১৭৫.৪৮	১৬.৮২
বরিশাল	৫৬৬.১১	২২.০৮	মানিকগঞ্জ	১৪৫.২৬	১০.৪৩
ভোলা	৬৬৩.৬৫	১৭.৫২	মৌলভীবাজার	৯০১.৩৫	৩৩.৩২
বরুড়া	২৬৭.৬০	৯.১৩	মেহেরপুর	৯০.৭৫	১২.৮৪
ব্রাহ্মণবাড়িয়া	১৩৪.৭২	৬.৯৪	মুন্সিগঞ্জ	৫০.২১	৫.৩৭
চাঁপাইনবাবগঞ্জ	২৩৯.৮৬	১৪.৩৭	ময়মনসিংহ	৮২০.৬৮	১৮.৯৪
চাঁদপুর	৩৪১.৫১	১৯.৯৩	নওগাঁ	১৫৭.১৫	৪.৫৯
চট্টগ্রাম	১৫৭২.৭৯	২৬.৮৪	নড়াইল	১০৫.৬৯	১০.৬৯
চুয়াডাঙ্গা	১৭৫.০৯	১৫.২৩	নারায়ণগঞ্জ	৪৩.০৯	৬.০৮
কুমিল্লা	৪১৬.৬৪	১৩.৩৬	নারসিংদী	৩৩৬.৬০	২৮.৯৮
কক্সবাজার	৬১৫.৫৭	২০.২৮	নাটোর	২৬২.৯১	১৩.৮১
কক্সবাজার	১৬৪.৪৩	১১.১৮	নেত্রকোনা	২৫৮.৫৮	৯.২৫
দিনাজপুর	১৫০.২১	৪.৩৫	নীলফামারী	১১১.১২	৬.৯৭
ফরিদপুর	২৫০.২০	১২.৩৩	নোয়াখালী	৫৪১.৮৪	১২.৬৫
ফেনী	২০৬.৯৭	২২.৩৪	পাবনা	২৬৮.৯২	১১.৩২
গাইবান্ধা	১৮১.২৭	৮.৪৪	পঞ্চগড়	৬৪.৬৯	৬.৬৪
গাজীপুর	৬১৫.৮৩	৩৩.৯২	পটুয়াখালী	৪৬৩.০৩	১৩.৩৪
গোপালগঞ্জ	১০৬.৩৬	৭.১৮	পিরোজপুর	৪৫২.৫১	৩৫.৫৩
হবিগঞ্জ	৪২৭.৩২	১৬.৩৭	রাজবাড়ী	১৫৫.৮০	১৩.৬৬
জামালপুর	২১৮.১৯	১০.৬১	রাজশাহী	২৬৩.৫৯	১০.৮৯
মণোর	৫৮৬.৯৯	২২.৯২	রাঙ্গামাটি	৪০১.৩৩	৭০.২৬
ঝালকাঠি	২৬৩.৮১	৩৫.৫০	রাংপুর	২৮১.৭২	১১.৯৪
ঝিনাইদহ	৩৫৫.৯৬	১৮.২১	সাতক্ষীরা	১৩৩.১৩	৩৩.৬১
জয়পুরহাট	৬২.৬৭	৬.৩২	শরীয়তপুর	১৩৭.৯৮	১১.৪৯
ঝাংগাড়া	১৯৬.৭৬	৬.৭১	শেরপুর	১৭৯.৯১	১৩.৭২
বুশনা	১৮০৯.৫১	৪০.৯১	সিরাজগঞ্জ	২২১.৬৪	৮.৮৩
কিশোরগঞ্জ	৩১৬.০২	১২.৩২	সুনামগঞ্জ	১৭৩.৯৫	৪.৭৫
কুষ্টিয়া	২৩৬.২৭	১০.৩২	সিলেট	৬০১.৮৪	১৭.৫২
কুষ্টিয়া	২৫০.৪০	১৫.৩৬	টাঙ্গাইল	৭০৯.৭১	২১.০৩
লক্ষ্মীপুর	৪৩৮.৮০	২৯.২১	ঠাকুরগাঁও	৩০.৪৯	১.৭০
বৃক্ষ আচ্ছাদনের মোট ভূমির পরিমাপ		৩৩৩১২	২২.৬৭		

** বর্তমানে ২০১৫ থেকে ২০২০ সালের স্যাটেলাইট ইমেজ ব্যবহার করে ইউনিভার্সিটি অফ মেরিল্যান্ড, মার্কিন যুক্তরাষ্ট্রের সাথে যৌথভাবে দ্বিতীয় পর্বের বাংলাদেশের বৃক্ষাচ্ছাদনের দ্রুত-বৃদ্ধি পরীক্ষণের কার্যক্রম সম্পন্ন হয়েছে। এ তথ্য থেকে জেলা ভিত্তিক বৃক্ষাচ্ছাদনের পরিমাপ নিরূপণ করে প্রকাশ করা হবে।

বন অধিদপ্তরের নার্সারী

বন অধিদপ্তরের আওতায় দেশের ৬৪টি জেলার মধ্যে ৬১টি জেলায় মোট ১০১টি এস.এফ.এন.টি.সি (সামাজিক বনায়ন নার্সারী ও প্রশিক্ষণ কেন্দ্র) এবং ৩১২টি উপজেলায় এস.এফ.পি.সি (উপজেলা সামাজিক বনায়ন কেন্দ্র) রয়েছে। বন বিভাগে বিদ্যমান এ ৪১৩ টি নার্সারীতে বিভিন্ন বনজ, ফলজ, ঔষধি, শোভাবর্ধনকারী ও বিলুপ্তপ্রায় গাছের চারা উত্তোলন করতঃ সরকারী মূল্যে বিক্রয় করা হয়ে থাকে। ২০২২-২০২৩ অর্থ বছরে এসকল নার্সারীতে বিক্রয়/বিতরণের জন্য ৩১ লক্ষ ১১ হাজার ৮৬৪ টি চারা উত্তোলন করা হয়েছে। উল্লেখ্য যে, ২০০২ সাল হতে ২০২২-২৩ আর্থিক সাল পর্যন্ত সারা দেশে ব্যাপক বনায়নের লক্ষ্যে বন অধিদপ্তরের বিভিন্ন নার্সারী কর্তৃক ১১ কোটি ৫৬ লক্ষ ৯৫ হাজার ৭৯৪ টি বিবিধ প্রজাতির বনজ, ফলদ, ঔষধি, শোভাবর্ধনকারী ও বিলুপ্তপ্রায় গাছের চারা উত্তোলন পূর্বক সরকারি স্বল্প মূল্যে বিক্রয়/বিতরণ করা হয়েছে। অর্থাৎ ২০০২ সাল হতে ২০২২-২০২৩ অর্থ বছর পর্যন্ত বন অধিদপ্তরের বিভিন্ন নার্সারীতে ১১ কোটি ৯৩ লক্ষ ৩০ হাজার ৩৬৪ টি বিভিন্ন প্রজাতির চারা উত্তোলন করা হয়েছে।

সামাজিক বনায়ন

সামাজিক বনায়ন হলো স্থানীয় দরিদ্র জনগণকে উপকারভোগী হিসেবে সম্পৃক্ত করে পরিচালিত বনায়ন কার্যক্রম। ভূমিহীন, দরিদ্র, বিধবা ও দুর্দশাগ্রস্ত গ্রামীণ জনগণের সামাজিক ও অর্থনৈতিক সুবিধা নিশ্চিত করাই সামাজিক বনায়নের প্রধান লক্ষ্য। সামাজিক বনায়নের মূল উদ্দেশ্য হলো দরিদ্র জনগোষ্ঠীর কর্মসংস্থানের সুযোগ সৃষ্টি করে তাদের স্বনির্ভর হতে সহায়তা করা এবং তাদের খাদ্য, পণ্ডখাদ্য, জ্বালানী, আসবাবপত্র ও মূলধনের চাহিদা পূরণ করা। নার্সারী সৃজন, প্রাপ্তিক ও পতিত ভূমিতে বৃক্ষরোপণ করে বনজ সম্পদ সৃষ্টি, মরুময়তা রোধ, ক্ষয়িষ্ণু বনাঞ্চল রক্ষা ও উৎপাদন বৃদ্ধি, পরিবেশ উন্নয়ন ও জীববৈচিত্র্য সংরক্ষণ, নারীর ক্ষমতায়ন ও নেতৃত্ব সৃষ্টি এবং সর্বোপরি কর্মসংস্থান সৃষ্টি ও দারিদ্র্য নিরসনে সামাজিক বনায়ন গুরুত্বপূর্ণ ভূমিকা রাখছে।



সড়ক বনায়ন



সামাজিক বনায়ন কার্যক্রমে নারীর অংশগ্রহণ

বাংলাদেশে সামাজিক বনায়ন গ্রামীণ জনপদে আর্থ-সামাজিক উন্নয়ন ও দারিদ্র্য বিমোচনে এক নতুন দিগন্তের সূচনা করেছে। সেই সাথে সামাজিক বনায়ন পরিবেশের ভারসাম্য রক্ষা, জলবায়ু পরিবর্তনের অভিঘাত প্রশমন ও অভিযোজন এবং জীববৈচিত্র্য সংরক্ষণে গুরুত্বপূর্ণ ভূমিকা রাখছে। বন বিভাগ ১৯৬০-এর দশকে বন সম্প্রসারণ কার্যক্রমের মাধ্যমে সর্বপ্রথম বনায়ন কর্মসূচি বনাঞ্চলের বাইরে জনগণের কাছে নিয়ে যায়। অতঃপর ১৯৮১-৮২ সাল হতে উত্তরবঙ্গের সরকারি বনভূমিতে বনায়নের জন্য বৃহত্তর ৭টি জেলায় কমিউনিটি উন্নয়ন প্রকল্পের মাধ্যমে জনগণের অংশগ্রহণে অংশীদারিত্বমূলক সামাজিক বনায়নের প্রচলন করে। সরকার ২০০০ সালে সামাজিক বনায়ন কার্যক্রমকে ১৯২৭ সালের বন আইনে অন্তর্ভুক্তির মাধ্যমে আইনি কাঠামোতে নিয়ে আসে। সামাজিক বনায়নকে আরও শক্তিশালী করার জন্য সরকার ২০০৪ সালে সামাজিক বনায়ন বিধিমালা প্রবর্তন করে। এ বিধিমালা-কে আরো যুগোপযোগী ও কার্যকর করার লক্ষ্যে ২০১০ ও ২০১১ সালে উহাতে সংশোধনী আনা হয়। সংশোধিত বিধিমালায় সরকারি বনভূমিতে বনায়নের জন্য স্থানীয় জনগোষ্ঠীর বিনিয়োগের সুযোগ সৃষ্টি করা হয়েছে।

আবর্তকাল ও উপকারভোগী নিবাচন

সামাজিক বনায়নের আওতায় সৃজিত বাগানের আবর্তকাল ন্যূনতম ১০ বছর। সৃজিত স্ট্রিপবাগানে প্রতি কিলোমিটারে সর্বনিম্ন ৫ জন এবং উডলট/ব্রক বাগান/বাফারজোন/এমোফরেনস্ট্রি/উপকূলীয় চরভূমি/ফোরশোর ইত্যাদি বাগানে প্রতি হেক্টরে ১ জন হিসেবে উপকারভোগী সম্পৃক্ত করা হয়। অধিকাংশ উপকারভোগী সৃজিত উডলট ও কৃষি বন বাগানে অন্তর্বর্তীকালীন ফসল হিসেবে আদা, হলুদ, আনারস, গম, চীনাবাদাম, কচু, লেবু, সবুজি এবং ঔষধি গাছপালা ও অন্যান্য ফসল চাষ করে লাভবান হয়। অংশীদারিত্বমূলক লভ্যাংশ বন্টন চুক্তিনামা অনুযায়ী সামাজিক বন থেকে প্রথম ৭ বছর পর্যন্ত প্রুনিং ও থিনিং কালে কর্তিত বৃক্ষ, ফলদ বৃক্ষের ফল, উৎপাদিত কৃষি ফসল ইত্যাদি থেকে প্রাপ্ত সকল আয় সম্পূর্ণরূপে উপকারভোগীগণ পেয়ে থাকেন এবং আবর্তকাল শেষে বৃক্ষ কর্তন পূর্বক লভ্যাংশ চুক্তিনামা (PBSA) অনুযায়ী উপকারভোগীদের মাঝে বন্টন করা হয়।



সামাজিক বনায়নের উপকারভোগীদের মাঝে লভ্যাংশের চেক বিতরণ



সামাজিক বনায়নে অর্জিত সাফল্য

- ▶ সামাজিক বনায়নের আওতায় ১৯৮১-১৯৮২ হতে ২০২২-২০২৩ অর্থবছর পর্যন্ত মোট ১ লক্ষ ৬ হাজার ১৪৮.১৬ হেক্টর ব্রক/উডলট এবং ৮০ হাজার ১৪১.৩৬ কিলোমিটার স্ট্রিপ বাগান সৃজন করা হয়েছে। উল্লেখ্য, ২০২৩-২০২৪ অর্থ বছরে বন অধিদপ্তর কর্তৃক সারাদেশে ১৮০০ হেক্টর ব্রক বাগান ও ম্যানগ্রোভ প্লান্টেশন ৩০০ হেক্টর এবং ৭০০ সিডলিং কিলোমিটার স্ট্রিপ বাগান সৃজনের লক্ষ্যমাত্রা নির্ধারণ করা হয়েছে; যার কার্যক্রম চলমান রয়েছে।
- ▶ সৃজিত বাগানে ৭ লক্ষ ৬৭ হাজার ২৬৯ জন উপকারভোগী সম্পৃক্ত করা হয়েছে। তন্মধ্যে মহিলা উপকারভোগীর সংখ্যা ১ লক্ষ ৫৩ হাজার ৭৩১ জন।
- ▶ সামাজিক বনায়নের মাধ্যমে সৃজিত বাগান সমূহ হতে মোট ৫৪ হাজার ৬৬৩.৫৬ হেক্টর ব্রক/উডলট এবং ৩৫ হাজার ৬৪.৮৫ কিলোমিটার স্ট্রিপ বাগান কর্তন করা হয়েছে। যার বিক্রয় মূল্য মোট ১৯৪৮ কোটি ৬০ লক্ষ ১২ হাজার ১৫৩ টাকা মাত্র।
- ▶ এ যাবৎ ২ লক্ষ ৪২ হাজার ৬৫৯ জন উপকারভোগীর মাঝে মোট ৪৭৮ কোটি ২০ লক্ষ ৭৩ হাজার ৭৮৭ টাকা বিতরণ করা হয়েছে।
- ▶ ২০২২-২৩ অর্থ বছর পর্যন্ত পুনঃবনায়ন কার্য সম্পাদনের নিমিত্ত বৃক্ষরোপণ তহবিলে (টিএফএফ) মোট ১৬২ কোটি ৭৯ লক্ষ ২১ হাজার ৭৯২ টাকা জমা করা হয়েছে।
- ▶ এ যাবৎ সামাজিক বনায়নের মাধ্যমে সরকারের অর্জিত রাজস্ব আয়ের পরিমাণ মোট ৬৬৭ কোটি ৮ লক্ষ ১২ হাজার ৪৪৮ টাকা মাত্র।
- ▶ ভূমি মালিক ও ইউনিয়ন পরিষদসহ অন্যান্য অংশীজনের মধ্যে বিতরণকৃত টাকার পরিমাণ মোট ২৬৩ কোটি ০৪ লক্ষ ৭৭ হাজার ৩৯৭ টাকা মাত্র।

প্রাকৃতিক সম্পদ ব্যবস্থাপনায় দীর্ঘকালের চলে আস প্রথাগত পদ্ধতির নানা দুর্বলতা দূর করে বিশ্বের বিভিন্ন দেশে (বিশেষতঃ উন্নয়নশীল বিশ্বে) প্রাকৃতিক সম্পদ রক্ষায় সহ-ব্যবস্থাপনা পদ্ধতি আশার সম্ভার করেছে এবং প্রাকৃতিক সম্পদ ব্যবস্থাপনায় এ পদ্ধতি আদর্শ একটি মডেল হিসেবে স্বীকৃতি লাভ করেছে। বন অধিদপ্তর নিসর্গ সহায়তা প্রকল্প (২০০৪-২০০৮), সমন্বিত রক্ষিত এলাকা সহ-ব্যবস্থাপনা প্রকল্প বা আইপ্যাক প্রকল্প (২০০৮-২০১৩) এবং জলবায়ু-সহিষ্ণু প্রতিবেশ ও জীবিকা বা ট্রেন্স প্রকল্প (২০১৩-২০১৮) এর মাধ্যমে ২২টি রক্ষিত এলাকায় সহ-ব্যবস্থাপনা পদ্ধতি চালুসহ ২৮ টি সহ-ব্যবস্থাপনা কমিটি গঠন করা হয়। সহ-ব্যবস্থাপনার মাধ্যমে রক্ষিত এলাকার পার্শ্ববর্তী জনসাধারণের অংশগ্রহণের ৩০ জীব-বৈচিত্র্য সংরক্ষণের একটি সফল অধ্যায় সূচিত হয়েছে। এ পদ্ধতির কারণে পূর্বে যারা বন থেকে অবৈধভাবে সম্পদ আহরণের সুযোগ খুঁজতো তারাই এখন বনকর্মীদের সাথে বনজসম্পদ রক্ষা করছেন। রক্ষিত এলাকার ব্যবস্থাপনা উন্নত হয়েছে, ফলে বনে পর্যটকদের সংখ্যা বৃদ্ধি পেয়েছে। Grant Financing এর আওতায় রক্ষিত এলাকায় পর্যটন থেকে অর্জিত আয়ের ৫০% ল্যান্ডস্কেপ উন্নয়ন ও জনগোষ্ঠীর কল্যাণে ব্যয় হচ্ছে। রক্ষিত এলাকা ব্যবস্থাপনায় স্বচ্ছতা ও জবাবদিহিতা বৃদ্ধি পেয়েছে, বন অপরাধ ও বনজসম্পদের পাচার উল্লেখযোগ্য হারে হ্রাস পেয়েছে। সরকার ইতোমধ্যে রক্ষিত এলাকা ব্যবস্থাপনা বিধিমালা, ২০১৭ অনুমোদন এবং সহ-ব্যবস্থাপনার একটি পূর্ণাঙ্গ রূপরেখা প্রণয়ন করেছে, যার সঠিক বাস্তবায়নে জীববৈচিত্র্য সংরক্ষণ ও বন নির্ভর জনগোষ্ঠীর জীবনমানের উন্নয়ন হবে।

২০২২-২০২৩ আর্থিক সালে সহযোগিতামূলক বন ব্যবস্থাপনা কার্যক্রম বাস্তবায়নে প্রণীত কমিউনিটি অপারেশন ম্যানুয়েল (COM) অনুমোদিত হয়েছে। COM অনুসরণে ৪১,০০০ বন নির্ভর পরিবারকে সম্পৃক্ত করে সহযোগিতামূলক বন ব্যবস্থাপনা কার্যক্রম গ্রহণ করা হচ্ছে। এ কাজে সহায়তার জন্য ০৭টি এনজিও নিয়োগ করা হয়েছে। ০৭টি এনজিও এর সহায়তায় সিআইপি পদ্ধতি অনুসরণে বন নির্ভর গ্রাম (এফসিডি/ ভিসিএফ নির্বাচন, সুবিধাভোগী পরিবার নির্বাচন, বেজলাইন সার্ভে, ৬১৫টি কমিটি ও ৩০৭৫টি শাখা-কমিটি গঠন, ৬০০টি ব্যাংক একাউন্ট খোলার কাজ শেষ হয়েছে। সাংগঠনিক দক্ষতা বৃদ্ধির জন্য ২৫,২২২ জন এবং বিকল্প জীবিকা বিষয়ক দক্ষতা বৃদ্ধির জন্য ৩৫,৬৮১ জনকে প্রশিক্ষণ প্রদান করা হয়েছে। ১৯,৭৫৯ জন সুবিধাভোগীকে ৮৬ কোটি ৩৬ লক্ষ টাকা জীবিকা উন্নয়ন তহবিল হিসেবে প্রদান করা হয়েছে। এছাড়া ১৮ জন কে ৪৭ লক্ষ টাকা কমিউনিটি উন্নয়ন তহবিল হিসেবে প্রদান করা হয়েছে।



রক্ষিত এলাকায় সহ-ব্যবস্থাপনা কার্যক্রম



সামাজিক বনায়নে নার্সারিতে চারা উৎপাদন, পরিচর্যা, বাগান পরিচর্যা ইত্যাদি কার্যক্রমে নারীদের অংশগ্রহণের সুযোগ সৃষ্টি এবং আত্মনির্ভরশীল করা হয়ে থাকে। এছাড়া সামাজিক বনায়ন বিধিমালা (২০০৪) অনুযায়ী ৩০% দুঃস্থ নারী উপকারভোগী হওয়ায় সুযোগ পেয়ে থাকেন। স্থানীয় জনগোষ্ঠীর উদ্যোগে গৃহীত সামাজিক বনায়ন কার্যক্রমের ক্ষেত্রে ব্যবস্থাপনা কমিটির সদস্যদের অন্ততঃ দুইজন নারী থাকেন। বিধি ৭ এর (১) উপবিধিতে চুক্তির আওতায় উপকারভোগীর দায়িত্ব, কর্মব্যবস্থাপনা এবং সুবিধা এর ক্ষেত্রে স্ত্রী ও স্বামীকে সমান অধিকার অর্পণ করা হয়েছে। সামাজিক বনায়নের প্রশিক্ষণের ক্ষেত্রে ৫০% নারীকে অংশগ্রহণের সুযোগ দেয়া হয়ে থাকে। রক্ষিত এলাকা সহ-ব্যবস্থাপনা বিধিমালা ২০১৭ অনুযায়ী গ্রাম সংরক্ষণ দল, পিপলস্ ফোরাম, সহ-ব্যবস্থাপনা সাধারণ ও নির্বাহী কমিটির প্রতিটি পর্যায়ে এবং দাপ্তরিক পদমর্যাদায় নারীর অবস্থানকে নিশ্চিত করা হয়েছে। তাছাড়া বৃক্ষরোপণে প্রধানমন্ত্রীর জাতীয় পুরস্কার প্রদানের ক্ষেত্রে নীতিমালা অনুযায়ী নারীদের অগ্রাধিকার দিয়ে বৃক্ষরোপণে উৎসাহিত করা হয়ে থাকে। দেশজুড়ে হাজারো প্রান্তিক নারীকে সহযোগিতামূলক বন ব্যবস্থাপনা কার্যক্রমের আওতায় এনে পরিবেশ সংরক্ষণের পাশাপাশি তাদের জীবনমান পরিবর্তনের মাধ্যমে সুন্দর ও স্বাবলম্বী জীবনের স্বপ্ন বোনায় সহায়তা করছে বন অধিদপ্তরের সুফল প্রকল্প।



সহযোগিতামূলক বন ব্যবস্থাপনায় নারী

বার্ষিক কর্মসম্পাদন চুক্তি

সরকার ২০৪১ সালের মধ্যে বাংলাদেশকে উন্নত রাষ্ট্র হিসেবে বিনির্মাণে দৃঢ় প্রতিজ্ঞ এবং সুশাসন সুসংহতকরণে সচেষ্ট। সে লক্ষ্য বাস্তবায়নে একটি কার্যকর, দক্ষ এবং গতিশীল প্রশাসনিক ব্যবস্থা একান্ত অপরিহার্য মর্মে সরকার মনে করে। এর পরিপ্রেক্ষিতে স্বচ্ছতা ও দায়বদ্ধতা বৃদ্ধি, সম্পদের যথাযথ ব্যবহার নিশ্চিতকরণ এবং প্রাতিষ্ঠানিক সক্ষমতা উন্নয়নের জন্য ২০১৪-২০১৫ অর্থ বছরে ৪৮টি মন্ত্রণালয়/বিভাগের সঙ্গে বার্ষিক কর্মসম্পাদন চুক্তি স্বাক্ষরের মাধ্যমে কর্মসম্পাদন ব্যবস্থাপনা পদ্ধতি চালু হয়েছে। ২০১৫-২০১৬ অর্থ বছরে ৪৮টি মন্ত্রণালয়/বিভাগ এবং এর আওতাধীন দপ্তর/সংস্থাসমূহের সঙ্গে বার্ষিক কর্মসম্পাদন চুক্তি স্বাক্ষরিত হয়েছে। ২০১৬-২০১৭ অর্থ বছরে মন্ত্রণালয়/বিভাগ, আওতাধীন দপ্তর/সংস্থার পাশাপাশি বিভাগীয়/আঞ্চলিক ও জেলা পর্যায়ের কার্যালয়সমূহের সঙ্গেও বার্ষিক কর্মসম্পাদন চুক্তি স্বাক্ষরিত হয়েছে। ২০১৭-২০১৮ অর্থ বছরে ৫১ টি মন্ত্রণালয়/বিভাগ, আওতাধীন দপ্তর/সংস্থা এবং জেলা পর্যায়ের কার্যালয়সমূহের পাশাপাশি উপজেলা পর্যায়ের কার্যালয়সমূহ পর্যন্ত বার্ষিক কর্মসম্পাদন চুক্তি স্বাক্ষরিত হয়েছে। বন অধিদপ্তর ২০১৪-২০১৫ অর্থ বছর থেকে বার্ষিক কর্মসম্পাদন চুক্তি স্বাক্ষরের মাধ্যমে কার্যক্রম বাস্তবায়ন করে আসছে। ২০২২-২০২৩ অর্থ বছরে দেশের অর্থনৈতিক উন্নয়ন, কর্মসংস্থান, দারিদ্র্য বিমোচন, প্রাকৃতিক বিপর্যয় রোধ এবং পরিবেশের ভারসাম্য রক্ষাকল্পে বন অধিদপ্তর কর্তৃক ১৪,৪৯৮ হেক্টর ব্রক বাগান, ৯৪৫০ হেক্টর ম্যানগ্রোভ বাগান এবং ১৭০১ কিলোমিটার স্ট্রীপ বাগান সৃজন করা হয়েছে।

বকেয়াসহ এ অর্থ বৎসরে ৫৬ কোটি ৪৭ লক্ষ ৯৪ হাজার টাকা লভ্যাংশ বিতরণ করা হয়েছে। বনায়নের বর্ধিত লক্ষ্য ও উদ্দেশ্য পূরণকল্পে ২০২৩-২০২৪ অর্থ বছরে বন অধিদপ্তরের অধিক্ষেত্রে ২৯৫০ হেক্টর ম্যানগ্রোভ বাগান সৃজিত হয়েছে। এছাড়াও ১৮০০ হেক্টর ব্লক বাগান, ৩০০ হেক্টর ম্যানগ্রোভ বাগান ও ৭০০ সিডলিং কিলোমিটার স্ট্রিপ বাগান সৃজনের কার্যক্রম চলমান রয়েছে।

রক্ষিত এলাকা সমূহ (এপ্রিল ২০২৩ সন পর্যন্ত)

জীববৈচিত্র্য ও বন্যপ্রাণী সংরক্ষণের জন্য সরকার ঘোষিত বিশেষ জীববৈচিত্র্য সংরক্ষণ এলাকা, সকল অভয়ারণ্য, জাতীয় উদ্যান, কমিউনিটি কনজারভেশন এলাকা, সাফারী পার্ক, ইকোপার্ক, উদ্ভিদ উদ্যান, জাতীয় ঐতিহ্য ও কুঞ্জবন- এ সকল এলাকা রক্ষিত এলাকার অন্তর্ভুক্ত। দেশে বর্তমানে রক্ষিত এলাকার (Terrestrial & Marine) পরিমাণ ৮,১৭,৮৪০.৪৭৫ হেক্টর। এর মধ্যে Terrestrial রক্ষিত এলাকার পরিমাণ ৪,৬৯,৭৪০.৪৭৫ হেক্টর; যা দেশের মোট আয়তনের ৩.১৮ শতাংশ।

দেশের বন্যপ্রাণী সংরক্ষণকে সর্বাধিক গুরুত্ব প্রদান করে সরকার সারা দেশে সর্বমোট ৫৩ টি সংরক্ষিত এলাকা ঘোষণা করেছে। তারমধ্যে ১৯ টি জাতীয় উদ্যান, ১ টি উদ্ভিদ উদ্যান, ২৫ টি বন্যপ্রাণী অভয়ারণ্য, ২ টি বিশেষ জীববৈচিত্র্য সংরক্ষণ এলাকা, ৪ টি ইকোপার্ক এবং ২ টি মেরিন প্রোটেক্টেড এরিয়া রয়েছে। তাছাড়া শকুন সংরক্ষণের জন্য ২ টি শকুন নিরাপদ এলাকা (ভালচার সেফ জোন) ঘোষণা করা হয়েছে।

বন্যপ্রাণী অভয়ারণ্য:

- | | |
|---|---|
| ১. রেমাকালেঙ্গা বন্যপ্রাণী অভয়ারণ্য | ১৪. সুন্দরবন দক্ষিণ বন্যপ্রাণী অভয়ারণ্য |
| ২. ফাঁসিয়াখালী বন্যপ্রাণী অভয়ারণ্য | ১৫. চাঁদপাই বন্যপ্রাণী (ডলফিন) অভয়ারণ্য |
| ৩. হাজারীখিল বন্যপ্রাণী অভয়ারণ্য | ১৬. দুধমুখী বন্যপ্রাণী (ডলফিন) অভয়ারণ্য |
| ৪. চুনতি বন্যপ্রাণী অভয়ারণ্য | ১৭. টাংমারী বন্যপ্রাণী (ডলফিন) অভয়ারণ্য |
| ৫. দুধপুকুরিয়া-ধোপাছড়ি বন্যপ্রাণী অভয়ারণ্য | ১৮. নগরবাড়ী- মোহনগঞ্জ ডলফিন অভয়ারণ্য |
| ৬. পালাখালী বন্যপ্রাণী অভয়ারণ্য | ১৯. শিলদা নাগডেমরা বন্যপ্রাণী (ডলফিন) অভয়ারণ্য |
| ৭. সাংগু বন্যপ্রাণী অভয়ারণ্য | ২০. নাজিরগঞ্জ বন্যপ্রাণী (ডলফিন) অভয়ারণ্য |
| ৮. টেংরাগিরি বন্যপ্রাণী অভয়ারণ্য | ২১. পানখালী বন্যপ্রাণী (ডলফিন) অভয়ারণ্য |
| ৯. সোনার চর বন্যপ্রাণী অভয়ারণ্য | ২২. শিবসা বন্যপ্রাণী (ডলফিন) অভয়ারণ্য |
| ১০. চর কুকরি-মুকরি বন্যপ্রাণী অভয়ারণ্য | ২৩. ভদ্রা বন্যপ্রাণী (ডলফিন) অভয়ারণ্য |
| ১১. টেকনাফ বন্যপ্রাণী অভয়ারণ্য | ২৪. পদ্মা সেতু বন্যপ্রাণী অভয়ারণ্য |
| ১২. সুন্দরবন পূর্ব বন্যপ্রাণী অভয়ারণ্য | ২৫. বাইশারী ব্যাংডোপা বন্যপ্রাণী অভয়ারণ্য |
| ১৩. সুন্দরবন পশ্চিম বন্যপ্রাণী অভয়ারণ্য | |

জাতীয় উদ্যান:

- | | |
|---------------------------------|-----------------------------------|
| ১. ভাওয়াল জাতীয় উদ্যান | ১১. বাইরাচালা জাতীয় উদ্যান |
| ২. মধুপুর জাতীয় উদ্যান | ১২. কুয়াকাটা জাতীয় উদ্যান |
| ৩. রামসাগর জাতীয় উদ্যান | ১৩. নবাবগঞ্জ জাতীয় উদ্যান |
| ৪. হিম ছড়ি জাতীয় উদ্যান | ১৪. সিংড়া জাতীয় উদ্যান |
| ৫. লাউয়াছড়া জাতীয় উদ্যান | ১৫. কাদিগড় জাতীয় উদ্যান |
| ৬. কাপ্তাই জাতীয় উদ্যান | ১৬. আলতাদীঘী জাতীয় উদ্যান |
| ৭. নিঝুমদ্বীপ জাতীয় উদ্যান | ১৭. বীরগঞ্জ জাতীয় উদ্যান |
| ৮. মেধা কচ্ছপিয়া জাতীয় উদ্যান | ১৮. শেখ জামাল ইনানী জাতীয় উদ্যান |
| ৯. সাতছড়ি জাতীয় উদ্যান | ১৯. ধর্মপুর জাতীয় উদ্যান |
| ১০. খাদিয়নগর জাতীয় উদ্যান | |

১. জাতীয় উদ্ভিদ উদ্যান, মিরপুর

বিশেষ জীববৈচিত্র্য সংরক্ষণ এলাকা:

১. রাতারগুল বিশেষ জীববৈচিত্র্য সংরক্ষণ এলাকা
২. আলতাদীঘি বিশেষ জীববৈচিত্র্য সংরক্ষণ এলাকা

১. সোয়াচ অব নো গ্রাউন্ড মেরিন প্রোটেক্টেড এরিয়া
২. সেন্টমার্টিন মেরিন প্রোটেক্টেড এরিয়া

ইকোপার্ক:

১. চরমুগুরিয়া ইকোপার্ক
২. টিলাগড় ইকোপার্ক ও বন্যপ্রাণী প্রজনন কেন্দ্র
৩. মাধবকুন্ড ইকোপার্ক
৪. মধুটিলা ইকোপার্ক

♦ রক্ষিত এলাকা (Protected Area) ঘোষিত না হওয়া সত্ত্বেও রক্ষিত এলাকার ন্যায় কাজ করছে বা ব্যবহৃত হচ্ছে এমন ইকোপার্ক/সাফারী পার্ক এর তালিকা:

(ক) ইকোপার্ক:


১. সীতাকুন্ড বোটানিকেল গার্ডেন ও ইকোপার্ক
২. মধুটিলা ইকোপার্ক
৩. বাঁশখালি ইকোপার্ক
৪. কুয়াকাটা ইকোপার্ক
৫. বরশীজোড়া ইকোপার্ক
৬. যমুনা সেতু পশ্চিম পাড় ইকোপার্ক
৭. পিরোজপুর রিভারভিউ ইকোপার্ক

(খ) সাফারী পার্ক :

১. বঙ্গবন্ধু শেখ মুজিব সাফারী পার্ক, কক্সবাজার
২. বঙ্গবন্ধু শেখ মুজিব সাফারী পার্ক, গাজীপুর

সোয়াচ অব নো-গ্রাউন্ড মেরিন প্রোটেক্টেড এরিয়া

বাংলাদেশের বন্যপ্রাণী (সংরক্ষণ ও নিরাপত্তা) আইন ২০১২-এর ধারা ১৩ (১) এবং ১৩ (২) এর ক্ষমতা বলে পরিবেশ, বন ও জলবায়ু পরিবর্তন মন্ত্রণালয় কর্তৃক ২৭ অক্টোবর ২০১৪ খ্রিঃ তারিখে প্রজ্ঞাপন মূলে দক্ষিণ বঙ্গোপসাগরে অবস্থিত সোয়াচ অব নো-গ্রাউন্ড এর ১৭৩৮.০০ বর্গ কিলোমিটার অংশকে পাঁচ প্রজাতির বিপন্ন সামুদ্রিক ডলফিন (যেমন-ইরাবতী ডলফিন, গোলাপি ডলফিন, বোতলনাক ডলফিন, চিত্রা ডলফিন, ঘূর্ণি ডলফিন) পাখনাহীন গুগুক, কয়েক প্রজাতির তিমি (যেমন-ফিন তিমি, কুঁজো তিমি, কমন স্পার্ম তিমি, খাটো স্পার্ম তিমি, ঘাতক তিমি ইত্যাদি) এবং হাঙ্গর (হাতুরী হাঙ্গর, বাঘা হাঙ্গর, বিলাই হাঙ্গর, মইচিয়া হাঙ্গর, কানি হাঙ্গর, চোখা হাঙ্গর, কালা হাঙ্গর, নীল হাঙ্গর, থুটি হাঙ্গর, ফৌরি হাঙ্গর, করাতি হাঙ্গর ইত্যাদি) সংরক্ষণ ও বংশবৃদ্ধির লক্ষ্যে “সোয়াচঅব নো-গ্রাউন্ড মেরিন প্রোটেক্টেড এরিয়া” হিসেবে ঘোষণা করা হয়; যার গড় গভীরতা ৯০০+ মিটার।



বঙ্গোপসাগরের সোয়াচ অব নো- গ্রাউন্ড মেরিন প্রোটেক্টেড এরিয়া

সেন্টমার্টিন মেরিন প্রোটেক্টেড এরিয়া

বন্যপ্রাণী (সংরক্ষণ ও নিরাপত্তা) আইন, ২০১২ (২০১২ সালের ৩০ নং আইন) এর ধারা ১৩ (১) ও ১৩ (২) এর ক্ষমতা বলে বৈশ্বিকভাবে হুমকির সম্মুখীন প্রবাল, গোলাপি ডলফিন, হাস্কর, রে মাছ, সামুদ্রিক চাউম, সামুদ্রিক পাখি, সামুদ্রিক ঘাস (Sea grass) এবং সামুদ্রিক জীববৈচিত্র্য ও এদের আবাসস্থল সংরক্ষণ; সামুদ্রিক মৎস্য সম্পদের টেকসই আহরণের মাধ্যমে স্থানীয় জনগোষ্ঠীর জীবিকার আনোন্নয়ন; ব্রু ইকোনমি সমৃদ্ধকরণ এবং টেকসই ট্যুরান লক্ষ্যমাত্রা (SDG-14) অর্জনের লক্ষ্যে ৭৪৩ বর্গ কিলোমিটার এলাকা বাংলাদেশ গেজেটে প্রকাশের তারিখ হতে “সেন্টমার্টিন মেরিন প্রোটেক্টেড এরিয়া” হিসাবে ঘোষণা করা হয়। যার প্রসারিতা ৭০ মিটার পর্যন্ত।



মেরিন প্রোটেক্টেড এরিয়ার মানচিত্র

বাংলাদেশের বন্যপ্রাণী ও জীববৈচিত্র্য

অপর্যাপ্ত অবস্থানের কারণে বাংলাদেশ একটি জীববৈচিত্র্য সমৃদ্ধ দেশ। IUCN এর ২০১৫ সালের তালিকায় দেখা যায়, বাংলাদেশে বর্তমানে ১১৬৩ প্রজাতির মেরুদণ্ডী বন্যপ্রাণী রয়েছে; তার মধ্যে ৪৯টি উভচর, ১৬৭ টি সরীসৃপ, ৫৬৬টি পাখি ও ১৩৮টি স্তন্যপায়ী প্রাণী ও ২৫৩ প্রজাতির মিঠাপানির মাছ রয়েছে। অমেরুদণ্ডী প্রাণীর মধ্যে ১৪১টি ক্রাইস্টাসিয়ান ও ৩০৫টি প্রজাতি অন্তর্ভুক্ত রয়েছে। তাছাড়া মেরুদণ্ডী ও অমেরুদণ্ডী প্রাণীসহ সর্বমোট ১৬১৯টি প্রজাতি রয়েছে।

বাংলাদেশের বন, অভ্যন্তরীণ জলাভূমি এবং বঙ্গোপসাগরে রয়েছে বিপুল জীববৈচিত্র্যের সমাহার, রয়েছে কতিপয় বিরল ও বিপন্ন প্রজাতির বন্যপ্রাণীর অস্তিত্ব। উদ্ভিদ প্রজাতির মধ্যে বাংলাদেশে ৪৭০ প্রজাতির গাছ/হাট/বাক/টেরিয়া, ১৯৮৮ প্রজাতির শৈবাল, ২৭৫ প্রজাতির ছত্রাক, ২৪৮ মস জাতীয় উদ্ভিদ, ১৯৫ প্রজাতির ফার্ন জাতীয় উদ্ভিদ, ৭ প্রজাতির নম্বীবিজ এবং ৩ হাজার ৬১১ প্রজাতির গুল্মবিজ (২৬৩৩ প্রজাতির দ্বি-বীজপত্রী এবং ৯৮৮ প্রজাতির একবীজপত্রী) উদ্ভিদ রয়েছে।

বন্যপ্রাণী ও তাদের আবাসস্থল এবং জীববৈচিত্র্য সংরক্ষণের জন্য পৃথিবীর অন্যান্য দেশের মত বাংলাদেশও বন্যপ্রাণী সংরক্ষণ ও জীববৈচিত্র্য ব্যবস্থাপনাকে গুরুত্ব প্রদান করা হয়েছে। বাংলাদেশ সরকার সংবিধানে ১৮ (ক) অনুচ্ছেদ যুক্ত করে দেশের বন্যপ্রাণী ও জীববৈচিত্র্য সংরক্ষণকে আরো বেগবান করেছে। তাছাড়া বাংলাদেশ পৃথিবীব্যাপী বিভিন্ন আন্তর্জাতিক সংস্থার সাথে বিভিন্ন প্রটোকল ও চুক্তিতে স্বাক্ষর করেছে; যেমন: বাংলাদেশ জীববৈচিত্র্য সম্পর্কিত কনভেনশন (CBD), পরিযায়ী প্রজাতির সংরক্ষণ সম্পর্কিত কনভেনশন (CMS), মহাবিপদাপন্ন উদ্ভিদ ও প্রাণী প্রজাতির আন্তর্জাতিক ব্যবসা-বানিজ্য এবং পরিবহন নিয়ন্ত্রণ সম্পর্কিত কনভেনশন (CITES), জলাভূমি বিষয়ক Ramsar কনভেনশন, SAWEN, MIKE ইত্যাদি।

বাংলাদেশের বন্যপ্রাণীর অবস্থা (IUCN-Red list of Bangladesh 2015)

দল	মোট বসবাসরত প্রজাতি	বিলুপ্ত	মহাবিপন্ন	বিপন্ন	সংকটাপন্ন	হুমকির সম্মুখীন	ঝুঁকিপূর্ণ নয়	অপরাধ তথ্য	অপরাধ তথ্য
স্তন্যপায়ী প্রাণী	১৩৮	১১	১৭	১২	৯	৯	৩৪	৩৯	৭
পাখি	৫৫৬	১৯	১০	১২	১৭	২৯	৪২৪	৫৫	০০
সরীসৃপ	১৬৭	১	১৭	১০	১১	১৮	৬৩	২৭	২০
উভচর	৪৯	০০	২	৩	৫	৬	২৭	৬	০০
মিঠা পানির মাছ	২৫৩	০০	৯	৩০	২৫	২৭	১২২	৪০	০০
ক্রাইস্টাসিয়ান	১৪১	০০	০০	২	১১	১	৪৭	৭৯	১
প্রজাপতি	৩০৫	০০	১	১২১	৭৫	০০	৮৪	৩২	০০
মোট	১৬১৯	৩১	৫৬	১৯০	১৫৩	৯০	৮০২	২৭৮	২৮

উল্লেখ্য যে, বর্তমানে বাংলাদেশের উদ্ভিদ প্রজাতির হালনাগাদ তথ্য সম্পর্কিত Red-list প্রণয়নের কাজ সমাপ্ত হয়েছে।

বাংলাদেশের বিলুপ্ত বন্যপ্রাণী

বাংলাদেশ এক সময় প্রাণী বৈচিত্র্যে ভরপুর ছিল। IUCN এর ২০১৫ সালের প্রতিবেদনে দেখা যায়, গত শত বর্ষের ব্যবধানে আমাদের দেশ থেকে ৩১ প্রজাতির বন্যপ্রাণী বিলুপ্ত হয়েছে। এর মধ্যে ১১টি স্তন্যপায়ী, ১৯টি পাখি ও ১টি সরীসৃপ প্রজাতি। বিলুপ্ত বন্যপ্রাণীর তালিকায় রয়েছে ভারতীয়, সুমাত্রান ও জাভান গভার, বারশিংগা, দাগী হায়না, বন গরু, কৃষ্ণ ষাঁড়, নীলগাই, শ্রুথ ভলুক, বুনো মহিষ, মিঠাপানির কুমির, সবুজ ময়ূর, ময়ূর, গোলাপী শির হাঁস, বাদি হাঁস, সারস, রাজ শকুন, স্পটবিল্ড পেলিকেন, বড় মদনটাক, বাংলা ফ্লোরিকেন, ছোট ফ্লোরিকেন, বারটেলড ট্রি ক্রিপার, কালোবুক প্যারটবিল, স্পট ব্রেস্টেড প্যারটবিল, বড় প্যারটবিল, ধূসর তিতির, রোফাস থ্রেটেড পারট্রিজ, রাষ্ট্রি ফ্রন্টেট বারউংগ, সোয়াম্প তিতির ও সাদা বক। যদি আমরা এখনই বন ও বন্যপ্রাণী ব্যবস্থাপনায় গুরুত্ব প্রদান না করি তাহলে অদূর ভবিষ্যতে আরো অনেক বন্যপ্রাণী আমাদের এই দেশ থেকে বিলুপ্ত হয়ে যাবে।



One-horned Rhinoceros
Rhinoceros unicornis



Javan Rhinoceros
Rhinoceros sondaicus



Asian Two-horned Rhinoceros
Didermoceros sumatrensis



Swamp Deer
Cervus duvauceli



Blackbuck
Antelope cervicapra



Nilgai
Boselaphus tragocamelus



Banteng
Bos banteng



Wild Buffalo
Bubalus bubalis



Gaur
Bos gaurus



Grey Wolf
Canis lupus



Striped Hyena
Hyaena hyaena



Marsh Crocodile
Crocodylus palustris



Pink-headed Duck
Rhodonessa caryophyllacea



Common Peafowl
Pavo cristatus


বন্যপ্রাণী সংরক্ষণে গৃহীত সাম্প্রতিক কার্যক্রম সমূহ:

- সুন্দরবন ও এ বনের বন্যপ্রাণী রক্ষায় পরিবেশ, বন ও জলবায়ু পরিবর্তন মন্ত্রণালয়ের অধীন পাঁচ বছর মেয়াদী “সুন্দরবন সুরক্ষা প্রকল্প” শীর্ষক একটি বাস্তবায়নাধীন রয়েছে এবং প্রকল্পের ব্যয় ১৫৭ কোটি ৮৭ লক্ষ ৫০ হাজার টাকা নির্ধারণ করা হয়েছে। প্রকল্পে সুন্দরবন এবং এই বনের বন্যপ্রাণী রক্ষায় বিভিন্ন গবেষণা কার্যক্রম, ইকোলজিক্যাল মনিটরিং ইত্যাদি অন্তর্ভুক্ত করা হয়েছে।
- এছাড়া সুন্দরবনে বাঘ সংরক্ষণ কার্যক্রমকে বেগবান করার লক্ষ্যে “সুন্দরবন বাঘ সংরক্ষণ প্রকল্প” শীর্ষক একটি প্রকল্প এপ্রিল ২০২২ হতে মার্চ ২০২৫ মেয়াদে বাস্তবায়নের জন্য অনুমোদিত হয়েছে। প্রকল্পটির মোট ব্যয় ৩৫ কোটি ৯৩ লক্ষ ৮০ হাজার টাকা। প্রকল্পের আওতায় সুন্দরবনে ক্যামেরা ট্র্যাপিংয়ের মাধ্যমে বাঘ গণনা, শিকার প্রাণীর সংখ্যা নির্ণয়, খাল সার্ভে, সুন্দরবনের লোকালয় সংলগ্ন এলাকায় নাইলনের রশির বেটনী তৈরী ইত্যাদি কার্যক্রম বাস্তবায়ন করা হবে।
- বন অধিদপ্তরের মাঠ পর্যায়ের কর্মকর্তা-কর্মচারীদের ড্রোন পরিচালনা বিষয়ক প্রশিক্ষণ প্রদান কার্যক্রম চলমান আছে। ইতোমধ্যে, ড্রোন ব্যবহার করে সুন্দরবনে পরিবীক্ষণ কার্যক্রম পরিচালিত হচ্ছে।
- হাতি ও অন্যান্য বন্যপ্রাণীর আবাসস্থল সংরক্ষণ ও করিডোরের মাধ্যমে বন্য হাতির নিরাপদ চলাচল নিশ্চিত করার লক্ষ্যে “Feasibility Study of Transboundary Wildlife Corridor in Chattogram, Chattogram Hill Tracts and Cox’s Bazar with Myanmar and India” শীর্ষক সম্ভাব্যতা যাচাই প্রকল্পের কার্যক্রম সম্পন্ন হয়েছে এবং উক্ত কারিগরি প্রকল্পের আওতায় ১১টি Elephant Corridor চিহ্নিত করা হয়েছে।
- বাংলাদেশের বন্যপ্রাণী সংরক্ষণ ও আবাসস্থল উন্নয়ন প্রকল্পের আওতায় কাগুই অঞ্চলে ৮ কিলোমিটার ও শেরপুর জেলার বালিজুড়ি এলাকায় ২ কিলোমিটার সৌর বৈদ্যুতিক বেড়া বা সোলার পাওয়ার ফেন্সিং স্থাপন করা হয়েছে।
- চলমান বিভিন্ন উন্নয়ন প্রকল্পের আওতায়, বিশেষত সুফল প্রকল্প এবং বাংলাদেশে বন্যপ্রাণী সংরক্ষণ ও আবাসস্থল উন্নয়ন প্রকল্পের আওতায় হাতি সমৃদ্ধ বনাঞ্চলে হাতির খাদ্য উপযোগী বাগান ও ANR (Assisted Natural Regeneration) বাগান সৃজন করা হয়েছে।
- পরিবেশ, বন ও জলবায়ু পরিবর্তন মন্ত্রণালয়ের আন্তরিক প্রচেষ্টার ফলে অতি সম্প্রতি মন্ত্রিসভায় বাংলাদেশে ‘মহাবিপন্ন’ প্রাণীর তালিকায় থাকা শকুন রক্ষায় ব্যাখানাশক ‘কিটোপ্রোফেন’ জাতীয় ব্যাখানাশক ওষুধের উৎপাদন বন্ধের প্রস্তাব অনুমোদন দেয়া হয়েছে। একই সাথে কিটোপ্রোফেন জাতীয় ব্যাখানাশক ওষুধের পরিবর্তে ‘ম্যালোক্সিক্যাম’ নামে একটি ওষুধ ব্যবহারের পরামর্শও প্রদান করা হয়েছে।
- বাংলাদেশে প্রাপ্ত নতুন প্রজাতির হাঙর ও রে অন্তর্ভুক্তির লক্ষ্যে বন্যপ্রাণী (সংরক্ষণ ও নিরাপত্তা) আইন, ২০১২ এর তফসিল ১ ও ২ সংশোধন করে নতুন গেজেট প্রকাশিত হয়েছে।
- পরিবেশ, বন ও জলবায়ু পরিবর্তন মন্ত্রণালয়ের অধীন বন অধিদপ্তর কর্তৃক সুফল প্রকল্পের আওতায় বাংলাদেশে প্রাপ্ত হাঙর ও রে প্রজাতি সংরক্ষণে একটি অ্যাকশন প্ল্যান প্রণয়ন ও হাঙর ও রে এর বাণিজ্য নিয়ন্ত্রণে নন-ডেট্রিমেন্ট ফাইন্ডিংস তৈরির কার্যক্রম সম্পন্ন হয়েছে।
- বন্যপ্রাণী বিষয়ক অপরাধ নিরসনের লক্ষ্যে ২০২০ সালে ‘অপরাধ উদঘাটনে তথ্য প্রদানকারীকে পুরস্কার প্রদান বিধিমালা, ২০২০’ জারি করা হয়েছে।
- দেশের জীববৈচিত্র্য, পাখি ও বন্যপ্রাণী সংরক্ষণ নিশ্চিত করার লক্ষ্যে এয়ারগান নিষিদ্ধ করে গেজেট করে প্রজ্ঞাপন জারি করা হয়েছে।
- বন্যপ্রাণী সংরক্ষণ ও বন্যপ্রাণী সংক্রান্ত ব্যবসা নিয়ন্ত্রণের লক্ষ্যে বাংলাদেশ ১৯৮১ সালে CITES (Convention on International Trade in Endangered Species of Wild Fauna and Flora) সনদে স্বাক্ষর করে। CITES এর তিনটি পরিশিষ্টভুক্ত প্রাণী বা ট্রফি আমদানি, রপ্তানি ও পুনঃরপ্তানির ক্ষেত্রে CITES এর ব্যবস্থাপনা কর্তৃপক্ষ হিসেবে প্রধান বন সংরক্ষক, বন অধিদপ্তর এর তত্ত্বাবধানে বন সংরক্ষক, বন্যপ্রাণী ও প্রকৃতি সংরক্ষণ অঞ্চল, ঢাকা কর্তৃক CITES রিপোর্টিং এবং CITES পারমিট প্রদান সংক্রান্ত এ সংশ্লিষ্ট সকল কার্যক্রম পরিচালনা করা হয়।

- সংরক্ষিত বনাঞ্চলে গবেষণার অনুমতি প্রদান, বৈজ্ঞানিক গবেষণার কাজে রক্ষিত বনাঞ্চল বা সংরক্ষিত বনাঞ্চল থেকে নমুনা সংগ্রহ করে গবেষণা, বিদেশে নমুনা প্রেরণ, বিদেশী বন্যপ্রাণী আমদানি-রপ্তানি ইত্যাদি বিষয়ে অনুমতি প্রদান সংক্রান্ত কার্যক্রম পরিচালনা করা হয়।
- এছাড়াও বন্যপ্রাণী সংরক্ষণে দেশব্যাপী স্বেচ্ছাসেবী সংগঠনদের কার্যক্রমকে উৎসাহ ও পৃষ্ঠপোষকতা প্রদান করা হচ্ছে। এরই ধারাবাহিকতায় বিভাগীয় ও জেলা পর্যায়ে বন্যপ্রাণী সংরক্ষণে নিয়োজিত বিভিন্ন স্বেচ্ছাসেবী সংগঠনের সদস্যদের প্রশিক্ষণও প্রদান করা হচ্ছে।

দেশব্যাপী স্কুল ও কলেজ পর্যায়ে ওয়াইল্ডলাইফ অলিম্পিয়াড (Wildlife Olympiad), ২০২৪ আয়োজন

বন্যপ্রাণী সংরক্ষণ ও ব্যবস্থাপনা বিষয়ে সরকারের কার্যক্রম বৃদ্ধির লক্ষ্যে বন অধিদপ্তরের টেকসই বন ও জীবিকা (সুফল) প্রকল্পের আওতায় দেশের মাধ্যমিক, উচ্চ মাধ্যমিক ও সমমান পর্যায়ের শিক্ষার্থীদের মাঝে ওয়াইল্ডলাইফ নিয়ে সচেতনতা বৃদ্ধি করতে দেশব্যাপী (৬৪ জেলায় এবং জাতীয় পর্যায়ে) প্রথমবারের মতো অনুষ্ঠিত হচ্ছে ওয়াইল্ডলাইফ অলিম্পিয়াড (Wildlife Olympiad) ২০২৪। পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রী জনাব সাবের হোসেন চৌধুরী এমপি গত ৭ মার্চ ২০২৪ খ্রিস্টাব্দ এক প্রেস কনফারেন্স এর মাধ্যমে ওয়াইল্ডলাইফ অলিম্পিয়াডের লোগো, পোস্টার, বুকলেট, থিমসং, ওয়েবসাইট এবং অনলাইনে নিবন্ধন এর উদ্বোধন করেন। বন অধিদপ্তরের এই কার্যক্রমটি শিক্ষার্থী, প্রিন্ট মিডিয়া এবং অভিভাবক মহলে ব্যাপক সাড়া ফেলেছে।



এই অলিম্পিয়াডে দেশব্যাপী অষ্টম থেকে দ্বাদশ শ্রেণির শিক্ষার্থীরা মোট দুইটি ক্যাটাগরিতে অনলাইনে নিবন্ধন করছে (রেজিস্ট্রেশন লিংক www.bfdwlo.org)। ৬৪ জেলার প্রত্যেকটি থেকে ন্যূনতম ১৫৬২ জন শিক্ষার্থী জেলা অলিম্পিয়াডে নিবন্ধন করবে। নিবন্ধনকৃত শিক্ষার্থীদের অংশগ্রহণে নিজ নিজ জেলায় নির্ধারিত ভেন্যুতে ২০ জুলাই ২০২৪ খ্রিস্টাব্দ পর্যন্ত জেলা পর্যায়ের অলিম্পিয়াড অনুষ্ঠিত হবে। জেলা অলিম্পিয়াডের পূর্বে প্রতিটি জেলায় স্কুল ও কলেজে ‘স্কুল/কলেজ এক্টিভেশন’ প্রোগ্রাম পরিচালনার মাধ্যমে স্পট রেজিস্ট্রেশন সহজিকরণ করা হচ্ছে। এই অ্যাক্টিভেশন ৪০ মিনিটের একটি ক্লাসরুম সেশন যেখানে বন্যপ্রাণী, জীববৈচিত্র্য ও বাস্তবতায় নিয়ে শিক্ষার্থীদের অবহিত করা হয় এবং অলিম্পিয়াডের বিষয়বস্তু সম্পর্কে ধারণা প্রদান করা হয়। একই সঙ্গে অলিম্পিয়াডের জন্য তাত্ক্ষণিক নিবন্ধনে সহায়তা প্রদানের পাশাপাশি তাদের মধ্যে পোস্টার, বুকলেট ইত্যাদি বিতরণ করা হয়। জেলা অলিম্পিয়াড শেষে জেলা ভিত্তিক বিজয়ীদের নিয়ে ঢাকায় অনুষ্ঠিত হবে জাতীয় পর্যায়ের অলিম্পিয়াড। উল্লেখ্য, ‘স্কুল/কলেজ এক্টিভেশন’ কার্যক্রম, জেলা অলিম্পিয়াডের ভেন্যু নির্ধারণ, শিক্ষা প্রতিষ্ঠান প্রধানের সঙ্গে সমন্বয় সাধন, শিক্ষার্থীদের নিবন্ধন ও নির্দিষ্ট তারিখে অলিম্পিয়াডে অংশগ্রহণ নিশ্চিতকরণসহ জেলা পর্যায়ের অলিম্পিয়াড আয়োজন সুদৃঢ়ভাবে সম্পন্নকরণে জেলা/উপজেলা পরিবেশ ও বন উন্নয়ন কমিটি কার্যকর ভূমিকা পালন করছে। এ প্রসঙ্গে মন্ত্রিপরিষদ বিভাগ হতে জেলা প্রশাসকগণের নিকট ওয়াইল্ডলাইফ অলিম্পিয়াড আয়োজনে সহায়তা প্রদানের জন্য নির্দেশনা প্রদান করে আধা-সরকারি পত্র প্রেরণ করা হয়েছে। উল্লেখ্য, মাঠ পর্যায়ে ‘ওয়াইল্ডলাইফ অলিম্পিয়াড’ বাস্তবায়নের জন্য Expression Ltd কে পরামর্শক প্রতিষ্ঠান হিসেবে নির্বাচিত করা হয়েছে।



বন্যপ্রাণী দ্বারা আক্রান্ত মানুষের জ্ঞান-মালের ক্ষতিপূরণ বিধিমালা, ২০২১

মানুষ ও বন্যপ্রাণী দ্বন্দ্ব নিরসনের লক্ষ্যে বাংলাদেশ বন্যপ্রাণী (সংরক্ষণ ও নিরাপত্তা) আইন, ২০১২-এর অধীন ধারা-৫২ এর উপধারা-২ (জ) অনুযায়ী চলতি বছর ২৩ মার্চ “বন্যপ্রাণী দ্বারা আক্রান্ত জ্ঞানমালের ক্ষতিপূরণ বিধিমালা, ২০২১” প্রণীত হয়েছে। উক্ত বিধিমালা মোতাবেক ক্ষতিপূরণের ধরণ ও নির্ধারণের হার নিম্নরূপ :

ক্রমিক নং	ক্ষতির ধরণ	ক্ষতিপূরণের পরিমাণ
১	মৃত ব্যক্তির ক্ষেত্রে	৩,০০,০০০/- (তিন লক্ষ টাকা)
২	গুরুতর আহত ব্যক্তির ক্ষেত্রে	অনধিক ১,০০,০০০/- (এক লক্ষ টাকা)
৩	সরকারি বনাঞ্চলের বাইরে লোকালয়ে কোনো ব্যক্তি বা প্রতিষ্ঠানের সম্পদ ক্ষতিগ্রস্ত হইলে	অনধিক ৫০,০০০/- (পঞ্চাশ হাজার টাকা)

২০১১-২০১২ থেকে ২০২৩-২০২৪ অর্থবছর পর্যন্ত বন্যপ্রাণী দ্বারা আক্রান্ত ক্ষতিগ্রস্তদেরকে প্রদত্ত ক্ষতিপূরণের পরিমাণ:

ক্রমিক নং	আর্থিক বৎসর	মোট ক্ষতিপূরণ প্রাপ্ত ব্যক্তির সংখ্যা	বন্যপ্রাণী আক্রান্তের সংখ্যা						বাড়িঘর ও ফসলের ক্ষতি (সংখ্যা)	মোট প্রদত্ত ক্ষতিপূরণ (লক্ষ টাকায়)
			বাঘ		হাতি		কুমির			
			পঙ্খ	নিহত	পঙ্খ	নিহত	পঙ্খ	নিহত		
১।	২০১১-১২	৪৮	৮	২২	৩	১৫	-	-	১	৪২.৫
২।	২০১২-১৩	৫২	১	১৬	১	৩১	-	২	১	৪৯.২৫
৩।	২০১৩-১৪	২১	১	৫	৩	১৬	-	-	-	২২
৪।	২০১৪-১৫	২১	-	-	৮	২০	-	১	-	২৫
৫।	২০১৫-১৬	১৯৪	১	-	৯	২৬	-	২	১৫৭	৫৯.১৯
৬।	২০১৬-১৭	৭৫	-	-	১	২৪	-	-	৫০	২৯.৫
৭।	২০১৭-১৮	৩১২	-	২	১	২০	-	-	২৮৯	৪৬.২৫
৮।	২০১৮-১৯	১১৫	৫	১	৭	১৬	-	১	৮৫	৪৩.০৫
৯।	২০১৯-২০	১২৩	-	-	১২	৩১	-	-	৮০	৫৪.৩৫
১০।	২০২০-২১	১৩৩	১	২	১০	১৬	-	-	১০৫	৬৯.৯৭
১১।	২০২১-২২	৫০১	১	১	৩১	১৩	১	-	৪৫৪	১৩০.৭২৫
১২।	২০২২-২৩	৩১২	১	-	১৪	২০	-	-	২৭৭	১২২.৩১৫
১৩।	২০২৩-২৪	৪৪৭	-	-	১০	১৯	-	-	৪১৮	১৬৮.৮৯২
মোটঃ		২৩৫৪	১৯	৪৯	১১০	২৬৭	১	৬	১৯১৭	৮৬২.৯৯২

বন্যপ্রাণী সংরক্ষণে বিধিমালা ও নীতিমালা:

- বন্যপ্রাণী ও প্রকৃতি সংরক্ষণ অঞ্চল, ঢাকা এর অধীনে “বাংলাদেশ কাঁকড়া রগুনি নীতিমালা, ১৯৯৮” অনুযায়ী বেসরকারিভাবে বাংলাদেশ থেকে কাঁকড়া ও কাঁকড়াজাত পণ্য রগুনির জন্য আবেদনকৃত প্রতিষ্ঠান/খামার কর্তৃক প্রেরিত কাগজপত্র যাচাই-বাছাই করতঃ রগুনির অনুমতি বা No Objection Certificate (NOC) প্রদান করা হয়।
- “হরিণ ও হাতি লালন পালন বিধিমালা-২০১৭” অনুযায়ী বেসরকারিভাবে হরিণ ও হাতি লালন-পালনের জন্য আবেদনকারীদের লালন-পালনের স্থান লাইসেন্সিং কর্তৃপক্ষ কর্তৃক দায়িত্বপ্রাপ্ত কর্মকর্তা দ্বারা পরিদর্শন এবং কাগজপত্র যাচাই-বাছাই করতঃ লাইসেন্স প্রদান, নবায়ন, বাতিল ও পজেশন সার্টিফিকেট প্রদান করা হয়।
- বেসরকারিভাবে কুমিরের খামার স্থাপনের জন্য “কুমির লালন-পালন বিধিমালা, ২০১৯” অনুযায়ী আবেদনকারীদের খামার বা খামারের স্থান লাইসেন্সিং কর্তৃপক্ষ কর্তৃক দায়িত্বপ্রাপ্ত কর্মকর্তা দ্বারা পরিদর্শন এবং কাগজপত্র যাচাই-বাছাই করতঃ লাইসেন্স প্রদান, নবায়ন, বাতিল ও পজেশন সার্টিফিকেট প্রদান করা হয়।
- বেসরকারিভাবে পোষা পাখির খামার স্থাপনের জন্য “পোষা পাখি ব্যবস্থাপনা বিধিমালা, ২০২০” আবেদনকারীদের খামার বা খামারের স্থান লাইসেন্সিং কর্তৃপক্ষ কর্তৃক দায়িত্বপ্রাপ্ত কর্মকর্তা দ্বারা পরিদর্শন এবং কাগজপত্র যাচাই-বাছাই করতঃ লাইসেন্স প্রদান, নবায়ন, বাতিল ও পজেশন সার্টিফিকেট প্রদান করা হয়।

বন্যপ্রাণী অপরাধ দমন ইউনিট

বন্যপ্রাণী অপরাধ দমনের লক্ষ্যে বন্যপ্রাণী (সংরক্ষণ ও নিরাপত্তা) আইন, ২০১২ এর আলোকে ২০১২ সালের জুলাই মাসে বন্যপ্রাণী অপরাধ দমন ইউনিট (Wildlife Crime Control Unit) গঠন করা হয়। সূচনালাগ্ন হতেই দেশের যে কোন স্থানে বন্যপ্রাণী অপরাধ সংক্রান্ত তথ্যের ভিত্তিতে ইউনিটটি অপরাধ দমনে অভিযান পরিচালনা করে আসছে। পাশাপাশি অপরাধ প্রবণ এলাকা চিহ্নিত করে সচেতনতামূলক বিভিন্ন কার্যক্রম: সভা, সেমিনার, প্রশিক্ষণ, মাইকিং, প্রচার-প্রচারণা, পথসভা, লিফলেট, পোস্টার, বিলবোর্ড স্থাপন, ভার্সুয়াল সভা ও টহল কার্যক্রম পরিচালনা করা হয়। এছাড়া জাতীয় জরুরী সেবা ৯৯৯, সামাজিক যোগাযোগ মাধ্যম এবং ইউনিটের হটলাইন ব্যবহার করে বন্যপ্রাণী সংশ্লিষ্ট অপরাধের তথ্য সংগ্রহ, বিভিন্ন আইন প্রয়োগকারী সংস্থার সাথে সমন্বয় সাধন, গোয়েন্দা নেটওয়ার্কিং সৃষ্টি, ভ্রাম্যমাণ আদালতের মাধ্যমে আসামীদের বিভিন্ন মেয়াদে কারাদণ্ড ও জরিমানা প্রদান, উদ্ধারকৃত বন্যপ্রাণী সমূহ উপযুক্ত পরিবেশে অবমুক্তকরণ এবং বন্যপ্রাণী অপরাধের ডাটাবেস তৈরির ক্ষেত্রে ইউনিটটি অব্যাহতভাবে কাজ করে যাচ্ছে। পরিবেশ, জীববৈচিত্র্য ও বন্যপ্রাণী সংরক্ষণে নিবেদিত ব্যক্তি, সাধারণ জনগন, স্কুল কলেজ, মাদ্রাসা, বিশ্ববিদ্যালয় এর ছাত্র-ছাত্রীসহ বিভিন্ন স্বেচ্ছাসেবী সংগঠন হতে প্রাপ্ত তথ্যের ভিত্তিতেও বন্যপ্রাণী উদ্ধার, অপরাধ দমন কার্যক্রম পরিচালনা করা হয়।

যার ফলশ্রুতিতে জুলাই ২০১২ থেকে এপ্রিল ২০২৪ পর্যন্ত ইউনিটটি সর্বমোট ৪৫,৪৪৫ টি বন্যপ্রাণী উদ্ধার করতঃ যথাযথ ব্যবস্থা গ্রহণপূর্বক প্রকৃতিতে অবমুক্ত করতে সক্ষম হয়েছে।

অত্র ইউনিটটি উক্ত সময়ে ১৪০৫ টি ট্রফি, ১৪০ টি মামলা, অপরাধ সনাক্তকরণ ২৪৪৬ টি, বন্যপ্রাণী ফরেনসিক রিপোর্ট প্রদান ২২ টি এবং ২০৮ জন অপরাধীকে জরিমানা ও কারাদণ্ড প্রদান করা হয়েছে।

বন্যপ্রাণী অপরাধ দমন এবং বন্যপ্রাণী হ্যাভেলিং বিষয়ক বিভিন্ন জেলায় ১৫ টি প্রশিক্ষণ কর্মসূচীর আয়োজন করে এবং ৫৬ টি জেলার (রেঞ্জ/বিট/এসএফএনটিসি / এসএফপিসি/ উপজেলা পরিষদ / ইসলামিক ফাউন্ডেশন ইত্যাদি) স্থানে ২৯৫ টি বন্যপ্রাণী বিষয়ক সচেতনতামূলক কার্যক্রম সম্পন্ন করাসহ সংরক্ষণ ও সচেতনতামূলক লক্ষ্যধিক পোস্টার, বুকলেট, লিফলেট এবং স্টিকার বিতরণ করা হয়।

জনবল:


ইউনিটটিতে বর্তমানে ১৬ জন কর্মকর্তা-কর্মচারী নিয়োজিত আছেন; যার মধ্যে ১১ জন রাজস্ব খাতভূক্ত এবং ৫ জন আউট সোর্সিং নিয়োগ প্রাপ্ত।

বন্যপ্রাণী অপরাধ দমন ইউনিটের কার্যক্রম:


- বন্যপ্রাণী (সংরক্ষণ ও নিরাপত্তা) আইন, ২০১২ এর প্রয়োগের মাধ্যমে অবৈধ বন্যপ্রাণী শিকার, পাচার, হত্যা ও ক্রয়-বিক্রয় জনিত অপরাধ দমন;
- সমগ্র দেশে বন্যপ্রাণী সংশ্লিষ্ট অপরাধের তথ্য সংগ্রহ, বন্যপ্রাণী অপরাধের হটস্পট (Hotspot) চিহ্নিতকরণ এবং উক্ত পয়েন্টে নিয়মিত টহল প্রদান;
- নিয়মিত মামলা প্রদান ছাড়াও ভ্রাম্যমাণ আদালতের মাধ্যমে আসামীদের বিভিন্ন মেয়াদে কারাদণ্ড ও অর্থদণ্ড প্রদান পূর্বক তাৎক্ষণিক শাস্তির ব্যবস্থা করা;
- ওয়াইল্ডলাইফ ফরেনসিক ল্যাবে পরীক্ষা-নিরীক্ষার মাধ্যমে ট্রফি বা বন্যপ্রাণীর নমুনা থেকে প্রজাতি চিহ্নিত করা এবং জীনগত সিকোয়েন্স এর মাধ্যমে DNA বারকোড ডেটাবেস তৈরি করা;
- আহত, অসুস্থ, দলহুট অথবা বিভিন্ন কারণে লোকালয়ে চলে আসা বন্যপ্রাণী উদ্ধার করে তাদেরকে উপযুক্ত প্রাকৃতিক পরিবেশে অবমুক্ত করা;
- বন্যপ্রাণী সংরক্ষণের লক্ষ্যে দেশব্যাপী গণসচেতনতা সৃষ্টি।

বন্যপ্রাণী অপরাধ দমন ইউনিট কর্তৃক পরিচালিত অভিযানের (জুলাই ২০১২ থেকে এপ্রিল ২০২৪)
সংক্ষিপ্ত তথ্য উপাত্ত:

জুলাই ২০১২ সাল থেকে এপ্রিল ২০২৪ সাল পর্যন্ত অভিযানের সংখ্যা



জুলাই ২০১২ সাল থেকে এপ্রিল ২০২৪ সাল পর্যন্ত মামলা সংখ্যা



জুলাই ২০১২ সাল থেকে এপ্রিল ২০২৪ সাল পর্যন্ত উদ্ধারকৃত বন্যপ্রাণী



বন্যপ্রাণী অপরাধ দমন ইউনিট কর্তৃক পরিচালিত অভিযানের সংক্ষিপ্ত তথ্য (জুলাই ২০১২ থেকে এপ্রিল ২০২৪ পর্যন্ত) :

সাল	মোট অভিযানের সংখ্যা	উদ্ধার/জবকৃত বন্যপ্রাণীর সংখ্যা					মোট মামলা সংখ্যা	মৃত অপরাধীর সংখ্যা
		পাখি	সর্পীসৃপ	উভচর	টফি	৫ মন (হাঙর ও শাপলাপাতা) এবং ১০০ কেজি (ময়ূরের পালক)		
২০২৪	২৬	১৫৩	৪	৩	৪	--	--	৫
২০২৩	৩১৬	২৫৯৩	১৫২	৬৪০	৫	৫ মন (হাঙর ও শাপলাপাতা) এবং ১০০ কেজি (ময়ূরের পালক)	১০	১৩
২০২২	৬১০	৩২৪১	২২৩	৯৩০	১৫০	৮ মন ৭ কেজি শাপলাপাতা মাছ	১৭	৩৪
২০২১	৮০৭	৩৩৯৫	২০৪	৭১৭	৫৫	২২৫	২৫	২১
২০২০	৮৬০	২৩৮৪	২৯৯	১৪৮	--	-	২৭	২৬
২০১৯	১২২	৩৭৯৬	৭৭	১৩১	--	২৯৮	৪৭	২৫
২০১৮	২৮৭	২৩১০	৩৮	১৭	--	১৫	২৯	১৪
২০১৭	১১২	২৪৫৫	১০	২০	--	-	৪	৫
২০১৬	১৮৫	৮১৮৯	২৯	২৪৮	--	৪০	৬৩	৩৪
২০১৫	২৫৯	১৬৭৩	৩১	৬৬১৮	--	২৯৬	৫০	২৮
২০১৪	২৪০	১২৫৭	২৩	৫৪৮	--	৩১৭	৪৭	৩০
২০১৩	১৩৭	২২৪৩	৩২	৯২	--	৩	৪৬	২৮
২০১২	১৪১	৯৬১	১২	৪১০	২০৫	২০৫	৪৬	৩৬
মোট	৩২৬৯	৩৪৬৫০	১১৩৪	১০৫২২	৪১৯	১৩৯৯	৪১১	২৯৯

বন্যপ্রাণী অপরাধ সংশ্লিষ্ট কার্যক্রমের খন্ড চিত্র:



পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রী মহোদয় কর্তৃক প্রকৃতিতে পাখি অবমুক্তকরণ



বন্যপ্রাণী অপরাধ দমন ইউনিট এবং রাব-১ এর যৌথ অভিযানে পাখি উদ্ধারপূর্বক প্রকৃতিতে অবমুক্তকরণ।



অনলাইন বিজ্ঞাপনের তথ্যের ভিত্তিতে বন্যপ্রাণী অপরাধ দমন ইউনিটের উদ্ধার






বন্যপ্রাণী অপরাধ দমন ইউনিট কর্তৃক নোয়াখালী জেলার কোম্পানিগঞ্জ হতে কুমির এবং টঙ্গী হতে পাখি উদ্ধার ও অবমুক্তকরণ



বন্যপ্রাণী অপরাধ দমন ইউনিট কর্তৃক শাপলাপাতা মাছ ও পাখি উদ্ধার ও অবমুক্তকরণ



পত্রিকায় প্রকাশিত বন্যপ্রাণী অপরাধ দমন ইউনিটের কার্যক্রমের খন্ড চিত্রঃ



বন ও বন্যপ্রাণীর অপরাধ ব্যবস্থাপনায় সক্ষমতা বৃদ্ধি

বন ও বন্যপ্রাণী সম্পর্কিত অপরাধ দমনে সক্ষমতা বৃদ্ধির জন্য বন অধিদপ্তর সম্প্রতি উদ্যোগ গ্রহণ করেছে। এই কাজে ইউএস ফরেস্ট সার্ভিস ইন্টারন্যাশনাল প্রোগ্রাম এবং আরণ্যক ফাউন্ডেশন বন অধিদপ্তরকে কারিগরি সহযোগিতা প্রদান করেছে। বন অধিদপ্তরের সংঙ্গে সার্বিক আলোচনার মাধ্যমে ২০২২ সালের আগস্ট মাস থেকে ইউএস ফরেস্ট সার্ভিস বছর ব্যাপি বর্তমান কর্মকর্তা-কর্মচারীদের বন ও বন্যপ্রাণী সম্পর্কিত অপরাধ দমনে সামর্থ্য ও বর্তমানে ব্যবহৃত পাঠ্যক্রম পর্যালোচনা করেছে।

২০২৩ সালের সেপ্টেম্বরে প্রকাশিত মূল্যায়ন প্রতিবেদনে দেখা যায় বন অধিদপ্তরের মৌলিক বনবিদ্যা বিষয়ে অভিন্ন পাঠ্যক্রম রয়েছে যা বন ব্যবস্থাপনায় খুবই প্রয়োজনীয়। নবনিযুক্ত সকল কর্মকর্তা-কর্মচারীদের জন্য মৌলিক বনবিদ্যা বিষয়ে প্রশিক্ষণ গ্রহণ বাধ্যতামূলক। তবে প্রতিবেদনে বন ও বন্যপ্রাণী সম্পর্কিত অপরাধ দমনে সক্ষমতা বৃদ্ধির জন্য অভিন্ন পাঠ্যক্রম ও বাধ্যতামূলক প্রশিক্ষণের অভাব পরিলক্ষিত হয়েছে যা এ সম্পর্কিত অপরাধ দমনে খুবই প্রয়োজন।

মূল্যায়ন প্রতিবেদনের সুপারিশ বাস্তবায়নে বন অধিদপ্তরের মাননীয় প্রধান বন সংরক্ষক ২০২৩ সালের অক্টোবর মাসে একটি দশ সদস্য বিশিষ্ট কারিকুলাম রিভিউ কমিটি (সিআরসি) গঠন করেন। এ কমিটি এবং ইউএস ফরেস্ট সার্ভিসের বিষয়ভিত্তিক বিশেষজ্ঞগণ বন অধিদপ্তরের বর্তমানের সকল পাঠ্যক্রম ও প্রশিক্ষণ সমূহ যাচাই বাছাই করে প্রাথমিক ভাবে খসড়া হিসেবে নিম্নলিখিত ৩২ টি বিষয় নির্বাচন করেন।

১. বন ও বন্যপ্রাণী আইন
২. কর্মকর্তাদের নৈতিকতা
৩. ফিজিক্যাল ফিটনেস এন্ড লাইফস্টাইল ম্যানেজমেন্ট
৪. সার্ভিং এন্ড সিকিউরিং সাসপেন্ডেন্স
৫. টিম বিল্ডিং
৬. প্রাথমিক চিকিৎসা
৭. পেট্রোল টিম স্ট্রাকচার
৮. যন্ত্রপাতি ও এর ব্যবহার
৯. ল্যান্ড নেভিগেশন
১০. ক্যাম্যুফ্লাজ এন্ড কনসিলমেন্ট
১১. ইন্ডিভিজুয়াল টেকটিক্যাল মুভমেন্ট
১২. সাইল্যান্ট কমিউনিকেশন
১৩. টেকটিক্যাল ফরমেশনস এন্ড ব্রেক-ট্রেক
১৪. ইন্টারভিউইং সাসপেন্ডেন্স এন্ড উইটনেস
১৫. চেকপয়েন্টস ইন্ডেস্টিগেশন
১৬. কমিউনিটি এনগেইজমেন্ট
১৭. কেইস রিপোর্ট রাইটিং
১৮. টেকটিক্যাল কমিউনিকেশন
১৯. হোস্টাইল এনকাউন্টার
২০. ওয়াইল্ডলাইফ ক্রাইম কন্ট্রোল ইউনিট
২১. টেইকডাউন, এন্ড্রুস এন্ড অপারেশনস
২২. পেট্রোল বেইজ
২৩. ভায়োলেন্ট
২৪. বুবি ট্রেপ এন্ড এক্সপ্রোসিভ
২৫. বেসিক ট্রেকিং
২৬. নেগোশিয়েটিং ওয়াটার এন্ড স্ট্রিপ টেরেইন
২৭. টেকনিক্যাল ইনভেস্টিগেশন ইকুইপমেন্ট
২৮. পেট্রোল টাইপ এন্ড সার্চ টেকনিক
২৯. পেট্রোল প্লানিং
৩০. ক্রাইম সিন প্রসেসিং
৩১. ফরেনসিক প্রোটোকল
৩২. ওয়ার্নিং অর্ডার এন্ড পেট্রোল প্রিপারে

কারিকুলাম রিভিউ কমিটি (সিআরসি) বাংলাদেশের প্রেক্ষাপটে সম্ভাব্যতা যাচাইয়ের জন্য উপরোক্ত বিষয়সমূহের উপর একটি পরীক্ষামূলক প্রশিক্ষণের সুপারিশ করেন। পরবর্তীতে ৫-১৬ মে ২০২৪ পর্যন্ত ইউএস ফরেস্ট সার্ভিস এবং আরণ্যক ফাউন্ডেশন ১৭ জন বন অধিদপ্তরের কর্মকর্তাদের জন্য গাজিপুরে শেখ কামাল ওয়াইল্ডলাইফ সেন্টারে প্রশিক্ষণের আয়োজন করে। প্রশিক্ষণে বিভাগীয় বন কর্মকর্তা, বন্যপ্রাণী ও জীববৈচিত্র্য সংরক্ষণ কর্মকর্তা, বন্যপ্রাণী রেঞ্জার্স, বন্যপ্রাণী ইন্সপেক্টর, ফরেস্টার এবং বন্যপ্রাণী ফরেনসিক ল্যাবের উর্ধ্বতন ল্যাব টেকনেশিয়ান প্রশিক্ষণার্থী হিসেবে উপস্থিত ছিলেন। ইউএস ফরেস্ট সার্ভিসের তিনজন প্রশিক্ষক ২৮টি বিষয়ের উপর এবং বন অধিদপ্তরের চারজন কর্মকর্তা চারটি বিষয়ের উপর প্রশিক্ষণ প্রদান করেন। এছাড়াও কারিকুলাম রিভিউ কমিটির (সিআরসি) সদস্যগণ প্রতিনিয়ত প্রশিক্ষণ পর্যবেক্ষণ করেছেন।

ন অধিদপ্তরের মাননীয় প্রধান বন সংরক্ষক জনাব মোঃ আমীর হোসাইন চৌধুরী এই প্রশিক্ষণের আয়োজন করেন এবং বন অধিদপ্তরের উপপ্রধান বন সংরক্ষক জনাব মোঃ মঈনুদ্দিন খান এই প্রশিক্ষণের মাফনী করেন। প্রশিক্ষণের শেষে প্রশিক্ষণার্থীদের মাঝে সনদপত্র, প্রজ্ঞাপন প্রদান করা হয়।

প্রশিক্ষণের শুরু এবং শেষে প্রশিক্ষণার্থীদের মূল্যায়ন পরিচালনা করা হয়। এছাড়াও প্রতিটি বিষয়ের উপর প্রশিক্ষণার্থীদের মন্তব্য নিয়ে লিপিবদ্ধ করা হয় যা পরবর্তীতে বিষয়সমূহকে চূড়ান্তকরণে ব্যবহার করা হবে।

কর্মসূচির আওতায় ভবিষ্যতে প্রশিক্ষকদের প্রশিক্ষণ কর্মসূচির পরিকল্পনা করা হয়েছে যাতে বন অধিদপ্তর নিয়মিতভাবে এন্ট্রি লেভেল অফিসারদের নিজস্ব প্রশিক্ষণ পরিচালনা করতে সক্ষম হবেন। এই কর্মসূচির মাধ্যমে বন ও বন্যপ্রাণী অপরাধের বিরুদ্ধে সাড়া দেওয়ার জন্য বাংলাদেশ বন বিভাগের প্রকৃতি উল্লেখযোগ্যভাবে উন্নত হবে বলে আশা করা হচ্ছে। প্রকল্পটি ইউনাইটেড স্টেটস ব্যুরো অফ ইন্টারন্যাশনাল নারকোটিক্স অ্যান্ড ল এনফোর্সমেন্ট অ্যাফেয়ার্স এর অফিস অফ গ্লোবাল প্রোগ্রামস অ্যান্ড পলিসির অর্থায়নে পরিচালিত হচ্ছে।




ওয়াইল্ডলাইফ ফরেনসিক ল্যাব:

বাংলাদেশের জীববৈচিত্র্য ও বন্যপ্রাণী সংরক্ষণে বন্যপ্রাণী (সংরক্ষণ ও নিরাপত্তা) আইন-২০১২ ও CITES বাস্তবায়নে বন বিভাগ ২০১৬ সালে বিশ্ব ব্যাংকের অর্থায়নে বন্যপ্রাণী অপরাধ দমন ইউনিটে মাধ্যমে ট্রফি/ অবৈধভাবে বিক্রির নিমিত্তে বন্যপ্রাণীর শরীরের প্রসেসকৃত অংশ ও ডেরিভেটিভস থেকে পরীক্ষা-নিরীক্ষার মাধ্যমে প্রাণীর প্রজাতি ও উৎস চিহ্নিত করা এবং জীনগত সিকোয়েন্স এর ডেটাবেস তৈরির উদ্দেশ্যে একটি ফরেনসিক ল্যাব প্রতিষ্ঠা করা হয়, যা বাংলাদেশে বন্যপ্রাণী সংরক্ষণে মাইলফলক।

সূচনা লগ্ন হতে ল্যাবটি বন বিভাগ ও আইন প্রয়োগকারী সংস্থা গুলিকে বন্যপ্রাণী অপরাধ সনাক্ত করণে সাহায্য করে আসছে। ফরেনসিক হচ্ছে প্রযুক্তির বিজ্ঞান সম্মত প্রয়োগ যা বন্যপ্রাণী অপরাধে ক্ষেত্রে শিকার এবং অপরাধীদের চিহ্নিত করার জন্য, যা একইভাবে মানুষের অপরাধ সনাক্ত ও সমাধানের ক্ষেত্রে ব্যবহার করা হয়। ল্যাবটিতে মাইক্রোস্কোপিক ও কনজারভেশন জেনেটিক্স উভয় প্রযুক্তির প্রয়োগ ঘটিয়ে বিশ্লেষণের মাধ্যমে প্রজাতি সনাক্ত করে থাকে। ফরেনসিক ল্যাব বন্যপ্রাণী অপরাধ এর ক্ষেত্রে ফৌজদারী প্রমাণ, হেফাজতে রাখা এবং আদালতে সংশ্লিষ্ট আলামত বৈজ্ঞানিক ভিত্তিতে সাক্ষ্য প্রমাণ উপস্থাপন করে বন্যপ্রাণী সংরক্ষণে গুরুত্বপূর্ণ অবদান পাশন করছে।



- ল্যাব স্থাপনের পর হতে মার্চ, ২০২৩ পর্যন্ত মোট ৩১ (একত্রিশ) টি বিভিন্ন মামলার আলামত কোর্ট এর মাধ্যমে বিভিন্ন আইন প্রয়োগকারী সংস্থা থেকে এসেছে।
- অবশিষ্ট ১০ (দশ) টি মামলার বিশ্লেষণের কার্যক্রম বর্তমানে চলমান আছে।
- এছাড়াও বন্যপ্রাণী রিপোর্জটি উন্নয়নের লক্ষ্যে অদ্যাবধি বিভিন্ন প্রজাতির বন্যপ্রাণীর মোট ৪৪৪ (চারশত চুয়াল্লিশ) টি নমুনা রিপোর্জটি নমুনা হিসেবে সংগ্রহ করা হয়েছে।
- ওয়াইল্ডলাইফ ফরেনসিক ল্যাব ডিএনএ বারকোডিংয়ের মাধ্যমে বাংলাদেশের সকল বন্যপ্রাণীর একটি জেনেটিক বারকোডিং লাইব্রেরী সৃষ্টির লক্ষ্যে কাজ করছে। যা বন্যপ্রাণী অপরাধ দমনে সহযোগিতা করবে ও বন অধিদপ্তরের কর্মকাণ্ডকে সাফল্যমণ্ডিত করবে।
- ওয়াইল্ডলাইফ ফরেনসিক ল্যাব সুফল প্রকল্প এর আওতায় "Genetics for tiger conservation Microsatellite based unified DNA fingerprinting to infer source of origin of tiger seizures in Bangladesh" শিরোনামে একটি গবেষণা কার্যক্রম পরিচালনা করছে।



ওয়াইল্ডলাইফ ফরেনসিক ল্যাবে কর্মরত ল্যাব পারসোনেল।

শেখ কামাল ওয়াইল্ডলাইফ সেন্টার, গাজীপুর

বাংলাদেশ ভৌগলিক অবস্থান ও জলবায়ুগত কারণে প্রাণী ও উদ্ভিদ বৈচিত্র্যতার দিক থেকে অত্যন্ত সমৃদ্ধ। গণপ্রজাতন্ত্রী বাংলাদেশের সংবিধানের অনুচ্ছেদ ১৮ (ক)-এ রাষ্ট্র কর্তৃক জীববৈচিত্র্য, বন ও বন্যপ্রাণী সংরক্ষণ ও নিরাপত্তা বিধানের বিষয়টি অন্তর্ভুক্ত করা হয়েছে। এরই ধারাবাহিকতায় বাংলাদেশে বন অধিদপ্তর কর্তৃক জীববৈচিত্র্য, বন ও বন্যপ্রাণী সংরক্ষণ ও ব্যবস্থাপনায় বিভিন্ন ধরনের কর্মকাণ্ড পরিচালিত হচ্ছে। দেশের জীববৈচিত্র্য, বন ও বন্যপ্রাণীর আবাসস্থল সংরক্ষণ খাতের সৃষ্ট ব্যবস্থাপনা ও দক্ষ পরিচালনা নিশ্চিতকল্পে সংশ্লিষ্ট বিষয়ে স্থানীয় ও আন্তর্জাতিকভাবে প্রশিক্ষিত ও দক্ষ জনশক্তি সৃষ্টি এবং মানসম্মত গবেষণা ও উন্নয়ন কর্মকাণ্ড পরিচালনার লক্ষ্যে ইতোমধ্যে বাস্তবায়িত "স্ট্রেন্দেরিং রিজিওনাল কো-অপারেশন ফর ওয়াইল্ডলাইফ প্রটেকশন" প্রকল্পের মাধ্যমে গাজীপুর সদর উপজেলায় মির্জাপুর-মাস্টার বাড়ীতে সর্বাধুনিক সুযোগ-সুবিধা সম্মিলিত শেখ কামাল ওয়াইল্ডলাইফ সেন্টার প্রতিষ্ঠা করা হয়েছে। গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা গত ২০ জুন ২০১৯ তারিখে শেখ কামাল ওয়াইল্ডলাইফ সেন্টারটির শুভ উদ্বোধন করেন।



শেখ কামাল ওয়াইন্ডলাইফ সেন্টারের গেট



একাডেমিক ভবন



শ্রেণী কক্ষ

অবস্থান ও আয়তন:

ঢাকা বিভাগের অধীন গাজীপুর জেলার গাজীপুর সদর উপজেলা ও গাজীপুর সিটি কর্পোরেশনের ২৩ নং ওয়ার্ডের ১৮ নং আড়ইশ প্রসাদ মৌজায় শেখ কামাল ওয়াইন্ডলাইফ সেন্টারটি অবস্থিত। এটি গাজীপুর চৌরাস্তা থেকে উত্তরে ৭ কি.মি. দূরে মাস্টারবাড়ী নামক স্থানে ভাওয়াল জাতীয় উদ্যানের ভিতরে ঢাকা-ময়মনসিংহ মহাসড়কের পূর্ব পার্শে অবস্থিত যার মোট আয়তন ১৭.৫৮ একর।

লক্ষ্য:

বাংলাদেশ ও বর্হিবিশ্বের সহিত সামঞ্জস্যপূর্ণ জীববৈচিত্র্য, বন ও বন্যপ্রাণী সংরক্ষণ ও উন্নয়ন সংক্রান্ত জ্ঞান ও দক্ষতা বৃদ্ধির লক্ষ্যে আন্তর্জাতিক মানের প্রশিক্ষণ ও গবেষণা ভিত্তিক কেন্দ্র প্রতিষ্ঠা করা।

উদ্যোগ:

১. বন, বন্যপ্রাণী ও জীববৈচিত্র্য সংরক্ষণ, উন্নয়ন ও ব্যবস্থাপনা খাতের সকল পেশাজীবী, কর্মকর্তা ও আগ্রহী দেশী-বিদেশী ব্যক্তিগণকে উচ্চতর প্রশিক্ষণ প্রদান;
২. বন, বন্যপ্রাণী ও জীববৈচিত্র্য সংরক্ষণে গবেষণামূলক কার্যক্রম গ্রহণ ও বাস্তবায়ন; দেশীয় বন্যপ্রাণীর সঠিক ব্যবস্থাপনার লক্ষ্যে একটি জ্ঞান ভিত্তিক ব্যবস্থাপনা কেন্দ্র প্রতিষ্ঠা করা; যা সংরক্ষণ ও বিভিন্ন উন্নয়ন বিষয়ক নীতি ও সিদ্ধান্ত গ্রহণের ক্ষেত্রে সংশ্লিষ্ট সংস্থা সমূহকে উপযুক্ত উপদেশ ও পরামর্শ প্রদান করবে; ডিপ্লোমা ও সার্টিফিকেট কোর্স পরিচালনা;
৩. আধুনিক তথ্যপ্রযুক্তির সাহায্যে বন, বন্যপ্রাণীর আবাসস্থল বিষয়ক একটি জাতীয় তথ্য ব্যাংক স্থাপন এবং শেখ কামাল ওয়াইন্ডলাইফ সেন্টারকে বন্যপ্রাণী ব্যবস্থাপনা সেক্টরের রেফারেন্স কেন্দ্র হিসাবে প্রতিষ্ঠা করা;
৪. বন, বন্যপ্রাণী ও জীববৈচিত্র্য বিষয়ে জাতীয় তথ্য ব্যাংকে সংগৃহীত ও সংরক্ষিত বিভিন্ন উপাত্ত, প্রতিবেদন ও তথ্য প্রকাশ
৫. দেশি ও বিদেশি এইরূপ প্রতিষ্ঠানের বা বন, বন্যপ্রাণী ও জীববৈচিত্র্য বিশেষজ্ঞদের অংশগ্রহণে সেমিনার, সিম্পোজিয়াম ও কর্মশালার আয়োজন;

শেখ কামাল ওয়াইন্ডলাইফ সেন্টারে বিদ্যমান সুযোগ সুবিধা

শেখ কামাল ওয়াইন্ডলাইফ সেন্টার, গাজীপুরে আধুনিক নির্মাণ শৈলী ও সুযোগ সুবিধা সম্পন্ন নিম্নোক্ত অবকাঠামো সমূহ তৈরী করা হয়েছে:-

১। একাডেমিক ভবন;

২। পর্যাপ্ত সংখ্যক আধুনিক সুযোগ-সুবিধা সম্মিলিত শ্রেণীকক্ষ;

৩। ৫০০ আসন বিশিষ্ট আধুনিক মিলনায়তন;

৪। ৩৬ কক্ষবিশিষ্ট অফিসার্স ডরমেটরী;

৫। কনফারেন্স রুম;

৬। লাইব্রেরী;

৭। অফিসার্স কোয়ার্টার;

৮। খেলার মাঠ ও অন্যান্য।

প্রশিক্ষণ কার্যক্রম

শেখ কামাল ওয়াইন্ডলাইফ সেন্টার, গাজীপুরে গত ২০১৭-১৮ খ্রি: থেকে ২০২৪-২৫ খ্রি: অর্থবছরের এপ্রিল মাস পর্যন্ত বাংলাদেশের জীববৈচিত্র্য সংরক্ষণ ও আবাসস্থল উন্নয়ন এবং টেকসই বন ও জীবিকা (সুফল) প্রকল্পের আওতায় ৬২টি বিভিন্ন মেয়াদে (২১, ০৭, ০৫, ০৩ ও ০২ দিনব্যাপী) ও শিরোনামে (বন্যপ্রাণী ব্যবস্থাপনা, বন্যপ্রাণী অপরাধ দমন, ফরেনসিক, আধুনিক বন্যপ্রাণী ব্যবস্থাপনা, SMART Patrolling for Executive & Staff, Specialized Training (Wildlife Capture, Handling & Restraint), Land Survey and Records in Protected Area, ToT on Forest Restoration & Collaborative Forest Management, Public Procurement & Office Management for Administrative Officers (A.O) of MoEF&CC, Safeguard (ToT) Training of Forest Department Officials, Project Planning, Designing, Monitoring & Evaluation, Community Operation Manual (COM), Park & Sanctuary Management) প্রশিক্ষণ আয়োজন করা হয়েছে।

এসব প্রশিক্ষণে ১৫৬৮ জন প্রশিক্ষণার্থী সফলভাবে প্রশিক্ষণ গ্রহণ করেছেন।



বাংলাদেশের প্রকৃতি ও প্রতিবেশ পর্যটন

বর্তমান বিশ্বে প্রকৃতি পর্যটন একটি বিশাল সম্ভাবনার নাম। পৃথিবীর অনেক দেশে প্রকৃতি পর্যটন তাদের দেশীয় উৎপাদনে উল্লেখযোগ্য ভূমিকা পালন করে থাকে। সুজলা-সুফলা শস্য-শ্যামলা এই বাংলাদেশেও রয়েছে প্রকৃতি পর্যটনের অপার সম্ভাবনা। আদিকাল থেকে বহু বিখ্যাত পর্যটক এ প্রকৃতির অপরূপ দৃশ্যে মুগ্ধ হয়ে এদেশে ভ্রমণে এসেছিলেন। এদেশে রয়েছে অসংখ্য পাহাড়-পর্বত, নদী-নালা, খাল-বিল, হাওড়-বাওড় এবং বিশাল সমুদ্র। প্রকৃতি পর্যটনে জনগণের অংশীদারিত্ব থেকে এবং জনগণ প্রকৃতি পর্যটন থেকে উপকৃত হয়। বিশ্বের দীর্ঘতম কক্সবাজার সমুদ্র সৈকত, মহেশখালী-সোনাদিয়া দ্বীপের ম্যানগ্রোভ বন, সেন্টমার্টিন দ্বীপ এবং সিলেটের জলাভূমির বন পর্যটকের দৃষ্টি কেড়ে নেয়। সেন্টমার্টিন দ্বীপে রয়েছে সামুদ্রিক বিচিত্র রকমের কাছিমসহ কোরাল, কাঁকড়া এবং আরো বিচিত্র রকমের মাছ। কুয়াকাটায় সাগর তীরে সূর্যোদয় ও সূর্যাস্ত উপভোগ করার বিরল সুযোগ রয়েছে। এছাড়া সোনার চরের ঝাউবন সমৃদ্ধ সমুদ্র সৈকত এবং নজরকাড়া ম্যানগ্রোভ বন পর্যটকদের দৃষ্টি কাড়ে। বাংলাদেশের উল্লেখযোগ্য প্রকৃতি পর্যটন স্থানসমূহের তালিকা নিম্নরূপঃ



মহামায়া ইকোপার্ক



সাদু সংরক্ষিত বনাঞ্চল

কেন্দ্রীয় এলাকা: ভাওয়াল ন্যাশনাল পার্ক (গাজীপুর), বঙ্গবন্ধু সাফারী পার্ক (গাজীপুর), ন্যাশনাল বোটানিক্যাল গার্ডেন (ঢাকা), বলধাগার্ডেন (ঢাকা), মধুপুর ন্যাশনাল পার্ক (টাঙ্গাইল), মধুটিলা ইকোপার্ক (শেরপুর), রাজেশপুর ইকোপার্ক (কুমিল্লা) ইত্যাদি।

সিলেট এলাকা: রাতারগুল জলাভূমির বন, লাউয়াছড়া জাতীয় উদ্যান, সাতছড়ি জাতীয় উদ্যান, মাধবকুন্ড ইকোপার্ক, বরশীজোড়া ইকোপার্ক, টিলাগড় ইকোপার্ক, খাদিমনগর জাতীয় উদ্যান, জাফলং, বিছানাকান্দি, হাকালুকী হাওড়, টাঙ্গুয়ার হাওড় ইত্যাদি।

চট্টগ্রাম এলাকা: সীতাকুন্ড বোটানিক্যাল গার্ডেন এন্ড ইকোপার্ক, বাঁশখালী ইকোপার্ক, বঙ্গবন্ধু সাফারী পার্ক (কক্সবাজার), বারৈয়াটলা জাতীয় উদ্যান, শেখ রাসেল এ্যাভিয়ারী এন্ড ইকোপার্ক, মহামায়া ইকোপার্ক, ফয়েজ লেক, পতেঙ্গা সমুদ্র সৈকত, কক্সবাজার সমুদ্র সৈকত, হিমছড়ি, টেকনাফ, মহেশখালী দ্বীপের সোনাদিয়া ম্যানগ্রোভ বন, সেন্টমার্টিন দ্বীপ ইত্যাদি।

পার্বত্য এলাকা; কাভাই ন্যাশনাল পার্ক, কাভাই লেক, রাম পাহাড়, সাতা পাহাড়, শুভলং বান্দনা, মাখিনের কুপ, আলুটিলা গুহা, বান্দরবানের চিমুক পাহাড়, মেঘলা পর্যটন কেন্দ্র, শৈল প্রপাত, নীলাচল ইত্যাদি।

উত্তরাঞ্চল: রামসাগর জাতীয় উদ্যান, নবাবগঞ্জ জাতীয় উদ্যান, সিংড়া জাতীয় উদ্যান, বীরগঞ্জ জাতীয় উদ্যান, বঙ্গবন্ধু সেতু ইকোপার্ক, আলতাদীঘি জাতীয় উদ্যান ইত্যাদি।

দক্ষিণাঞ্চল: কুয়াকাটা জাতীয় উদ্যান, নিঝুম দ্বীপ জাতীয় উদ্যান, টেংরাগিরি ইকোপার্ক, পিরোজপুর রিভারভিউ ইকোপার্ক ইত্যাদি।

দক্ষিণ-পশ্চিমাঞ্চল: বিশ্ব ঐতিহ্য সুন্দরবনের কটকা, হিরনপয়েন্ট, দুবলারচর, কঁচিখালী, হাড়বাড়িয়া এবং করমজল জীববৈচিত্র্য সমৃদ্ধ আকর্ষণীয় পর্যটন স্পট। এখানে রয়েছে রয়েল বেঙ্গল টাইগার, চিত্রা হরিণ, লোনা পানির কুমির, ডলফিনসহ বিচিত্র রকমের জীবজন্তু।

প্রকৃতি পর্যটন উপভোগ করতে হলে পর্যটকদের কিছু নিয়ম কানুন পালনের নির্দেশিকা :

কি কি কাজ করা উচিত	কি কি কাজ করা উচিত নয়
১) যে জায়গায় ভ্রমণে যাবেন সে জায়গার নিয়ম-কানুন মেনে চলা (যেমনঃ প্রবেশ ফি/পার্কিং ফি থাকলে প্রবেশ ফি/পার্কিং ফি দিয়ে প্রবেশ করা।)	১) বনাঞ্চল ও বন্যপ্রাণির ক্ষতি হয় এমন কোন কাজ না করা।
২) নির্দিষ্ট ডাস্টবিনে ময়লা আবর্জনা ফেলা।	২) যত্র-তত্র ময়লা আবর্জনা না ফেলা।
৩) নির্দিষ্ট ট্রেইলে ভ্রমণ করা।	৩) রক্ষিত বনাঞ্চল, নদী, সাগর ও জলাশয়ে কোন ধরনের অপচনশীল দ্রব্যাদি না ফেলা।
৪) প্রয়োজনে ইকো-ট্রার গাইড নিয়ে ভ্রমণ করা।	৪) উচ্চস্বরে মাইক ও হর্ণ না বাজানো।
৫) যে এলাকায় ভ্রমণ করা হয়, এর আশেপাশের জনগণের মূল্যবোধকে সম্মান জানানো।	৫) হৈচৈ, চিৎকার- চোঁচামেচি না করা।

সাফারী পার্ক

চিড়িয়াখানায় সকল জীবজন্তু আবদ্ধ অবস্থায় থাকে এবং দর্শনার্থীগণ মুক্ত অবস্থায় থেকে জীবজন্তু পরিদর্শন করেন। কিন্তু সাফারী পার্কে সকল বন্যপ্রাণী উন্মুক্ত অবস্থায় বনজঙ্গলে বিচরণ করে এবং মানুষ সতর্কতার সহিত চলমান যানবাহনে চড়ে আবদ্ধ অবস্থায় জীবজন্তু পরিদর্শন করে থাকে।

সাফারী পার্কে দেশী-বিদেশী সকল বন্যপ্রাণী ন্যূনতম প্রাকৃতিক পরিবেশে রক্ষিত অবস্থায় থেকে বংশ বৃদ্ধির সুযোগ পাবে এবং উন্মুক্ত অবস্থায় বিচরণ করবে। বিরল ও বিলুপ্তপ্রায় এবং মহাবিপদাপন্ন বন্যপ্রাণীদের সাফারী পার্কের ভিতরে (in-situ) এবং বাইরে (ex-situ) মূল আবাসস্থলে সংরক্ষণ, প্রজনন, বংশবৃদ্ধি; আহত ও দলছুট বন্যপ্রাণীর চিকিৎসা প্রদান; জীববৈচিত্র্য সংরক্ষণ এবং ইকোট্যুরিজমের উন্নয়ন সাধনের লক্ষ্যে সাফারী পার্ক গঠিত হয়। বাংলাদেশে সাফারী পার্ক মোট ২টি।

১. বঙ্গবন্ধু শেখ মুজিব সাফারী পার্ক, কক্সবাজার

২. বঙ্গবন্ধু শেখ মুজিব সাফারী পার্ক, গাজীপুর

বঙ্গবন্ধু শেখ মুজিব সাফারী পার্ক, কক্সবাজার

বঙ্গবন্ধু শেখ মুজিব সাফারী পার্ক, কক্সবাজার বাংলাদেশের প্রথম সাফারী পার্ক। এটি কক্সবাজার জেলার চকরিয়া উপজেলার ডুলাহাজারায় অবস্থিত। চট্টগ্রাম-কক্সবাজার মহাসড়কের পূর্ব পাশে ১৯৮২ সালে তৎকালীন অবিভক্ত কক্সবাজার বন বিভাগ এর ফাঁসিয়াখালী রেঞ্জের ডুলাহাজারা ব্রকের ৪২.৫ হেক্টর বনাঞ্চলে একটি হরিণ প্রজনন কেন্দ্র স্থাপন করা হয়। পরবর্তীতে ১৯৯৯-২০০০ আর্থিক সালে উঁচুনিচু টিলাসমৃদ্ধ চিরসবুজ এ বনাঞ্চলের জীববৈচিত্র্য সংরক্ষণ ও বন্যপ্রাণীর আবাসস্থলের টেকসই উন্নয়নের লক্ষ্যে এর আয়তন ৩০০ হেক্টরে বৃদ্ধি করে দেশের প্রথম সাফারী পার্ক হিসেবে জাতির পিতা বঙ্গবন্ধু শেখ মুজিবুর রহমানের নামে “বঙ্গবন্ধু শেখ মুজিব সাফারী পার্ক, কক্সবাজার” এর যাত্রা শুরু হয়। পরবর্তীতে ২০০৬ সালে এর আয়তন বৃদ্ধি করে ৯০০ হেক্টরে উন্নীত করা হয়েছে। বিদ্যমান সাফারী পার্কটিকে আধুনিক ও আন্তর্জাতিকমানে রূপান্তর করার লক্ষ্যে একটি মহা পরিকল্পনা প্রণয়ন করা হয়; যা ২০১৬ সালে পরিবেশ, বন ও জলবায়ু পরিবর্তন মন্ত্রণালয় কর্তৃক অনুমোদিত হয়।

অনুমোদিত মহাসারকল্পনা অনুযায়ী ২০১৯-২০২৫ আর্থিক সালে প্রকল্প বাস্তবায়নের মাধ্যমে সাফারী পার্কটির উন্নয়ন কার্যক্রম চলমান রয়েছে।



ডুলাহাজারা সাফারী পার্কের ওয়াচ টাওয়ার

সাফারী পার্ক ব্যবস্থাপনার মূল উদ্দেশ্যগুলো হলো-

১) বন্যপ্রাণীর in-situ এবং ex-situ সংরক্ষণ।

২) বিরল ও বিপন্ন প্রজাতির প্রাণীর প্রজনন ও বংশবৃদ্ধি।

৩) শিক্ষা ও গবেষণার সুযোগ সৃষ্টি।

৪) ইকোট্যুরিজম সুযোগ-সুবিধা বৃদ্ধি।

বঙ্গবন্ধু শেখ মুজিব সাফারী পার্ক, কক্সবাজার এর বিভিন্ন বেষ্টনীতে রক্ষিত বন্যপ্রাণী সমূহ হলো স্তন্যপায়ী- ১২৩ টি, সর্প-৬৩ টি, পাখি-২২৪টি। এছাড়াও সাফারী পার্কটিতে প্রায় ৩৪০ প্রজাতির উদ্ভিদ ও উন্মুক্ত অবস্থায় আনুমানিক ২০০ প্রজাতির অধিক প্রাণী রয়েছে। সাফারী পার্কে ইতোমধ্যে বাঘ, সিংহ, কালো ভালুক, জলহস্তী, গয়াল, ওয়াইল্ডবিস্ট, জেব্রা, লোনা পানির কুমির, ময়ূর, উটপাখি সহ বিভিন্ন প্রাণীসমূহের কনজারভেশন ব্রিডিং এ সফলতা পাওয়া যায়।

বিগত ৫ বছরে কনজারভেশন ব্রিডিং / কেপটিভ ব্রিডিং এ সাফল্যের তথ্যঃ

ক্রমিক নং	প্রাণীর নাম	বাচ্চার সংখ্যা
১.	গয়াল	১০টি
২.	কালো ভালুক	৫টি
৩.	চিত্রা হরিণ	৫০টি
৪.	জলহস্তী	৪টি
৫.	জেব্রা	৪টি
৬.	ওয়াইল্ডবিস্ট	৩টি
৭.	মদনটাক	২টি
৮.	বন মোরগ	শতাধিক
৯.	কালিম	৯টি
১০.	উট পাখি	৪টি
১১.	ইমু	৩টি

বঙ্গবন্ধু শেখ মুজিব সাফারী পার্ক, কক্সবাজার দেশের শিক্ষাপ্রতিষ্ঠান সমূহের জন্য একটি আদর্শ গবেষণা ক্ষেত্র। পশু চিকিৎসা বিজ্ঞান, প্রাণীবিদ্যা, পরিবেশ বিজ্ঞান, মৃত্তিকা বিজ্ঞান, বন ও উদ্ভিদ বিজ্ঞানের শিক্ষার্থীরা তাদের গবেষণার কাজে এ পার্কে আগমন করে থাকেন। তাছাড়াও সারাদেশের স্কুল, কলেজ ও বিশ্ববিদ্যালয় সমূহের জন্য বঙ্গবন্ধু শেখ মুজিব সাফারী পার্ক, কক্সবাজার একটি মাঠ প্রশিক্ষণ কেন্দ্র। উক্ত পার্কে প্রতিবছর বিভিন্ন শিক্ষাপ্রতিষ্ঠানের শিক্ষার্থীরা শিক্ষা সফরে আগমন করে। শিক্ষার্থীদের জন্য শিক্ষার সুবিধার্থে রয়েছে শিক্ষামূলক ডকুমেন্টারী, তথ্য ও শিক্ষাকেন্দ্র, বন্যপ্রাণী মিউজিয়াম।



বঙ্গবন্ধু চত্বর

থিমোটিক চিল্ড্রেন এমিউজমেন্ট পার্ক

দৃষ্টিনন্দন এফিথিয়েটার

বিশেষ আকর্ষণসমূহ:

- স্বাধীনতার মহান স্থপতি জাতির পিতা বঙ্গবন্ধু শেখ মুজিবুর রহমানের ভাস্কর্য চত্বর।
- জীববৈচিত্র্য সমৃদ্ধ বনের ভেতর দিয়ে হেঁটে প্রকৃতির অপরূপ সৌন্দর্য উপভোগ।
- থিমোটিক চিল্ড্রেন এমিউজমেন্ট পার্ক।
- দৃষ্টিনন্দন এফিথিয়েটার।
- প্রাকৃতিক শোভামণ্ডিত লেক এ বিভিন্ন দেশীয় ও পরিযায়ী পাখির কলতান।
- প্রাকৃতিক বন ও সৃজিত চারণভূমির অপূর্ব সংমিশ্রণে হার্বিভোর সাফারী পরিভ্রমণ।
- বিভিন্ন বেষ্টনীতে রক্ষিত দেশি-বিদেশি বিভিন্ন প্রজাতির পাখি, সরীসৃপ ও স্তন্যপায়ী প্রাণী দর্শন ও পরিচিতি।

বঙ্গবন্ধু শেখ মুজিব সাফারী পার্ক, গাজীপুর

ঢাকা থেকে প্রায় ৪৮ কিলোমিটার উত্তরে ঢাকা-ময়মনসিংহ মহাসড়কের বাঘের বাজার থেকে প্রায় ৩ কিলোমিটার পশ্চিমে সাফারী পার্কটির অবস্থান। ভাওয়াল গড়ের শালবন একসময় জীববৈচিত্র্য সমৃদ্ধ ছিল; কিন্তু ইতোমধ্যে অনেক প্রাণী ও গাছপালা বিলুপ্ত হয়ে গেছে। গাজীপুর জেলার শ্রীপুর উপজেলাধীন মাওনা ইউনিয়নের বড় রাখুরা মৌজা ও সদর উপজেলার পিরুজালী ইউনিয়নের পিরুজালী মৌজার খন্ড খন্ড শাল বনের ৪৯০৯.০ একর বনভূমি ছোট বড় বিভিন্ন প্রজাতির বন্যপ্রাণীর জন্য নিরাপদ আবাসস্থল হিসেবে পরিচিত। এর মধ্যে ৩৬৯০.০ একর এলাকাকে সাফারী পার্কের মাস্টার প্র্যানের আওতাভুক্ত করা হয়েছে। “বঙ্গবন্ধু শেখ মুজিব সাফারী পার্ক, গাজীপুর” শীর্ষক প্রকল্পটির কার্যক্রম ২০১১ সালে শুরু হয় এবং ২০১৭ সালে শেষ হয়। সাফারী পার্কটি দক্ষিণ এশীয় মডেল, বিশেষ করে থাইল্যান্ডের সাফারী ওয়ার্ল্ড (Safari World) এর সাথে সামঞ্জস্য রেখে স্থাপন করা হয়েছে। সাফারী পার্কের চারদিকে নির্মান করা হয়েছে স্থায়ী ঘেরা এবং উহার মধ্যে দেশী/বিদেশী বন্যপ্রাণীর বংশবৃদ্ধি ও অবাধ বিচরণের সুযোগ সৃষ্টি করা হয়েছে; যাতে পর্যটকগণ চলমান যানবাহনে অথবা পায়ে হেঁটে ভ্রমণ করে শিক্ষা, গবেষণা ও চিত্তবিনোদনের সুযোগ লাভ করতে পারেন।



বঙ্গবন্ধু শেখ মুজিব সাফারী পার্ক, গাজীপুর

সাফারী পার্কের মূল উদ্দেশ্য

- ১। শাল বনের বন্যপ্রাণী ও উদ্ভিদ বৈচিত্র্য সংরক্ষণ;
- ২। বাংলাদেশের বিরল ও বিলুপ্ত প্রায় বন্যপ্রাণীকে নিজ আবাসস্থলে (in-situ) এবং আবাসস্থলের বাহিরে (ex-situ) সংরক্ষণ ও উন্নয়ন সাধন;
- ৩। ঢাকা মহানগরীর অতি নিকটে ইকো-ট্যুরিজমের সুযোগ সৃষ্টির মাধ্যমে পর্যটন শিল্পের বিকাশ, দারিদ্র্য বিমোচন ও কর্মসংস্থানের সুযোগ সৃষ্টি করা;

- ৪। শালবনের বন্যপ্রাণী, যেমন-বানর, মায়া হরিণ, বেড়া, বনকচ্ছ, বাঘদাস, বন বিড়াল, খরগোশ, শিয়াল, খেকশিয়াল ও অজগরসহ বিপন্ন বন্যপ্রাণীর নিরাপদ আবাসস্থল সৃষ্টি ও সংরক্ষণ করা;
- ৫। এছাড়া বাঘ, সিংহ, সাম্ভার হরিণ, মায়া হরিণ, চিত্রা হরিণ, প্যারা হরিণ এবং অন্যান্য তৃণভোজী বন্যপ্রাণীর প্রাকৃতিক পরিবেশ সংরক্ষণ ও বংশবৃদ্ধির সুযোগ সৃষ্টি করা;
- ৬। গভার, এশীয় হাতি, পরিযায়ী পাখী, জলজ পাখী, কালো ভালুক, মিঠা পানির কুমির, শোনা পানির কুমির, নীল গাই, জলহস্তী ইত্যাদি বিপন্ন ও বিলুপ্ত বন্যপ্রাণীর প্রাকৃতিক পরিবেশ সংরক্ষণ;
- ৭। আহত ও উদ্ধারকৃত বন্যপ্রাণীর চিকিৎসার নিমিত্ত বন্যপ্রাণীর সেবাশ্রম ও হাসপাতাল স্থাপন;
- ৮। বন্যপ্রাণী ও জীববৈচিত্র্য সংরক্ষণ সংক্রান্ত শিক্ষা ও গবেষণার সুযোগ সৃষ্টি করা।



সাফারী পার্কের দর্শনীয় স্থান ও বেষ্টনী

কোর সাফারী পার্ক (Core Safari Park):

- আফ্রিকান সাফারী
- হরিণ সাফারী
- ভালুক সাফারী
- সাদা সিংহ সাফারী
- সিংহ সাফারী
- বাঘ সাফারী
- সাফারী কিংডম (Safari Kingdom):
- প্রজাপতি গার্ডেন
- ফেন্সি কার্প গার্ডেন
- ঝুলন্ত সেতু
- ম্যাকাউ পাখিশালা

- ফেন্সি কার্প গার্ডেন
- ৯-D Show
- পর্যবেক্ষণ টাওয়ার
- কচ্ছপ ও কাছিম ব্রিডিং সেন্টার
- লিজার্ড পাক
- ফেন্সি ডাক গার্ডেন
- ক্রাউন ফিজেন্ট পাখিশালা
- ধনেশ পাখিশালা
- প্যারট পাখিশালা
- কুমির বেষ্টনী
- ঘড়িয়াল বেষ্টনী
- অজগর বেষ্টনী

- পাখি দ্বীপ
- অর্কিড হাউজ
- শকুন পূর্ববাসন কেন্দ্র
- প্রকৃতি বীক্ষণ কেন্দ্র
- বঙ্গবন্ধু স্কোয়ার:
- ফোয়ারা
- তথ্য ও শিক্ষা কেন্দ্র
- ন্যাচারহিস্ট্রি মিউজিয়াম
- সিংহ পর্যবেক্ষণ রেঞ্চার
- বাঘ পর্যবেক্ষণ রেঞ্চার

সাফারী পার্কের প্রবেশ ও গাড়ীতে চড়ে কোর সাফারী পার্ক পরিদর্শন ফি সম্পর্কিত তথ্যাদি

- সাপ্তাহিক বন্ধ: মঙ্গলবার
- প্রবেশ ফি:

বিবরণ	ফি (টাকায়)
প্রাপ্ত বয়স্ক প্রতিজন	৫০/-
অপ্রাপ্ত বয়স্ক (১২ বছরের নীচে) প্রতিজন	২০/-
ছাত্র/ছাত্রী প্রতিজন	১০/-
বিদেশী পর্যটক	১০০০/- বা ০৫ ইউএস ডলার
শিশু (০৬ বছরের নীচে)	ফ্রি

- গাড়ীতে চড়ে কোর সাফারী পার্ক পরিদর্শন ফি:

বিবরণ	ফি (টাকায়)
প্রাপ্ত বয়স্ক প্রতিজন	১৫০/-
অপ্রাপ্ত বয়স্ক (১২ বছরের নীচে) প্রতিজন	৫০/-
ছাত্র/ছাত্রী প্রতিজন	৫০/-

জলবায়ু পরিবর্তন-প্রেক্ষাপট বাংলাদেশ

বাংলাদেশ ভৌগোলিক অবস্থান এবং জলবায়ু পরিবর্তনের জন্য সবচেয়ে ঝুঁকিপূর্ণ দেশগুলোর মধ্যে অন্যতম। অতিবৃষ্টি, অনাবৃষ্টি, বন্যা, খরা, সামুদ্রিক ঝড়, জলোচ্ছ্বাস ইত্যাদি প্রাকৃতিক দুর্যোগ বাংলাদেশের ইতিহাসে নতুন কোনো ঘটনা নয়। কিন্তু বিশ্বজুড়ে নগরায়ন, শিল্পবিপ্লব, নির্বিচারে বন ধ্বংস ইত্যাদি অনিয়ন্ত্রিত কর্মকাণ্ডে পৃথিবীর উষ্ণতা বৃদ্ধি ও জলবায়ু পরিবর্তনের বিরূপ প্রভাবের ফলশ্রুতিতে প্রাকৃতিক দুর্যোগের ব্যাপ্তি, প্রকোপ ও আবর্তকালের পরিবর্তন জনপদকে আরও ঝুঁকিপূর্ণ করেছে। সে সাথে যোগ হয়েছে প্রাকৃতিক দুর্যোগের নতুনমাত্রা; যেমন- জলাবদ্ধতা, মরুময়তা, উপকূলীয় অঞ্চলের প্রায় ১৮ শতাংশ সমুদ্রগর্ভে তলিয়ে যাওয়ার সম্ভাবনা, উপকূলীয় অঞ্চলে কৃষিজমির লবণাক্ততা বৃদ্ধি এবং সর্বোপরি খাদ্য নিরাপত্তার হুমকি। সরকার এ সমস্যা মোকাবেলায় ইতোমধ্যে বিভিন্ন পদক্ষেপ গ্রহণ করেছে; যেমন- প্রাকৃতিক দুর্যোগের পূর্বাভাস সম্প্রচার, ঘূর্ণিঝড় আশ্রয়কেন্দ্র স্থাপন, উপকূলীয় এলাকায় বসবাসকারী মানুষকে যথাসময়ে নিরাপদ স্থানে স্থানান্তর, দ্রুত ত্রাণ সামগ্রী সরবরাহ, উপকূলীয় বাঁধ তৈরী, বাঁধ ও বাঁধ সংলগ্ন চরসহ উপকূলীয় এলাকায় বনায়নের মাধ্যমে সবুজ বেটনী সৃজন। কিন্তু নতুন মাত্রার প্রাকৃতিক দুর্যোগ এবং জলবায়ু পরিবর্তনের বিরূপ প্রভাব নিরসনে আরও প্রয়োজন আন্তর্জাতিক সহযোগিতা ও সমন্বিত প্রয়াস। বন অধিদপ্তর ৮ম পঞ্চবার্ষিক পরিকল্পনা অনুযায়ী লক্ষ্যমাত্রা অর্জনের পাশাপাশি রূপকল্প-২০৪১, এসডিজি-২০৩০, ব-দ্বীপ পরিকল্পনা-২১০০, Voluntary National Contributions (VNC) এবং UNCCD সহ অন্যান্য আন্তর্জাতিক কনভেনশন অনুযায়ী বিভিন্ন টার্গেটসমূহের সাথে সামঞ্জস্য রেখে জলবায়ু প্রশমন ও অভিযোজনে বিভিন্ন কার্যক্রম বাস্তবায়ন করছে। এছাড়া বন খাতে কার্বন নিঃসরণ কমানোর জন্য পরিকল্পনা প্রণয়নে স্যাটেলাইট ইমেজ এর উপর ভিত্তি করে Forest Reference Emission Level (বনখাতের কার্বন নিঃসরণের মাত্রা) প্রস্তুত করা হয়েছে এবং ২০১৯ সালে UNFCCC তে দাখিল করা হয়েছে, যা ২০২৪-২৫ অর্থ বছর নাগাদ হালনাগাদকরণের কার্যক্রম শুরু করার লক্ষ্যে FAO এর সাথে আলোচনা চলমান আছে। জলবায়ু পরিবর্তনের প্রভাব প্রশমন ও প্রাকৃতিক দুর্যোগ রোধে উপকূলীয় এলাকায় সবুজ বেটনী সৃজনের লক্ষ্যে ৮ম পঞ্চবার্ষিক পরিকল্পনার আওতায় ৩২.২১০ হেক্টর ম্যানগ্রোভ বাগান সৃজন করা হয়েছে।

বন সেক্টরের সাম্প্রতিক কার্যক্রম ও অগ্রগতি

দেশের বনজ সম্পদ, বন্যপ্রাণী ও জীববৈচিত্র্য সংরক্ষণ, বন ও বৃক্ষাচ্ছাদন বৃদ্ধি, ভূমির ক্ষয় রোধ, দেশের মরুময়তা হ্রাস, কার্বন আধার সৃষ্টি, প্রাকৃতিক দুর্যোগ মোকাবেলা, গ্রাম বাংলার দরিদ্র মহিলাসহ সাধারণ মানুষের আর্থসামাজিক উন্নয়ন, দারিদ্র্য বিমোচন এবং জলবায়ু পরিবর্তন জনিত নেতিবাচক প্রভাব মোকাবেলাসহ পরিবেশের ভারসাম্য রক্ষার উদ্দেশ্যে বন অধিদপ্তর বিভিন্ন উন্নয়ন কার্যক্রম বাস্তবায়ন করে থাকে। অংশীদারিত্বমূলক সামাজিক বনায়নসহ বনায়ন কার্যক্রম ও দেশব্যাপী বৃক্ষরোপণের ফলে দেশে মোট বৃক্ষাচ্ছাদিত ভূমির পরিমাণ ২২.৩৭ শতাংশে উন্নীত হয়েছে। ৮ম পঞ্চবার্ষিকী পরিকল্পনা (২০২১-২০২৫) অনুযায়ী দেশের বৃক্ষাচ্ছাদনের পরিমাণ ২৪ শতাংশ উন্নীত করার লক্ষ্যে বন অধিদপ্তরের বনায়ন ও বন সংরক্ষণ কার্যক্রম অব্যাহত রয়েছে। এছাড়া সরকারি বনাঞ্চলে বনায়নের পাশাপাশি বনের বাইরের এলাকা, উপকূলীয় অঞ্চলে জেগে উঠা চর ভূমি এবং সকল ধরনের প্রান্তিক ভূমি বনায়নের আওতায় আনা হচ্ছে। এ সকল কার্যক্রমকে অব্যাহত রাখার জন্য বন অধিদপ্তর বিভিন্ন উন্নয়ন প্রকল্প বাস্তবায়ন করে আসছে। ২০২৩-২৪ অর্থবছরে বন অধিদপ্তরের আওতায় ১৫টি উন্নয়ন প্রকল্প (১৩টি বিনিয়োগ, ০২টি কারিগরী ও ০১টি সমীক্ষা প্রকল্প) চলমান রয়েছে। ২০২৩-২৪ অর্থবছরে উন্নয়ন প্রকল্পের মোট বরাদ্দ ৬৮৬৬৪.০০ লক্ষ টাকা (জিওবি ১৮৪০৬.০০ লক্ষ টাকা এবং প্রকল্প সাহায্য ৫০২৫৮.০০ লক্ষ টাকা) মাত্র।

প্রকল্প তালিকা

বিনিয়োগ প্রকল্প:

- ১। শেখ রাসেল এ্যাভিনিউ এ্যান্ড ইকো-পার্ক, রাঙ্গুনিয়া, চট্টগ্রাম (২য় পর্যায়) (১ম সংশোধিত) প্রকল্প (জানুয়ারি ২০১৮ হতে জুন ২০২৪)
- ২। টেকসই বন ও জীবিকা (সুফল) প্রকল্প (জুলাই ২০১৮ হতে ডিসেম্বর ২০২৪)
- ৩। বঙ্গবন্ধু শেখ মুজিব সাফারী পার্ক, কক্সবাজার এর উন্নয়ন ও সম্প্রসারণ (২য় পর্যায়) (১ম সংশোধিত) প্রকল্প (জুলাই ২০১৯ হতে জুন ২০২৫)
- ৪। কক্সবাজার জেলায় সবুজ বেটনী সৃজন, প্রতিবেশ পুনরুদ্ধার এবং ইকো-ট্যুরিজম উন্নয়ন প্রকল্প (১ম সংশোধিত) (জুলাই ২০১৯ হতে জুন ২০২৫)
- ৫। জলবায়ু পরিবর্তনের বিরূপ প্রভাব নিরসনে সিলেট বিভাগে পুনঃবনায়ন ও অবকাঠামো উন্নয়ন প্রকল্প (১ম সংশোধিত) (জুলাই ২০১৯ হতে জুন ২০২৫)
- ৬। মহামায়া ইকো-পার্কের জীববৈচিত্র্য সংরক্ষণ ও প্রতিবেশ উন্নয়ন প্রকল্প (জানুয়ারি ২০২০ হতে ডিসেম্বর ২০২৪)
- ৭। মাদারীপুর জেলার আওতায় বিদ্যমান চরমুগুরিয়া ইকো-পার্কের আধুনিকায়ন প্রকল্প (১ম সংশোধিত) (জানুয়ারি ২০২০ হতে ডিসেম্বর ২০২৫)
- ৮। সুন্দরবন পরিবেশবান্ধব পর্যটন (ইকোট্যুরিজম) সুবিধা সম্প্রসারণ ও উন্নয়ন প্রকল্প (১ম সংশোধিত) (জানুয়ারি ২০২০ হতে ডিসেম্বর ২০২৩)
- ৯। সুন্দরবন সুরক্ষা প্রকল্প (জানুয়ারি ২০২১ হতে ডিসেম্বর ২০২৫)
- ১০। সামাজিক বনায়নের মাধ্যমে রাজশাহী বরেন্দ্র অঞ্চলের পরিবেশ সুরক্ষা (মার্চ ২০২১ হতে জুন ২০২৫) প্রকল্প
- ১১। সুন্দরবন বাঘ সংরক্ষণ প্রকল্প (এপ্রিল ২০২২ হতে মার্চ ২০২৫)
- ১২। স্থানীয় নৃগোষ্ঠী জনগণের সহায়তায় মধুপুর জাতীয় উদ্যানের ইকোট্যুরিজম উন্নয়ন ও টেকসই ব্যবস্থাপনা প্রকল্প (জুলাই ২০১৮ হতে জুন ২০২৪)
- ১৩। বোটানিক্যাল গার্ডেন ও ইকোপার্ক, চট্টগ্রাম এর প্রতিবেশ পুনরুদ্ধার ও জীববৈচিত্র্য সংরক্ষণ প্রকল্প (জানুয়ারি ২০২৪ হতে ডিসেম্বর ২০২৬)

কারিগরী প্রকল্প:

সুন্দরবন ব্যবস্থাপনা সহায়তা প্রকল্প-২য় পর্যায় (এসএমপি-২)(১ম সংশোধিত)(মে ২০১৯ হতে জুন ২০২৫)

সমীক্ষা প্রকল্প:

ফিজিবিলিটি স্টাডি ফর ফরেস্ট ইকোসিস্টিম কনজারভেশন এ্যান্ড ইকোট্যুরিজম ডেভেলপমেন্ট অব গ্রেটার দিনাজপুর এ্যান্ড রংপুর রিজিয়ন (জানুয়ারি ২০২৩ হতে জুন ২০২৪)

জলবায়ু পরিবর্তন ট্রাস্ট ফান্ডের প্রকল্প:

- ১। জলবায়ু পরিবর্তনের বিরূপ প্রভাব মোকাবেলায় সারাদেশব্যাপী ব্যাপক বনায়নের লক্ষ্যে চারা উত্তোলন (৪র্থ পর্যায়) প্রকল্প জুলাই ২০২২ হতে জুন ২০২৪ পর্যন্ত।
- ২। সিরাজগঞ্জ জেলায় কাজিপুর উপজেলায় শহীদ ক্যাপ্টেন এম. মনসুর আলী ইকোপার্ক স্থাপনের মাধ্যমে জনসাধারণের বিনোদনের সুযোগ সৃষ্টি প্রকল্প জুলাই ২০১৭ হতে জুন ২০২০ পর্যন্ত।
- ৩। চরফ্যাশন রেঞ্জের অবকাঠামো উন্নয়ন প্রকল্প ডিসেম্বর ২০১৮ হতে ডিসেম্বর ২০২৪ পর্যন্ত।

- ৫। মানুষ-হাতি দ্বন্দ্ব নিরসনে সৌর বেটনী স্থাপন প্রকল্প জুলাই ২০১৭ হতে জুন ২০২৪ পর্যন্ত।
- ৬। খুলনা জেলায় শেখ রাসেল ইকো পার্ক স্থাপন প্রকল্প জুন ২০১৮ হতে জুন ২০২৪ পর্যন্ত।
- ৭। সিরাজগঞ্জ জেলাধীন কাজিপুর উপজেলায় সমন্বিত বনায়নের মাধ্যমে যমুনা নদীর চরাঞ্চল ও নাটুয়ার পাড়া বন্যা নিয়ন্ত্রণ বাঁধ রক্ষা প্রকল্প নভেম্বর ২০১৮ হতে ডিসেম্বর ২০২৪ পর্যন্ত।
- ৮। হাকালুকি হাওড়ের হাল্লা পাখিবাড়ীর (বঙ্গবন্ধু পুরস্কারপ্রাপ্ত) জীববৈচিত্র্য সংরক্ষণ ও ইকো-ট্যুরিজম উন্নয়ন প্রকল্প, হাল্লা, বড়লেখা মৌলভীবাজার প্রকল্প ও বিভাগীয় বন কর্মকর্তা, বন্যপ্রাণী ব্যবস্থাপনা অক্টোবর ২০২২ হতে সেপ্টেম্বর ২০২৪ পর্যন্ত।

টেকসই বন ও জীবিকা (সুফল) প্রকল্প

পরিবেশ, বন ও জলবায়ু পরিবর্তন মন্ত্রণালয়ের অধীনে বন অধিদপ্তর বিশ্বব্যাংকের ঋণ সহায়তা ও সরকারি অনুদানে ০১ জুলাই ২০১৮ হতে ৩১ ডিসেম্বর ২০২৪ খ্রি. পর্যন্ত মেয়াদে টেকসই বন ও জীবিকা (সুফল) প্রকল্প বাস্তবায়ন করছে। প্রকল্পটির মোট প্রাক্কলিত ব্যয় ১,৫৫২.৩০ কোটি টাকা। বিশ্ব ব্যাংকের ঋণ সহায়তা ১,৫২৭.১৭ কোটি টাকা এবং জিওবি অনুদান ২৫.১৩ কোটি টাকা। প্রকল্পটি দেশের মোট ০৮ টি বিভাগের ৩৪ টি জেলার ২১১ টি উপজেলায় বিস্তৃত। ২৬টি বন বিভাগীয় কার্যালয়ের মাধ্যমে মাঠ পর্যায়ে প্রকল্পটির কার্যক্রম বাস্তবায়ন করা হচ্ছে। প্রকল্পটি বাস্তবায়নের মাধ্যমে বন অধিদপ্তরের প্রাতিষ্ঠানিক উন্নয়ন, তথ্য প্রযুক্তির ব্যবহার, সহযোগীতা মূলক বন ব্যবস্থাপনা প্রবর্তন, বন নির্ভর জনগোষ্ঠীর বিদ্যমান বনের উপর নির্ভরশীলতা হ্রাস ও তাদের আর্থ-সামাজিক উন্নয়ন, বন্যপ্রাণী সংরক্ষণ, বৃক্ষাচ্ছাদন বৃদ্ধি এবং সর্বোপরি টেকসই বন ব্যবস্থাপনা নিশ্চিত হবে।

প্রকল্পের উদ্দেশ্য:

ক) মূল উদ্দেশ্য:

প্রকল্পের মূল উদ্দেশ্য হলো-সহযোগীতামূলক বন ব্যবস্থাপনার উন্নয়ন এবং প্রকল্প এলাকায় বন নির্ভর স্থানীয় জনগোষ্ঠীর বিকল্প আয় বর্ধক সুযোগসহ বন সংরক্ষণ ও পুনরুদ্ধারে স্থানীয় জনগোষ্ঠীর অংশগ্রহণ বৃদ্ধি করা।

খ) সুনির্দিষ্ট উদ্দেশ্য:

- ১। প্রাতিষ্ঠানিক শক্তিশালীকরণ, তথ্য ব্যবস্থাপনা ও প্রশিক্ষণ প্রদান;
- ২। সহযোগীতামূলক বন ব্যবস্থাপনা শক্তিশালীকরণ এবং রক্ষিত এলাকার উন্নয়ন;
- ৩। প্রকল্প এলাকার বন নির্ভর জনগোষ্ঠীর বিকল্প আয় বর্ধক কাজের সুযোগ বৃদ্ধি, বন সম্প্রসারণ এবং বনের বাহিরে বৃক্ষাচ্ছাদন বৃদ্ধি; এবং
- ৪। প্রকল্প ব্যবস্থাপনা, পরিবীক্ষণ এবং রিপোর্টিং।

প্রকল্পের কার্যক্রম:

প্রকল্পের কার্যক্রম সমূহ চারটি কম্পোনেন্টের আওতায় শ্রেণিবদ্ধ করা হয়েছে:

কম্পোনেন্ট-১: প্রাতিষ্ঠানিক দক্ষতা ও তথ্য ব্যবস্থাপনা শক্তিশালীকরণ এবং প্রশিক্ষণ প্রদান

বন অধিদপ্তরের প্রশাসনিক এবং পরিচালনা পদ্ধতি পর্যালোচনা, প্রাতিষ্ঠানিক সংস্কার প্রস্তাব এবং ফরেষ্ট ম্যানুয়েল হালনাগাদ করণ। সহযোগিতামূলক বন ও রক্ষিত এলাকাসহ ব্যবস্থাপনা, পরিচালনা ও নিরীক্ষণের জন্য প্রযুক্তি নির্ভর তথ্য ব্যবস্থাপনা প্রতিষ্ঠা করা। ০.৫ লক্ষ উন্নত চারা উত্তোলনের জন্য সামাজিক বনায়ন নার্সারি ও ট্রেনিং সেন্টারে ৩টি টিস্যু কালচার ল্যাব প্রতিষ্ঠা, ২,০০০ নার্সারি মালিক এবং আধুনিক করাতকল ব্যবস্থাপনায় ১,০০০ করাতকল মালিকগণকে প্রশিক্ষণ প্রদান করা। সহযোগিতামূলক বন ব্যবস্থাপনা ও রক্ষিত এলাকা সহ-ব্যবস্থাপনা পদ্ধতি সম্পর্কে জ্ঞান ও দক্ষতা বৃদ্ধিতে বন অধিদপ্তরের ৩৭১৫ জন কর্মকর্তা-কর্মচারীকে প্রশিক্ষণ প্রদান। বন ও বন্যপ্রাণী বিষয়ে প্রযুক্তিগত ও ফলিত গবেষণা, এতদ্বিষয়ে ২০ লক্ষ জনগণের সচেতনতা বৃদ্ধি ও উদ্বুদ্ধ করার লক্ষ্যে গণযোগাযোগ, জনসংযোগ কার্যক্রম এবং বিভিন্ন গুরুত্বপূর্ণ দিবস উদযাপন করা। এছাড়া ২য় আবর্তের জাতীয় বন জরিপ সম্পাদন ও ল্যান্ডকভার ম্যাপিং এবং ৪টি গুরুত্বপূর্ণ বন বিভাগের জন্য ব্যবস্থাপনা পরিকল্পনা প্রণয়ন করা।

কম্পোনেন্ট-২: সহযোগিতামূলক বন এবং রক্ষিত এলাকা ব্যবস্থাপনা শক্তিশালীকরণ

সুফল প্রকল্পের মাধ্যমে পাহাড়ি, সমতল ও উপকূলীয় এই তিন ধরনের প্রতিবেশে ৩২ ধরনের বনায়ন কার্যক্রম বাস্তবায়ন করা হচ্ছে। উপকূলীয় সবুজ বেটনী তৈরিতে মোট ৪২ হাজার ৮৫৫ হেক্টর ম্যানগ্রোভ বাগান সৃজনের কাজ সম্পন্ন হয়েছে। এছাড়াও সহযোগিতামূলক বন ব্যবস্থাপনার মাধ্যমে অবক্ষয়িত ও বৃক্ষশূন্য পাহাড়ি এলাকায় ৫০ হাজার ৫৩৫ হেক্টর ও সমতল বনভূমিতে ১০ হাজার ৫৭০ হেক্টর বাগান সৃজনের কাজ সম্পন্ন হয়েছে। ইতোমধ্যে ২০টি রক্ষিত এলাকার ২,৫০০ হেক্টর বন্যপ্রাণীর আবাসস্থল উন্নয়ন এবং ১১৪০ হেক্টর বন্যপ্রাণী চলাচলের পথে পশু খাদ্য উপযোগী প্রজাতির বাগান সৃজন সম্পন্ন হয়েছে। ৮টি প্রজাতির সংকটাপন্ন বন্যপ্রাণীর সংরক্ষণের কার্যক্রম চলমান রয়েছে। ৩২ টি রক্ষিত এলাকায় বন্যপ্রাণী এবং রক্ষিত এলাকা ব্যবস্থাপনা কার্যক্রম বৃদ্ধি করার কার্যক্রম চলমান রয়েছে। ইতোমধ্যে ১০০০ টি উদ্ভিদের লাল তালিকা (Red listing of Plants) এবং বিদেশী আত্মসী প্রজাতির (Invasive Alien Species) তালিকা প্রণয়ন করাসহ ৫টি রক্ষিত এলাকায় আত্মসী উদ্ভিদ প্রজাতি নিয়ন্ত্রণ কৌশল প্রণয়ন করা হয়েছে। শেখ কামাল বন্যপ্রাণী কেন্দ্র, গাজীপুর এর সক্ষমতা বৃদ্ধিসহ সেখানে বিভিন্ন ধরনের প্রশিক্ষণ কার্যক্রম বাস্তবায়নের মাধ্যমে কার্যকারীতা বৃদ্ধি করা হয়েছে। ৬১৫টি গ্রামে ১২৩০ জন কমিউনিটি সদস্যকে পরিবেশ ও সামাজিক সুরক্ষা বিষয়ে প্রশিক্ষণ প্রদান করা হয়েছে। ৯টি রক্ষিত এলাকায় SMART Patrolling এর কাজ চলমান রয়েছে। পাখি শুমারী এবং শিকারী পাখি (যেমন শকুন, চিল) সংরক্ষণ কার্যক্রম জোড়াদার করা হয়েছে। ২টি হাল্লুর প্রজাতি ও ২টি শাপলাপাতা মাছ প্রজাতির নন-ডেট্রিমেন্ট ফাইন্ডিং (NDF) এবং বাংলাদেশে হাল্লুর ও শাপলাপাতা মাছের জাতীয় সংরক্ষণ কৌশল এবং কর্মপরিকল্পনা প্রণয়ন করা হয়েছে। হাতি সংরক্ষণ কর্মপরিকল্পনা অনুসারে Elephant Response Team গঠন করে মানুষ-হাতি দ্বন্দ্ব নিরসনে কার্যক্রম গ্রহণ করা হয়েছে।

কম্পোনেন্ট-৩: বন নির্ভর জনগোষ্ঠীর বিকল্প আয়-বর্ধক কাজের সুযোগ বৃদ্ধি ও বন সম্প্রসারণ

সহযোগিতামূলক বন ব্যবস্থাপনা টেকসই করার লক্ষ্যে বন ও রক্ষিত এলাকা সংলগ্ন ৬১৫টি গ্রামের ৪১,০০০ বন নির্ভর পরিবারের বিকল্প জীবিকার সুযোগ সৃষ্টি করার জন্য Livelihood Development Fund (LDF) এর আওতায় ২০.৫০ মিলিয়ন ডলারের একটি ঘূর্ণায়মান তহবিল গঠন পূর্বক ক্ষুদ্র-ঋণ কার্যক্রম চালু করা হয়েছে এবং Community Development Fund (CDF) এর আওতায় গ্রামীণ ক্ষুদ্র অবকাঠামো নির্মাণ/ সংস্কারের জন্য ৩.০৮ মিলিয়ন ডলার ব্যয় করা হয়েছে। ৬১৫ গ্রামে সহযোগিতামূলক বন ব্যবস্থাপনা কমিটি ও উপ-কমিটি গঠনের মাধ্যমে সংগঠন সৃষ্টি করা হয়েছে। ১৯টি রক্ষিত এলাকায় ১৪৭টি গ্রাম সংরক্ষণ ফোরাম গঠন করা হয়েছে এবং ৭টি এনজিও'র সহায়তায় ২৭,৬৭৫ জন সহযোগিতামূলক বন ব্যবস্থাপনা সংগঠনের সদস্যগণকে সাংগঠনিক সক্ষমতা বৃদ্ধি প্রশিক্ষণ এবং ৪১,০০০ জন সদস্যকে দক্ষতা বৃদ্ধি প্রশিক্ষণ প্রদানের কাজ সম্পন্ন হয়েছে।

প্রশিক্ষণ প্রদান করা হয়েছে। বন ও বন্যপ্রাণী সংরক্ষণ আইন প্রয়োগে দক্ষতা বৃদ্ধির জন্য কমিউনিটি টহল ব্যবস্থা গ্রহণ করা হয়েছে। প্রকল্পের কর্মসূচি বাস্তবায়নের মাধ্যমে আগামী ৪০ বছরে মোট ৩৩.০ মিলিয়ন টন কার্বন অপসারণ করা হবে। টিস্যু কালচার পদ্ধতিতে উদ্ভেলনের ০.৫ লক্ষ উন্নত চারাসহ ৬৪.৩০ লক্ষ বনজ/ফলদ চারা বিতরণ করা হয়েছে, মডেল উপজেলা হিসাবে ৫টি উপজেলায় ৫.০ লক্ষ চারা উদ্ভেলন ও বিতরণ করা হয়েছে। জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদযাপনে ৩৩.৫৪ লক্ষ চারা বিতরণ করা হয়েছে এবং ৪,৮২৬ কি.মি. স্ট্রিপ বাগান সৃজনের কাজ সফলভাবে সম্পন্ন হয়েছে।

কম্পোনেন্ট-৪: প্রকল্প ব্যবস্থাপনা, পরিবীক্ষণ এবং রিপোর্টিং

ODK ভিত্তিক অনলাইন এসএসপি প্রবর্তনের মাধ্যমে বনায়ন পরিবীক্ষণ করার উদ্যোগ গ্রহণ করা হয়েছে। কম্পিউটার-ভিত্তিক হিসাব-ব্যবস্থাপনা পদ্ধতি চালু করা হয়েছে। ৪১,০০০ সহযোগিতামূলক বন ব্যবস্থাপনা কমিটি'র সদস্যদের অনলাইন ডাটাবেজ তৈরী করা হয়েছে। বন অধিদপ্তরের যথাসময়ে রিপোর্টিং এর সক্ষমতা বৃদ্ধি এবং প্রকল্পের ফলাফলসমূহকে তৃতীয়-পক্ষের মাধ্যমে পরিবীক্ষণ কার্যক্রম চলমান রয়েছে।

সুফল প্রকল্পের আওতায় স্বাক্ষরিত সমঝোতা স্মারক অনুযায়ী ৩টি সংস্থার কার্যক্রমঃ

গণপূর্ত অধিদপ্তর

বিগত ৩১ শে আগস্ট ২০২০ খ্রি. তারিখে সমঝোতা স্মারক স্বাক্ষরিত হয়েছে। মোট ১৮৩,৫২ লক্ষ টাকা ব্যয়ে ৬২টি প্রকিউরমেন্ট প্যাকেজের মাধ্যমে মূল নির্মাণ কাজ সম্পন্ন করা হচ্ছে। ইতোমধ্যে মোট ৫৬ টি প্যাকেজের টেন্ডার আহবান করা হয়েছে এবং মোট ৫৫ টি প্যাকেজের কার্যাদেশ দেয়া হয়েছে। ৯৩টি ভবন নির্মাণ কাজ চলমান রয়েছে। প্রস্তাবিত ভবনসমূহের মধ্যে-জলবায়ু পরিবর্তনের প্রভাব মোকাবেলায় উপকূলীয় এলাকার ভবনের জন্য সফট স্টোরি নির্মাণ, শহরাঞ্চলে মূল্যবান জমির বিবেচনায় বিভাগীয় বন কর্মকর্তার ভবনের জন্য ২-তলার স্থলে ৪-তলা ফাউন্ডেশন, আগারগাঁওস্থ বন অধিদপ্তরের প্রধান কার্যালয়ে অতিরিক্তি তিনতলা নির্মাণ কার্যক্রম চলমান রয়েছে। বর্তমানে গণপূর্ত অধিদপ্তরের ডিপির দ্বিতীয় সংশোধনীতে প্রকল্পের নির্মাণ কাজের সংশোধিত মোট ব্যয় ধরা হয়েছে ১৭০,৯২.৩৭ লক্ষ টাকা। ইতোমধ্যে সকল বিল্ডিং এর ডিজিটাল সার্ভে ও সয়েলটেস্ট কার্যক্রম সম্পন্ন হয়েছে। প্রতিটি ভবনের জন্য পরিবেশ সুরক্ষা প্রতিপালনের লক্ষ্যে এইসএমপি তৈরী করা হয়েছে। গণপূর্ত অধিদপ্তর কর্তৃক ইতোমধ্যে ১৪টি ভবন বন অধিদপ্তরের নিকট হস্তান্তর করা হয়েছে। আরো ১১টি ভবন হস্তান্তরের প্রক্রিয়াধীন আছে।



করেরহাট রেস্ট অফিস, চট্টগ্রাম উত্তর বন বিভাগ



রাউজান বিট অফিস, চট্টগ্রাম উত্তর বন বিভাগ



স্টাফ ডরমেটরি, গাজীপুর



স্টাফ বায়োক, সন্ধ্যাপুর বিট, ময়মনসিংহ বন বিভাগ

বাংলাদেশ বন গবেষণা ইনস্টিটিউট

বাংলাদেশ বন গবেষণা ইনস্টিটিউট (বিএফআরআই) এর সাথে সমঝোতা স্মারক ২০ অক্টোবর ২০২০ খ্রি. তারিখে স্বাক্ষরিত হয়েছে। মোট ৮৬৩.৪৩ লক্ষ টাকা ব্যয়ে এ কার্যক্রমের আওতায় (কম্পোনেন্ট-১) করাতকল ও কাঠ প্রক্রিয়াজাতকরণের সক্ষমতা বৃদ্ধি ও (কম্পোনেন্ট ২) টিস্যু কালচার ও নার্সারি উন্নয়নের কাজ হাতে নেয়া হয়েছে। আরডিপিপি'র সংস্থান অনুযায়ী ১৫ মাসের মেয়াদ বৃদ্ধি ও একই অর্থনৈতিক কোডের আওতায় কার্যক্রম বাস্তবায়নকালীন স্বায়কৃত অর্থ আন্তঃখাত সময়ের মাধ্যমে আরপিএ খাতে মোট ২৫.০০ লক্ষ টাকা হ্রাস করত ০১ এপ্রিল ২০২৩ হতে ৩০ জুন ২০২৪ পর্যন্ত মোট ৮৩৮.৪৩ লক্ষ টাকার সমঝোতা স্মারক সংশোধন করা হয়েছে। চট্টগ্রাম উত্তর ও দক্ষিণ বন বিভাগ, কক্সবাজার উত্তর ও দক্ষিণ, ঢাকা ও টাঙ্গাইল বন বিভাগের প্রকল্প এলাকার ব্যক্তিমালিকানাধীন নার্সারি মালিক ও বন বিভাগের কর্মীসহ মোট ১,২২০ জনকে নার্সারি উন্নয়ন ও ব্যবস্থাপনা বিষয়ক প্রশিক্ষণ প্রদান করা হয়েছে। এছাড়া, স'মিল ও উড প্রেসেসিং বিষয়ক ৫০ জন করাতকল মালিক ও স্টাফগণকে প্রশিক্ষণ প্রদান করা হয়েছে। বিভিন্ন বিষয়ে ১০টি প্রশিক্ষণ ম্যানুয়েল প্রণয়ন করেছে, যার মধ্যে রয়েছে, বাঁশের কক্ষিকলম, টিস্যু কালচার, গোলপাতা নার্সারি, নার্সারিতে বালাই দমন ব্যবস্থাপনা ইত্যাদি। ৮টি বিপন্ন প্রজাতির উদ্ভিদের (বৈলাম, চন্দন, রক্তন, হলদু, সাদা গর্জন, সিধা জারুল, পাদক, ও রিঠা) টিস্যু কালচার প্রটোকল প্রণয়ন কাজ চলছে। গাজীপুরে টিস্যু কালচার ল্যাবরেটরি স্থাপনের কাজ শেষ হয়েছে। চট্টগ্রাম ও যশোর বন বিভাগের এসএফএনটিসি প্রাঙ্গণে টিস্যু কালচার ল্যাবরেটরি স্থাপনের কাজ চলছে।



বাংলাদেশ ন্যাশনাল হারবেরিয়াম

বাংলাদেশ ন্যাশনাল হারবেরিয়াম এর সাথে বিগত ১০ জুন ২০২০ খ্রি. তারিখে সমঝোতা স্মারক স্বাক্ষরিত হয়েছে। মোট ৬৯৮.৭৯৮ লক্ষ টাকার এ কার্যক্রমের আওতায় ১০০০ উদ্ভিদের রেডলিস্ট প্রণয়ন ও নির্বাচিত ০৫টি রক্ষিত এলাকায় ১) সুন্দরবন পূর্ব বন্যপ্রাণী অভয়ারণ্য, ২) রেমা-কালেঙ্গা বন্যপ্রাণী অভয়ারণ্য, ৩) কাপ্তাই জাতীয় উদ্যান, ৪) মধুপুর জাতীয় উদ্যান, এবং ৫) হিমছড়ি জাতীয় উদ্যান ১৭টি আত্মসী বিদেশী প্রজাতির উদ্ভিদ চিহ্নিত করা হয়েছে। উক্ত রক্ষিত এলাকায় স্থানীয় বন জীববৈচিত্র্যের উপর আক্রমণাত্মক এলিয়েন প্রজাতির (আইএএস) প্রভাব কমাতে ব্যবস্থাপনা কৌশল প্রণয়ন করা হয়েছে।

সুফল প্রকল্পের বনায়নে অগ্রগতি

প্রকল্পের আওতায় ২০২৩-২০২৪ অর্থ বছরে ১,০৩,৯৬০ হেক্টর বনায়ন সম্পন্ন হয়েছে। স্থানীয় ৫০-৬০ সংখ্যক প্রজাতির সংমিশ্রণে নার্সারি উদ্ভেলন ও বাগান সৃজন করা হচ্ছে, যা বিভিন্ন পরিদর্শনে (আইএমইডি, জেলা প্রশাসক, মন্ত্রণালয়, বন বিভাগের সংশ্লিষ্ট উর্ধ্বতন কর্মকর্তা ইত্যাদি) প্রশংসা জ্ঞাপন করেছেন। বন্যপ্রাণী আবাসস্থল ও করিডোর উন্নয়ন, বিরল ও সংকটাপন্ন প্রজাতি নির্বাচন, ঔষধি গাছ ইত্যাদি সম্প্রসারণে গুরুত্ব আরোপ করা হয়েছে। বিদেশী ও আত্মসী প্রজাতির চারা নির্বাচনে নিরুৎসাহিত করা হয়েছে। বনায়নের শুরু হতে অন-লাইন ভিত্তিক ওপেন ডাটা কিট (ওডিকে) এর মাধ্যমে পর্যবেক্ষণের সুবিধা চালু করা হয়েছে।




সুফল প্রকল্পের আওতায় সৃজিত ম্যানগ্রোভ বনায়ন



পাহাড়ি বন পুনরুদ্ধারের দীর্ঘ বর্ষাঋতু প্রজাতির মিশ্র বনায়ন

প্রকল্পের আওতায় গৃহীত বনায়ন কার্যক্রম বাস্তবায়নের প্রারম্ভে Site Specific Plan (SSP) প্রণয়ন করার বিষয়ে বিশ্ব ব্যাংকের সুপারিশ রয়েছে। সে অনুযায়ী ইতোমধ্যে ৯৩,৮১৮ হেক্টর বনায়ন এলাকার Site Specific Plan (SSP) পরিচালনা করা হয়েছে, যা যাচাই-বাছাই এর মাধ্যমে সার্ভারে স্থানান্তরের কাজ চলমান আছে। অনলাইনে এসএসপি কার্যক্রম পর্যবেক্ষণ ও অনুমোদনের জন্য একটি ড্যাসবোর্ড প্রণয়ন করা হয়েছে। এ অনুমোদন প্রক্রিয়ায় মাঠ-পর্যায়ে কর্মরত বিট কর্মকর্তা হতে বিভাগীয় বন কর্মকর্তা পর্যন্ত সকল কর্মকর্তার ইউজার একাউন্ট খোলা হয়েছে। ৩২৪ টি বন বিটের ইনডেক্স ম্যাপ প্রণয়ন করা হয়েছে।



২০১৮-২০১৯ হতে ২০২৩-২০২৪ অর্থ বছর পর্যন্ত বছর ভিত্তিক বনায়নের অগ্রগতি নিম্নে দেওয়া হলোঃ
২০১৮-১৯ অর্থবছরে বিভিন্ন প্রকারে ১৩৩৯ হে. বনায়ন এবং ১০০ সি. কি.মি. গোলপাতা ও ১৭৫ সি. কি.মি. স্ট্রিপ বনায়ন সম্পন্ন হয়েছে পাশাপাশি ৩.৭৩ লক্ষ চারা উত্তোলন ও বিতরণ করা হয়েছে। ২০১৯-২০২০ অর্থবছরে বিভিন্ন প্রকারে ১৭৬৩০ হে. বনায়ন এবং ৫২০ সি. কি.মি গোলপাতা ও ১৩২১ সি. কি.মি. স্ট্রিপ বনায়ন সম্পন্ন হয়েছে পাশাপাশি ১৩.৬৫ লক্ষ চারা উত্তোলন ও বিতরণ করা হয়েছে। এছাড়া জাতির পিতা বঙ্গবন্ধু শেখ মুজিবুর রহমানের জন্য শতবর্ষ উদযাপন উপলক্ষ্যে ৩৩.৫৪ লক্ষ চারা বিতরণ করা হয়েছে। ২০২০-২১ অর্থবছরে বিভিন্ন প্রকারে ২০,৫২০ হে. বনায়ন এবং ৬৫০ সি. কি.মি. গোলপাতা ও ৮৯৫ সি. কি.মি. স্ট্রিপ বনায়ন সম্পন্ন হয়েছে। ২০২১-২২ অর্থবছরে বিভিন্ন প্রকারে ২০,৫২৮ হে. বনায়ন এবং ৬০ সি. কি.মি. গোলপাতা ও ১০৬৯ সি. কি.মি. স্ট্রিপ বনায়ন সম্পন্ন হয়েছে। ২০২২-২৩ অর্থবছরে বিভিন্ন প্রকারে ২০,৫২৮ হে. বনায়ন এবং ৩৫০ সি. কি.মি. গোলপাতা ও ৪৯১ সি. কি.মি. স্ট্রিপ বনায়ন সম্পন্ন হয়েছে এবং ২০২৩-২৪ অর্থবছরে বিভিন্ন প্রকারে এ পর্যন্ত ২৩,৩৭২ হে. বনায়ন সম্পন্ন হয়েছে এবং ৬২৫ সি. কি.মি. গোলপাতা ও ৮৭৫ সি. কি.মি. স্ট্রিপ বাগান সৃজন করা হয়েছে।

প্রকল্পের আওতায় প্রশিক্ষণ কার্যক্রম:

প্রকল্পের সংস্থান অনুযায়ী বার্ষিক প্রশিক্ষণ পরিকল্পনা প্রণয়ন ও তদনুযায়ী প্রশিক্ষণ প্রদান করা হচ্ছে। একাউন্টস, ই-জিপি, আইবাস++, প্রকিউরমেন্টস, বন ব্যবস্থাপনা, বনের প্রতিবেশ পুনরুদ্ধার, বন্যপ্রাণী ব্যবস্থাপনা, সাইট-স্পেসিফিক প্ল্যানিং, জলবায়ু পরিবর্তন, অফিস ব্যবস্থাপনা, প্রকল্প ব্যবস্থাপনা প্রভৃতি বিষয়ে ৩১৯১ জন কর্মকর্তা-কর্মচারীকে প্রশিক্ষণ প্রদান করা হয়েছে যার মধ্যে ৩০০৫ জন পুরুষ এবং ১৮৬ জন নারী কর্মকর্তা-কর্মচারী রয়েছে।



প্রকল্পের আওতায় বন্যপ্রাণীর আবাসস্থল ও করিডোর উন্নয়নের জন্য বিশেষ বনায়ন কার্যক্রম বাস্তবায়ন করা হচ্ছে। ইতোমধ্যে ডিপিলি সংস্থান অনুযায়ী ৩,৬৪০ হে. বাগান সৃজন করা হয়েছে। পাশাপাশি সংকটাপন্ন ও বিপদাপন্ন নিম্নলিখিত ৮টি বন্যপ্রাণী সংরক্ষণের বিশেষ পদক্ষেপ গ্রহণ করা হয়েছে।

হাতি সংরক্ষণ:

হাতি সংরক্ষণ কার্যক্রমের অংশ হিসেবে মানুষ-হাতি দ্বন্দ্ব নিরসনে কার্যক্রম হাতে নেয়া হয়েছে। ইতোমধ্যে চট্টগ্রাম, কক্সবাজার ও ময়মনসিংহে ৭২টি ইআরটি গঠন এবং তাদেরকে প্রয়োজনীয় সরঞ্জামাদি সরবরাহ করা হয়েছে। চট্টগ্রাম ও কক্সবাজারে ৬টি সচেতনতামূলক সভা অনুষ্ঠিত হয়েছে। মানুষ-হাতি দ্বন্দ্ব বিষয়ক তথ্য ২০১৬-২০২১ সাল অবধি সংগ্রহ করা হয়েছে। মানুষ-হাতি দ্বন্দ্ব নিরসনে ইআরটি সদস্যগণকে প্রশিক্ষণ প্রদান করা হয়েছে। প্রচারণার জন্য লিফলেট ও পোস্টার তৈরী করা হয়েছে।



সার্ক ও রে সংরক্ষণ:

প্রকল্পে সার্ক ও রে সংরক্ষণে জরিপ পরিচালিত হয়েছে। এ কাজে ৯৫ জন কর্মকর্তাকে প্রশিক্ষণ দেয়া হয়েছে। ২ টি সার্ক ও ২টি রে প্রজাতির নন ডেট্রিমেন্ট ফাইন্ডিংস (এনডিএফ) প্রণয়ন করা হয়েছে এবং তা মন্ত্রণালয় কর্তৃক অনুমোদিত হয়েছে। সার্ক ও রে সংরক্ষণ কর্মকৌশল এবং প্ল্যান অব এ্যাকশন তৈরী করা হয়েছে এবং তা মন্ত্রণালয় কর্তৃক অনুমোদিত হয়েছে। উপকূলীয় মৎসজীবির মাঝে সচেতনতা বৃদ্ধির জন্য ৬টি স্থানে প্রদর্শনী ও সচেতনতামূলক অনুষ্ঠান আয়োজন করা হয়েছে। এ কাজ প্রচারণায় পোস্টার তৈরী করা হয়েছে এবং একটি ভিডিও ডকুমেন্টারি তৈরী করা হয়েছে।



শকুন সংরক্ষণ:

শকুন সংরক্ষণে ০৭ টি ভিসিটির ওপর সমীক্ষা পরিচালনা করা হয়েছে। ভালচার কনজারভেশন টিমের সাথে ১৮টি সভা অনুষ্ঠিত হয়েছে। ভালচার কনজারভেশন টিমের তথ্যাদি সংগ্রহ করা হয়েছে, যা বিশ্লেষণ করা হচ্ছে। কাজটি চলমান রয়েছে। রেমা-কালেঙ্গাছ ভালচার ফিডিং স্টেশন মেরামতে কাজ সম্পন্ন হয়েছে এবং খাবার হিসেবে ৩০ টি গরু সরবরাহ করা হয়েছে। ভালচার নেস্টিং ও রুস্টিং গাছের জরিপ চালানো হয়েছে। ২০২৩ সালে মোট ২০ টি এবং ২০২২ সালে ১৮টি নেস্ট পাওয়া গেছে। সারাদেশে ১৯৩টি রুস্টিং ও রুস্টিং গাছ চিহ্নিত হয়েছে। বাংলাদেশে এবার আরও একটি এলাকায় নতুন ভাবে শকুনের বসবাস চিহ্নিত করা হয়েছে। ৭২টি অসুস্থ শকুন সেবাপ্রদান পূর্বক প্রকৃতিতে অবমুক্ত করা হয়েছে। ৩টি শকুনের গায়ে ১ম বারের মত HG স্যাটেলাইট ট্যাগ সংযুক্ত করা হয়েছে। সচেতনতা বৃদ্ধিতে একটি পোস্টার ও একটি ভিডিও ডকুমেন্টারি তৈরী করা হয়েছে। ২টি আন্তর্জাতিক শকুন সচেতনতা দিবস পালিত হয়েছে। শকুন সংরক্ষণে ম্যালোক্সিক্যাম প্রচারে ঔষধ কোম্পানির সাথে ২টি সভা করা হয়েছে। স্কুল, কলেজ ও বিশ্ববিদ্যালয়ে সভা আয়োজনের মাধ্যমে সচেতনতা বৃদ্ধি করা হয়েছে। ৯ মার্চ ২০২৩ তারিখে বার্ষিক SAVE সভা আয়োজন করা হয়েছে।



প্রকল্পের আওতায় ক) শিকারী পাখি সংরক্ষণ, খ) পরিযায়ী পাখির এশিয়ান ফ্লাইওয়ে, এবং গ) পাখি শুমারি ও রিংগিং বিষয়ক কার্যক্রম গ্রহণ করা হয়েছে। ৩২টি এলাকায় সকল পাখির জরীপ সম্পন্ন করা হয়েছে এবং ৪টি রিংগিং ক্যাম্প সম্পন্ন হয়েছে। ৪টি শিকারী পাখির জরীপ সম্পন্ন হয়েছে এবং ৮টি আরটিসি গঠন করা হয়েছে। ২৬১টি সোয়াপ নমুনা সংগ্রহ করা হয়েছে। ৬টি পরিযায়ী পাখির ফ্লাইওয়ে সাইট জরিপ করা হয়েছে এবং ৬টি সাইট ব্যবস্থাপনা কমিটি গঠন করা হয়েছে। ৭টি ডাবিং ডাক ও ৫টি সৈকত পাখিকে জিপিএস-ট্যাগ পরানো হয়েছে। মোট ৩৫২টি পাখিকে রিংগিং পরানো হয়েছে। শিকারী পাখি, পরিযায়ী পাখি ও জলাভূমি সংরক্ষণে স্ট্রাটজিক কনজারভেশন প্ল্যান প্রণয়ন করা হয়েছে। দুটি পরিযায়ী পাখি দিবস পালন করা হয়েছে।



ঘড়িয়াল সংরক্ষণ: ঘড়িয়াল সংরক্ষণ কার্যক্রম বাস্তবায়নের জন্য ফার্ম নিয়োগ করা হয়েছে এবং সংরক্ষণ কাজ চলমান রয়েছে।

ডলফিন সংরক্ষণ: ডলফিন সংরক্ষণ কার্যক্রম বাস্তবায়নের জন্য ফার্ম নিয়োগ করা হয়েছে এবং সংরক্ষণ কাজ চলমান রয়েছে।

স্পুনবিলড স্যান্ডপাইপার: স্পুনবিলড স্যান্ডপাইপার সংরক্ষণ কার্যক্রম বাস্তবায়নের জন্য ফার্ম নিয়োগ করা হয়েছে এবং সংরক্ষণ কাজ চলমান রয়েছে।

ওয়াইল্ডলাইফ অলিম্পিয়াড:

বাংলাদেশে প্রথমবারের মতো স্কুল এবং কলেজ পর্যায়ে ওয়াইল্ডলাইফ অলিম্পিয়াড আয়োজন করা হয়েছে। ওয়াইল্ডলাইফ ও সমমান পর্যায়ের ছাত্র-ছাত্রীদের জন্য আয়োজিত ওয়াইল্ডলাইফ অলিম্পিয়াডে বাংলাদেশের ৬৪টি জেলা থেকে প্রায় ১ লক্ষ ছাত্র-ছাত্রী অংশগ্রহণ করবে। অলিম্পিয়াডের প্রথম রাউন্ডে অংশগ্রহণের জন্য ৬৪টি জেলার প্রত্যেকটি কলেজ থেকে প্রায় ১,৫৮২জন শিক্ষার্থীকে নির্বাচন করার কাজ চলছে। জাতীয় অলিম্পিয়াডের জন্য, চূড়ান্ত পর্বের পরীক্ষায় ৬৪টি জেলা থেকে নির্বাচিত ৩৮৪ জন শিক্ষার্থী অংশগ্রহণ করবে।



SMART প্যাট্রোলিং:

৯টি রক্ষিত এলাকা যথাক্রমে মধুপুর জাতীয় উদ্যান, বাঁড়িয়াঢালা জাতীয় উদ্যান, চুনতি বন্যপ্রাণী অভয়ারণ্য, ফাসিয়াখালী বন্যপ্রাণী অভয়ারণ্য, হাজারীখিল বন্যপ্রাণী অভয়ারণ্য, টেংরাগিরি বন্যপ্রাণী অভয়ারণ্য, খাদিমনগর জাতীয় উদ্যান, মেধাকচ্ছপিয়া জাতীয় উদ্যান, নিবুম দ্বীপ জাতীয় উদ্যানে SMART প্রোটোকল অনুসরণ করে SMART প্যাট্রোলিং কার্যক্রম চলমান রয়েছে। SMART টহলের জন্য প্রয়োজনীয় উপকরণ যেমন SMART অ্যাপ সম্বলিত স্মার্টফোন, প্যাট্রোলিং ভেস্ট, ওয়াইল্ডলাইফ মটরসিট ক্রিটসহ স্টেশনারি প্রভৃতি সরবরাহ করা হয়েছে।

সহযোগিতামূলক বন ব্যবস্থাপনা কার্যক্রম বাস্তবায়ন:

সহযোগিতামূলক বন ব্যবস্থাপনা কার্যক্রম বাস্তবায়নের জন্য প্রণীত কমিউনিটি অপারেশন ম্যানুয়েল (COM) মন্ত্রণালয় কর্তৃক অনুমোদিত হয়েছে। COM অনুসরণে ৪১,০০০ বন নির্ভর পরিবারকে সম্পৃক্ত করে সহযোগিতামূলক বন ব্যবস্থাপনা কার্যক্রম বাস্তবায়ন করা হচ্ছে। এ কাজে সহায়তার জন্য ০৭ জন কমিউনিটি মোবাইলাইজেশন অফিসার বিভাগীয় বন কর্মকর্তার পরামর্শক্রমে সহযোগিতামূলক বন ব্যবস্থাপনা কার্যক্রম বাস্তবায়নে সহায়তা প্রদান করছেন। ০৭টি এনজিও কর্তৃক মাঠপর্যায়ে বন নির্ভর গ্রাম (এফসিভি/ভিসিএফ) নির্বাচন, সুবিধাভোগী পরিবার নির্বাচন, বেইজলাইন সার্ভে, পরিচালনা কমিটি ও গ্রাম পর্যায়ে সুবিধাভোগীদের সমন্বয়ে সাব-কমিটি গঠন, ব্যাংক একাউন্ট খোলা, প্রশিক্ষণ প্রদান ইত্যাদি কাজ সম্পন্ন করা হয়েছে। সংশোধিত আরডিপিপি সংস্থান অনুযায়ী অফিস ভাড়া বাবদ ২৭৬.৭৫ লক্ষ টাকার মধ্যে ২২৭.৫৯ লক্ষ টাকা, কমিউনিটি প্যাট্রোলিং বাবদ ৪২৪৩.৫০ লক্ষ টাকার মধ্যে ২৩৩১.১৮ লক্ষ টাকা, কমিউনিটি উন্নয়ন তহবিল বাবদ ২৫৮৩.০০ লক্ষ টাকার মধ্যে ২৩২০.২৫ লক্ষ টাকা এবং জীবিকা উন্নয়ন তহবিল বাবদ ১৭২২০.০০ লক্ষ টাকার মধ্যে ১৩৯৯৪.৩৫ লক্ষ টাকা খরচ হয়েছে। কমিউনিটি তহবিল বাবদ মোট আরডিপিপি সংস্থানকৃত ২৪৯৪৩.১০ লক্ষ টাকার মধ্যে ১৯১৩০.৬৬ লক্ষ টাকা খরচ হয়েছে।

মোট ৪১,০০০ সুবিধাভোগীদের মধ্যে এ পর্যন্ত ৯১.৮% সুবিধাভোগীকে (৩৭,৬৫২ জনের মধ্যে ২৪,৬৪২ জনকে ১০০% এবং ১৩,০১০ জনকে ৬০%) জীবিকা উন্নয়ন তহবিল ঋণ প্রদান করা হয়েছে। ২৬,৭৮৫ জন কমিউনিটি সদস্যের সক্ষমতা বৃদ্ধির প্রশিক্ষণ এবং ৪১,০০০ জন সদস্যকে পেশাভিত্তিক দক্ষতা উন্নয়ন প্রশিক্ষণ প্রদান করা হয়েছে। ঋণ সহায়তাপ্রাপ্ত সদস্যগণ ইতোমধ্যে তাদের পছন্দ অনুযায়ী বিকল্প জীবিকা বাস্তবায়ন কার্যক্রম শুরু করে স্বনির্ভর হয়ে উঠছেন।



সহযোগিতামূলক বন ব্যবস্থাপনা কার্যক্রম

সুফল ইনোভেশন গ্রান্টস:

প্রকল্পের ইনোভেশন গ্রান্টস ম্যানুয়েল (আইজিএম) বিশ্ব-ব্যাংকের সম্মতির বিষয়টি বিগত ২৫ আগস্ট ২০২১ তারিখে ইআরডি কর্তৃক জানানো হয়েছে। প্রথম রাউন্ডে নির্বাচিত ১০ টির মধ্যে ০৮টি গবেষণা কার্যক্রম চলমান রয়েছে। দ্বিতীয় রাউন্ডে ৯০ টি গবেষণা প্রস্তাব পাওয়া গিয়েছে এবং তন্মধ্যে ১৫ টি প্রস্তাব চূড়ান্তভাবে নির্বাচিত হয়েছে এবং এতদসংশ্লিষ্ট ১৫ টি গবেষণা কার্যক্রম চলমান রয়েছে। তৃতীয় রাউন্ডে প্রাপ্ত ৩৯টির মধ্যে ১১টি গবেষণা প্রস্তাব চূড়ান্তভাবে নির্বাচিত হয়েছে এবং কার্যক্রম চলমান রয়েছে।



পরিশোধ পদ্ধতি নির্ধারণ:

তিনটি রক্ষিত এলাকায় (১) মধুপুর জাতীয় উদ্যান, (২) রামগড়-সীতাকুন্ড রিজার্ভ ফরেস্ট ও (৩) টেকনাফ বন্যপ্রাণী অভয়ারণ্যে ইকোসিস্টেম সার্ভিস ভ্যালুয়েশন (ওয়েল্থ একাউন্টিং) ও ইকোসিস্টেম পরিষেবার জন্য মূল্য পরিশোধ পদ্ধতি নির্ধারণ কার্যক্রম চলমান রয়েছে। এ কাজে সহায়তা করার জন্য Ernest & Young (EY) LLP (লিড) এবং The Energy & Resource Institute (TERI) নামক ফার্মদ্বয়কে নিয়োগ করা হয়েছে। পরিবেশ, বন ও জলবায়ু পরিবর্তন মন্ত্রণালয়, বন অধিদপ্তর, পরিবেশ অধিদপ্তর, বাংলাদেশ বন গবেষণা ইনস্টিটিউট, বাংলাদেশ ন্যাশনাল হারবেরিয়াম, বাংলাদেশ পরিসংখ্যান ব্যুরো এর কর্মকর্তাগণ এবং বিভিন্ন বিশ্ববিদ্যালয়ের শিক্ষকগণের সমন্বয়ে মোট ১০০ জনকে ইকোসিস্টেম সার্ভিস ভ্যালুয়েশন (ওয়েল্থ একাউন্টিং) ও ইকোসিস্টেম পরিষেবার জন্য মূল্য পরিশোধ পদ্ধতি নির্ধারণ বিষয়ে প্রশিক্ষণ প্রদান করা হয়েছে।

পরিবেশ ও সামাজিক সুরক্ষা কার্যক্রমের অগ্রগতি:

প্রকল্পের পরিবেশগত ও সামাজিক সুরক্ষা কার্যক্রম বাস্তবায়নে পিএমইউ কর্তৃক মনোনীত পরিবেশ সমন্বয়ক কর্মকর্তার সহায়তায় বিভিন্ন বিষয়ে প্রয়োজনীয় ব্যবস্থা গ্রহণ করা হয়েছে। এছাড়া জিআরএম প্রতিষ্ঠার জন্য একটি কমিটি গঠন করা হয়েছে এবং মাঠপর্যায়ে যথাযথ ব্যবস্থা গ্রহণের জন্য বিভাগীয় বন কর্মকর্তাগণকে অনুরোধ জানানো হয়েছে। বনায়ন কাজে পরিবেশগত ও সামাজিক সুরক্ষার বিষয়টি নিশ্চিত করা হয়েছে। এনজিও কর্মীগণকে পরিবেশগত ও সামাজিক সুরক্ষার বিষয়টি অবহিত করা হয়েছে। পূর্তকাজে সকল প্যাকেজের ইএসএমপি স্বাক্ষর করা হয়েছে। সুফল প্রকল্পের এবং বন অধিদপ্তরের খসড়া জেন্ডার একশন প্ল্যান প্রণয়ন করা হয়েছে।

বাংলাদেশের ডলফিন সংরক্ষণে গৃহীত পদক্ষেপ সমূহ

দেশের জলজ জীববৈচিত্র্য, বিশেষ করে ডলফিন সংরক্ষণের টেকসই ব্যবস্থাপনার লক্ষ্যে বেশ কিছু উল্লেখযোগ্য পদক্ষেপ গ্রহণ করা হয়েছে। এর মধ্যে প্রধান প্রধান কার্যক্রমগুলো হলো:

- ১। বাংলাদেশের বিদ্যমান ছয়টি ডলফিন অভয়ারণ্যের সাথে সুন্দরবনের ডলফিনের হটস্পট গুলো চিহ্নিত করে নতুন তিনটি রক্ষিত এলাকা ঘোষণা করা হয়েছে। ডলফিনের জন্য ঘোষিত বাংলাদেশের মোট নয়টি রক্ষিত এলাকা হলো:

ক্রমিক	রক্ষিত এলাকার নাম	অবস্থান	আয়তন (হেক্টর)
১.	দুধমুখী বন্যপ্রাণী অভয়ারণ্য (ডলফিন)	সুন্দরবন	১৭০
২.	চাঁদপাই বন্যপ্রাণী অভয়ারণ্য (ডলফিন)	সুন্দরবন	৫৬০
৩.	ঢাংমারী বন্যপ্রাণী অভয়ারণ্য (ডলফিন)	সুন্দরবন	৩৪০
৪.	নাজিরগঞ্জ বন্যপ্রাণী অভয়ারণ্য (ডলফিন)	পাবনা	১৪৬
৫.	শিলন্দা-নাগডেমরা বন্যপ্রাণী অভয়ারণ্য (ডলফিন)	পাবনা	২৪.১৭
৬.	নগরবাড়ি-মোহনগঞ্জ বন্যপ্রাণী অভয়ারণ্য (ডলফিন)	পাবনা	৪০৮.১১
৭.	পানখালী বন্যপ্রাণী অভয়ারণ্য (ডলফিন)	সুন্দরবন	৪০৪
৮.	শিবসা বন্যপ্রাণী অভয়ারণ্য (ডলফিন)	সুন্দরবন	২১৫৫
৯.	ভদ্রা বন্যপ্রাণী অভয়ারণ্য (ডলফিন)	সুন্দরবন	৮৪৮
	মোট		৫০৭৫.২৮

- ২। ডলফিনের গবেষণা ঘাটতি বিশ্লেষণ এবং আবাসস্থল সংরক্ষণ সম্পর্কিত প্রয়োজনীয় সকল তথ্যাবলী সংগ্রহ, সংরক্ষণ ও ব্যবহারের ব্যবস্থা করা হয়েছে।
- ৩। হালদা নদীতে ডলফিনের সংখ্যা নির্ণয় এবং ব্যবস্থাপনা পরিকল্পনা প্রণয়ন করা হয়েছে।
- ৪। সমাজ ভিত্তিক সম্পদ ব্যবহার ও কার্যকরী ব্যবস্থাপনা পরিকল্পনা প্রণয়ন, উন্নয়ন ও তার বাস্তবিক প্রয়োগ নিশ্চিত করা হয়েছে।

ট্রাফিকিং এর জন্য গাইডলাইন প্রণয়ন করা হয়েছে।

- ৬। ডলফিন এ্যাকশন প্ল্যান এবং সমগ্র বাংলাদেশের জন্য এটলাস প্রস্তুত করা হয়েছে।
- ৭। ডলফিন সংরক্ষণের জন্য ৭০ (সত্তর) জন সদস্য বিশিষ্ট ০৭ (সাতটি) ডলফিন কনজারভেশন দল গঠন করা হয়েছে।
- ৮। মৎস্য সম্পদের উপর নির্ভরশীল ১০০০ (এক হাজার) টি পরিবারকে প্রশিক্ষণ প্রদান এবং বিকল্প আয় বৃদ্ধিমূলক আর্থিক সহায়তা প্রদান করা হয়েছে এবং প্রত্যেকটি পরিবারকে 'একটি বাড়ি একটি খামার' প্রকল্পের সাথে সংযুক্ত করা হয়েছে।
- ৯। ডলফিন কনজারভেশন দল এবং সংশ্লিষ্ট বন কর্মীদের যথাযথ প্রশিক্ষণ প্রদান করা হয়েছে। এছাড়াও ডলফিন মেলা আয়োজন সহ বিভিন্ন স্কুল-কলেজ এবং কমিউনিটিতে ডলফিন সম্পর্কিত সচেতনতামূলক কার্যক্রম পরিচালনা করা হয়েছে।
- ১০। ডলফিন সহ অন্যান্য জলজ বন্যপ্রাণী সংরক্ষণের জন্য Integrated Management Plan for the Swatch-of-no-ground Marine Protected area (২০২৩-২০৩২) প্রণয়ন করা হয়েছে।

উপর্যুক্ত কার্যক্রম সমূহ সফলতার সাথে সম্পন্ন করার ফলে সুন্দরবনে ডলফিনের সংখ্যা উল্লেখযোগ্য হারে বৃদ্ধি পেয়েছে। সুন্দরবনের তিনটি অভয়ারণ্য (ঢাংমারী, দুধমুখি ও চাঁদপাই)-তে এই বৃদ্ধির হার ৫৫%; যা দেশের ডলফিন সংরক্ষণের ক্ষেত্রে একটি মাইলফলক হিসেবে কাজ করবে।



চিত্র : শুভক বা গাঙ্গেয় ডলফিন

সুন্দরবনের বাঘ শুমারী

USAID এর আর্থিক সহায়তায় Bengal Tiger Conservation Activity (BAGH) প্রকল্পের আওতায় দ্বিতীয় পর্যায়ে সুন্দরবনে ক্যামেরা ট্র্যাপিং এর মাধ্যমে বাঘ গণনার কার্যক্রম শুরু করা হয়। ১ ডিসেম্বর ২০১৬ সাল থেকে শুরু করে ২৪ এপ্রিল ২০১৮ সাল পর্যন্ত চারটি ধাপে সুন্দরবনের সাতক্ষীরা, খুলনা ও শরণখোলা রেঞ্জের তিনটি ব্লকের ১,৬৫৬ বর্গ কিঃ মিঃ এলাকায় বিশেষ এক ধরনের ক্যামেরা ব্যবহার করে জরিপ কার্যক্রম পরিচালনা করা হয়। মোট ২৪৯ দিনব্যাপী পরিচালিত এ জরিপ কার্যক্রমে ৬৩টি পূর্ণবয়স্ক বাঘ, ৪টি জুভেনাইল বাঘ এবং ৫টি অপ্রাপ্ত বয়স্ক বাঘের সর্বমোট ২৪৬৬টি ছবি পাওয়া যায়। SERC মডেলে তথ্য বিশ্লেষণ করে সুন্দরবনের প্রতি ১০০ বর্গ কিঃ মিঃ এলাকায় বাঘের আপেক্ষিক ঘনত্ব পাওয়া যায় ২.৫৫±০.৩২। সুন্দরবনে বাঘের বিচরণ ক্ষেত্র ৪,৪৬৪ কিঃ মিঃ এলাকাকে আপেক্ষিক ঘনত্ব দিয়ে গুন করে বাঘের সংখ্যা হিসাব করা হয়েছে ১১৪টি। এ হিসেব অনুযায়ী ২০১৮ সালের জরিপে সুন্দরবনে বাঘের সংখ্যা শতকরা ৮ ভাগ বৃদ্ধি পেয়েছে। ব্লক অনুযায়ী বাঘের ঘনত্ব বিশ্লেষণ করে দেখা যায় যে, শরণখোলা রেঞ্জে বাঘের ঘনত্ব সবচেয়ে বেশী (৩.৩৩ বাঘ/১০০ বর্গ কিঃ মিঃ) এবং খুলনা রেঞ্জে বাঘের ঘনত্ব সবচেয়ে কম (১.২১ বাঘ/১০০ বর্গ কিঃ মিঃ)।

২০১৫ সালে সুন্দরবনে ক্যামেরা ট্র্যাপিং এর মাধ্যমে প্রথমবারের মত বাঘ গণনার কার্যক্রম শুরু করা হয়েছিল। সে হিসেব অনুযায়ী বাঘের ঘনত্ব ছিল প্রতি ১০০ বর্গ কিঃ মিঃ এ ২.১৭টি এবং মোট বাঘের সংখ্যা ছিল ১০৬টি।

বাংলাদেশ সরকারের অর্থায়নে সুন্দরবন বাঘ সংরক্ষণ প্রকল্প (২০২২-২০২৫) এর আওতায় তৃতীয় পর্যায়ে সুন্দরবনে ক্যামেরা ট্র্যাপিং এর মাধ্যমে বাঘ গণনার কার্যক্রম শুরু করা হয়। মাননীয় পরিকল্পনা মন্ত্রী কর্তৃক ০৩ মার্চ, ২০২২খ্রিঃ তারিখে সুন্দরবন বাঘ সংরক্ষণ প্রকল্পটি অনুমোদিত হয়েছে। ২০২৩ খ্রিঃ উক্ত প্রকল্পের অধীন তৃতীয় পর্যায়ে সুন্দরবনে ক্যামেরা ট্র্যাপিং প্রকৃতিতে বাঘ গণনা কার্যক্রম শুরু করা হয়।



ক্যামেরা ট্র্যাপিং এর মাধ্যমে প্রাপ্ত বাঘের ছবি

বন অধিদপ্তরের সেবা প্রদান প্রতিশ্রুতি

সেবা প্রদান প্রতিশ্রুতি বা (Citizen Charter) হলো সেবাপ্রার্থীতা (নাগরিক) এবং সেবাদাতার (বাংলাদেশ সরকার) মধ্যকার একটি চুক্তি (Agreement) যেখানে সেবা প্রদান সংক্রান্ত যাবতীয় বিবরণ ও নির্দেশনা বিদ্যমান থাকে। এই সেবা প্রদান প্রতিশ্রুতি সেবা প্রক্রিয়ার মাধ্যমে স্বচ্ছতা ও শৃঙ্খলা আনয়ন করে। তাছাড়া, সেবা সংক্রান্ত তথ্য নাগরিকদের নিকট সহজলভ্য করে, সেবা কার্যক্রমে নাগরিকদের অংশীদারিত্ব বৃদ্ধি করে ও সরকারি কর্মকর্তা/কর্মচারীদের জবাবদিহিতা নিশ্চিত করতে গুরুত্বপূর্ণ ভূমিকা পালন করে। সেবা প্রদান প্রতিশ্রুতি (সিটিজেন চার্টার) প্রণয়ন সংক্রান্ত নির্দেশিকা, ২০১৭ অনুসরণ করত: মন্ত্রিপরিষদ বিভাগের নির্ধারিত ফরমেট অনুযায়ী সেবা প্রদান প্রতিশ্রুতি সংক্রান্ত তথ্য প্রস্তুত পূর্বক স্ব-স্ব দপ্তরের ওয়েব সাইটে আপলোড করা হয়। নির্ধারিত সময়ের মধ্যে নির্ধারিত খরচে নির্বিশেষে নাগরিক, প্রাতিষ্ঠানিক ও অভ্যন্তরীণ সেবা প্রাপ্তি নিশ্চিত করা হলো সেবা প্রদান প্রতিশ্রুতির মূল লক্ষ্য। সিটিজেন চার্টারে সেবার নাম, সেবা প্রদানের সময়সীমা, আবেদন পদ্ধতি, প্রয়োজনীয় কাগজপত্র ও অন্যান্য প্রাসঙ্গিক তথ্য লিপিবদ্ধ থাকে। ত্রৈমাসিক ভিত্তিতে বন অধিদপ্তরের সেবা প্রদান প্রতিশ্রুতি বাস্তবায়ন অগ্রগতি পরিবীক্ষণ করা হয় ও তদানুযায়ী এটি হালনাগাদ করা হয়। সেবার মান সম্পর্কে সেবাপ্রার্থীদের মতামত পরিবীক্ষণের জন্য ত্রৈমাসিক ভিত্তিতে স্টেকহোল্ডারদের সাথে সভা আয়োজন করা হয়। এর মাধ্যমে সেবা প্রদান ব্যবস্থার উন্নতি সম্পর্কে মূল্যায়নের সুযোগ তৈরী হয়েছে। সেবা প্রদান প্রতিশ্রুতি সম্পর্কে বন অধিদপ্তরের কর্মকর্তা/কর্মচারীদের সচেতনতা ও দক্ষতা বৃদ্ধি করার জন্য নিয়মিত প্রশিক্ষণ/কর্মশালা আয়োজনের ব্যবস্থা গ্রহণ করা হয়।

বন অধিদপ্তরের অভিযোগ প্রতিকার ব্যবস্থা

গণপ্রজাতন্ত্রী বাংলাদেশের সংবিধানের ২১ (২) অনুচ্ছেদে বলা হয়েছে যে, “সকল সময়ে জনগণের সেবা করিবার চেষ্টা করা প্রজাতন্ত্রের কর্মে নিযুক্ত প্রত্যেক ব্যক্তির কর্তব্য”। সেবার মান বৃদ্ধির জন্য প্রয়োজন জনসেবা প্রদানকারী দপ্তরসমূহের কার্যক্রমের স্বচ্ছতা ও দায়বদ্ধতা। এতদুদ্দেশ্যে অভিযোগ প্রতিকার ব্যবস্থাপনা (Grievance Redress System-GRS) একটি কার্যকর পদ্ধতি হিসাবে বিশ্বের বিভিন্ন দেশে ব্যবহৃত হচ্ছে। তারই ধারাবাহিকতায় বাংলাদেশেও অভিযোগ প্রতিকার ব্যবস্থাপনা সংক্রান্ত নির্দেশিকা, ২০১৫ প্রণয়ন করা হয় এবং মন্ত্রিপরিষদ বিভাগ কর্তৃক ২০১৫ সালে বাংলা ও ইংরেজী ভাষায় প্রবর্তিত জিআরএস ওয়েবসাইট (www.grs.gov.bd) জনসাধারণের জন্য উন্মুক্ত করা হয়। মন্ত্রিপরিষদ বিভাগ এর নির্দেশনায় বর্ণিত নির্দেশিকা অনুসরণে বিভিন্ন মন্ত্রণালয়/বিভাগ/দপ্তর/সংস্থা/মাঠপ্রশাসনের দপ্তরসমূহ কার্যক্রম শুরু করেন। একই সাথে বন অধিদপ্তরও অনলাইন এবং অফলাইনের মাধ্যমে অভিযোগ গ্রহণ ও নিষ্পত্তি কার্যক্রম পরিচালনা করে আসছেন। উল্লেখ্য যে, ২০২১-২০২২ অর্থ বছরে অনলাইনে প্রাপ্ত অভিযোগের সংখ্যা ৮২ টি নিষ্পত্তিকৃত ১৫ টি অনিষ্পন্ন ৬৭ টি এবং অফলাইনে প্রাপ্ত অভিযোগের সংখ্যা ১৫২ টি নিষ্পত্তিকৃত ১৩৮ টি অনিষ্পন্ন ১৪ টি।

২০২২-২০২৩ অর্থ বছরে অনলাইনে প্রাপ্ত অভিযোগের সংখ্যা ৪৭ টি নিষ্পত্তিকৃত ৪১ টি অনিষ্পন্ন ৬ টি এবং অফলাইনে প্রাপ্ত অভিযোগের সংখ্যা ২১ টি নিষ্পত্তিকৃত ১৮ টি অনিষ্পন্ন ৩ টি অভিযোগ। ২০২৩-২০২৪ অর্থ বছরে অনলাইনে প্রাপ্ত অভিযোগের সংখ্যা ১৬১ টি নিষ্পত্তিকৃত ১৪১ টি অনিষ্পন্ন ২১ টি এবং অফলাইনে প্রাপ্ত অভিযোগের সংখ্যা ৪ টি নিষ্পত্তিকৃত ৪ টি অভিযোগ। এছাড়াও অভিযোগ প্রতিকার ব্যবস্থাপনা সংক্রান্ত প্রশিক্ষণ, সভা, কর্মশালা, অভিযোগ পরিবীক্ষণ, মূল্যায়ন, মাঠ পর্যায়ে পরিদর্শন ও মন্ত্রণালয়ে প্রতিবেদন প্রেরণসহ সকল কার্যক্রম চলমান রয়েছে। এর মাধ্যমে দেশের সাধারণ জনগণ অভিযোগ দাখিল করতে ও সেবা নিতে পারছে।

জাতীয় শুদ্ধাচার কৌশল

পরিবেশ, বন ও জলবায়ু পরিবর্তন মন্ত্রণালয়ের নির্দেশনা মোতাবেক জাতীয় শুদ্ধাচার কৌশল বাস্তবায়ন করার নিমিত্ত বন অধিদপ্তরে ২০২১-২০২২ অর্থ বছরের জন্য কর্মপরিকল্পনা ও অগ্রগতি পরিবীক্ষণ কাঠামো তৈরী পূর্বক যথাযথ বাস্তবায়ন করা হয়েছে। ২০২২-২০২৩ অর্থ বছরে জাতীয় শুদ্ধাচার কৌশল বাস্তবায়নের জন্য প্রধান বন সংরক্ষকের দপ্তর, বন সংরক্ষকগণের দপ্তর এবং বিভাগীয় বন কর্মকর্তাগণের দপ্তরে নৈতিকতা কমিটি গঠন করা হয়েছে। নৈতিকতা কমিটি এবং অংশীজনের মিটিং নিয়মিতভাবে অনুষ্ঠিত হচ্ছে। নৈতিকতা কমিটিতে গৃহীত সিদ্ধান্ত যথাযথভাবে বাস্তবায়ন করা হচ্ছে। সেবা প্রত্যাশী নাগরিকদের নিকট বন ও বন্যপ্রাণী বিষয়ক তথ্যাদি উপস্থাপনের জন্য বন অধিদপ্তরের প্রবেশ মুখে ডিজিটাল ডিসপ্লে এবং দর্শনাধীর্দের জন্য আধুনিক মানের অপেক্ষাগার স্থাপন করা হয়েছে। এছাড়া মহিলা কর্মকর্তা/কর্মচারীদের জন্য পৃথক নামাজের ব্যবস্থাসহ শিশুদের জন্য মানসম্মত বিনোদন সম্বলিত ডে-কেয়ারের ব্যবস্থা করা হয়েছে। সিটিজেন চার্টারে উল্লেখিত প্রদেয় সেবা সহজীকরণ এবং সেবার মান বৃদ্ধি করার জন্য প্রধান বন সংরক্ষক মহোদয়ের সঙ্গে অংশীজনের অংশ গ্রহণে নিয়মিতভাবে গণশুনানি অনুষ্ঠিত হচ্ছে। এছাড়া ইনোভেশন এর দ্বারা বিভিন্ন সেবাকে সহজীকরণ করা হচ্ছে। সামাজিক বনায়নে অংশগ্রহণকারী উপকারভোগীদেরকে বনায়নের লভ্যাংশের চেক অনলাইনে প্রদান করা হচ্ছে এবং উপকারভোগীদের ডাটাবেস সম্বলিত অ্যাপস তৈরী কার্যক্রম চলমান রয়েছে।

সুশাসন প্রতিষ্ঠার মাধ্যমে বন অধিদপ্তরসহ এর আওতাধীন বন সংরক্ষক এবং বিভাগীয় বন কর্মকর্তাগণের দপ্তরে কর্মকর্তা/কর্মচারীদের যথাসময়ে কর্মস্থলে উপস্থিতি নিশ্চিত করা হয়েছে। বন কর্মকর্তা/কর্মচারীদের দক্ষতা বৃদ্ধির জন্য নিয়মিতভাবে চাকুরি, প্রাতিষ্ঠানিক ব্যবস্থা উন্নয়ন, আর্থিক ব্যবস্থাপনা উন্নয়ন এবং সুশাসন সংক্রান্ত প্রশিক্ষণের আয়োজন করা হয়েছে।

নৈতিকতা কমিটির সিদ্ধান্ত মোতাবেক উত্তোলিত বন বাগানে চারার প্রজাতির বৈচিত্র্য রক্ষা এবং গুণগতমান রক্ষাসহ বনভূমিতে জবরদখল প্রতিরোধ নিশ্চিত করার লক্ষ্যে বন অধিদপ্তরের উর্ধ্বতন কর্মকর্তাদের মাধ্যমে পরিদর্শন নিশ্চিত করা হয়েছে। শুদ্ধাচার সংশ্লিষ্ট এবং দুর্নীতি প্রতিরোধে সহায়ক বিভিন্ন কার্যক্রম, যেমন-সরকারি যানবাহনের যথাযথ ব্যবহার নিশ্চিতকরণ, ড্রোন দ্বারা সংরক্ষিত বনাঞ্চলের পাহারা জোরদারকরণ, উদ্ভিদ উদ্যানসমূহের পরিবেশ সুন্দর ও দৃশ্যমুগ্ধ রাখার জন্য পরিষ্কার পরিচ্ছন্নতা অভিযান, চারা বিক্রয় ও বিতরণ কার্যক্রম নিয়মিত মনিটরিং ইত্যাদি গ্রহণ করা হয়েছে। জাতীয় শুদ্ধাচার কৌশল বাস্তবায়নের জন্য শুদ্ধাচার পুরস্কার প্রদান (সংশোধন) নীতিমালা, ২০২১ অনুযায়ী বাছাই কমিটি গঠন করা হয়েছে। বর্ণিত নীতিমালার আলোকে বন অধিদপ্তরসহ এর আওতাধীন মাঠপর্যায়ের আঞ্চলিক কার্যালয়ে নিয়োজিত কর্মকর্তা/কর্মচারীদের উদ্ভাবনী কাজ ও ভাল কাজে উৎসাহিত করার লক্ষ্যে ২০২২-২০২৩ আর্থিক সালের জন্য শুদ্ধাচার পুরস্কার প্রদান করা হয়েছে।



উদ্ভাচর কৌশল কর্মপরিকল্পনার অন্তর্ভুক্ত আর্থিক ব্যবস্থাপনা উন্নয়নের লক্ষ্যে বাজেট প্রণয়ন, বাস্তবায়ন ও আর্থিক ব্যবস্থাপনা বিষয়ক প্রশিক্ষণ।

ই-গভর্ন্যান্স ও উদ্ভাবন কার্যক্রম:

- বন অধিদপ্তরের বাস্তবায়িত উদ্ভাবনী ধারণা, সহজিকৃত ও ডিজিটাইজকৃত সেবার তথ্যাদি
- সামাজিক বনায়নে সম্পূর্ণ উপকারভোগীদের মাঝে লভ্যাংশের চেক অন-লাইনে বিতরণ।
- নার্সারী ম্যানেজমেন্ট সিস্টেম (এনএমএস) এর মাধ্যমে চারা উত্তোলন ও বিক্রয়/বিতরণ পদ্ধতি সহজিকরণ।
- সুন্দরবনে অপ্রধান বনজীব্য আহরণের জন্য বোট লাইসেন্স সার্টিফিকেট (বিএলসি) প্রাপ্তি সহজিকরণ।
- সুন্দরবনে ইকোট্যুরিজম স্পটসমূহ ভ্রমণে ই-টিকেটিং চালুকরণ।
- সামাজিক বনায়নে স্মার্ট ব্যবস্থাপনা।
- সামাজিক বনায়নের নির্বাচিত উপকারভোগী এবং অন্যান্য পক্ষগণের মধ্যে চুক্তিনামা সম্পাদন ও হস্তান্তর প্রক্রিয়া সহজিকরণ।
- বন অধিদপ্তরের ইকোট্যুরিজম সাইট ও নার্সারীর তথ্যাদি সম্বলিত অ্যাপ চালুকরণ।
- অনলাইনের মাধ্যমে ভাওয়াল জাতীয় উদ্যানের রেস্টহাউজসমূহ বুকিং।
- উদ্ভাবনী উদ্যোগ হিসাবে বন্যপ্রাণী চলাচলের জন্য ক্যানোপী ব্রীজ নির্মাণ।
- ডিজিটাল প্রকাশনা হিসাবে অরণ্য বার্তা প্রকাশ।
- বন অধিদপ্তরের সকল বনভূমির গেজেট সংগ্রহপূর্বক বন বিভাগওয়ারী ওয়েব-সাইটে প্রকাশ।

অন্যান্য কার্যকর এলাকা-ভিত্তিক সংরক্ষণ ব্যবস্থা (OECM)

Other Effective area-based Conservation Measures এর সংক্ষিপ্ত রূপ OECM। যার বাংলা অর্থ "অন্যান্য কার্যকর এলাকা-ভিত্তিক সংরক্ষণ ব্যবস্থা"। OECM এর এজেন্ডা হল একটি বৈশ্বিক উদ্যোগ যার লক্ষ্য আনুষ্ঠানিক রক্ষিত এলাকার বাইরে জীববৈচিত্র্য এবং বাস্তুতন্ত্রের সংরক্ষণ এবং এর এজেন্ডার লক্ষ্যগুলি হল সংরক্ষণ নেটওয়ার্কে গুরুত্বপূর্ণ জীববৈচিত্র্য এবং বাস্তুতন্ত্রের প্রতিনিধিত্ব বৃদ্ধি করা, রক্ষিত এলাকা এবং অন্যান্য সংরক্ষণ এলাকার মধ্যে সংযোগ বৃদ্ধি করা এবং স্থানীয় সম্প্রদায়গুলিতে প্রাকৃতিক সম্পদের সংরক্ষণ এবং টেকসই ব্যবহারের অনুপ্রাণিত করা। OECM এজেন্ডার লক্ষ্যগুলির মধ্যে রয়েছে উল্লেখযোগ্য সংখ্যক OECM-এর প্রতিষ্ঠা এবং কার্যকর ব্যবস্থাপনা, সেইসাথে সরকার এবং সংরক্ষণ সংস্থাগুলির দ্বারা এই অঞ্চলগুলিকে স্বীকৃত, পর্যবেক্ষণ করা এবং রিপোর্ট প্রদান নিশ্চিত করা। বাংলাদেশে বন বিভাগ সক্রিয়ভাবে OECM প্রতিষ্ঠা ও পরিচালনার জন্য কাজ করছে, যেমন সম্প্রদায়-পরিচালিত বন বা কমিউনিটি ম্যানেজড ফরেস্ট এবং ইকো-পার্ক। OECM কৌশল গ্রহণ এর মাধ্যমে বাংলাদেশ বন বিভাগ জীববৈচিত্র্য ও বাস্তুতন্ত্র রক্ষার বৈশ্বিক প্রচেষ্টায় অবদান রাখছে।

বন সংরক্ষণ ও ব্যবস্থাপনায় জাতীয় ও আন্তর্জাতিক পুরস্কার

জাতীয় পুরস্কার:

বৃক্ষরোপণে বিশেষ অবদান এবং বন্যপ্রাণী সংরক্ষণে বিশেষ অবদানের জন্য বাংলাদেশ সরকার কর্তৃক নিম্নলিখিত পুরস্কার প্রদান করা হয়ে থাকে:

- ১। বৃক্ষরোপণে প্রধানমন্ত্রীর জাতীয় পুরস্কার।
- ২। বঙ্গবন্ধু এওয়ার্ড ফর ওয়াইল্ড লাইফ কনজারভেশন পুরস্কার।

আন্তর্জাতিক পুরস্কার:

বন সংরক্ষণ ও সহব্যবস্থাপনায় সাফল্যের স্বীকৃতি স্বরূপ বন বিভাগ বিভিন্ন আন্তর্জাতিক পুরস্কার অর্জন করেছে। যথা:

- UN declared Equitor Award 2012
- Wangiri Mathai Award 2012
- SW Earth Care Award 2012
- Solution Search 2013
- HSBC-Daily Star Climate Award
- Champion of the Earth 2015

বৃক্ষরোপণে প্রধানমন্ত্রীর জাতীয় পুরস্কার

বাংলাদেশের প্রকৃতি ও প্রতিবেশ সংরক্ষণে অভ্যন্তরীণ সম্পদ বৃদ্ধি এবং নতুন কর্মসংস্থানের সুযোগ সৃষ্টিতে বৃক্ষরোপণ অভিযানের গুরুত্ব অনুধাবন করে মাননীয় প্রধানমন্ত্রী 'বৃক্ষরোপণ' কে অগ্রাধিকার প্রদান করেছেন। এরই ধারাবাহিকতায় বৃক্ষরোপণ অভিযানকে একটি টেকসই স্বতঃস্ফূর্ত কার্যক্রমে পরিণত করার উদ্দেশ্যে সংশ্লিষ্ট সকলকে অনুপ্রাণিত ও সম্পূর্ণ করার লক্ষ্যে নব্বই দশক হতে বৃক্ষরোপণে যারা বিশেষ অবদান রাখেন তাঁদেরকে "বৃক্ষরোপণে প্রধানমন্ত্রীর জাতীয় পুরস্কার" প্রদান করা হয়ে থাকে।

"বৃক্ষরোপণে প্রধানমন্ত্রীর জাতীয় পুরস্কার" কে আরো প্রতিযোগিতামূলক, উৎসাহবাজক এবং অধিক সংখ্যক জনসাধারণকে সম্পূর্ণ করার লক্ষ্যে পরিবেশ, বন ও জলবায়ু পরিবর্তন মন্ত্রণালয় কর্তৃক ২০০৪ খ্রিষ্টাব্দে একটি নীতিমালা প্রণয়ন করা হয় এবং উক্ত নীতিমালাটি ২০০৫ খ্রিষ্টাব্দে সংশোধন করে ১৬টি শ্রেণিতে জাতীয় পুরস্কার প্রদানের সংস্থান রাখা হয়। পরবর্তীতে ২০১৩ খ্রিষ্টাব্দে নীতিমালাটি পুনঃ সংশোধন পূর্বক ১৬টি শ্রেণির পরিবর্তে ১০টি শ্রেণিতে জাতীয় পুরস্কার প্রদানের সংস্থান রাখা হয়। পরবর্তীতে "বৃক্ষরোপণে প্রধানমন্ত্রীর জাতীয় পুরস্কার প্রদানের নীতিমালা (সংশোধনী)- ২০২১" প্রণয়ন পূর্বক ১০টি শ্রেণির পরিবর্তে ০৭টি শ্রেণিতে পুরস্কার প্রদানসহ পুরস্কারের অর্থ পুনঃ নির্ধারণ করা হয়। পুরস্কারের অর্থের পরিমাণ, প্রথম পুরস্কার- ১,০০,০০০/- (এক লক্ষ টাকা), দ্বিতীয় পুরস্কার-৭৫,০০০/- (পঁচাত্তর হাজার টাকা) ও তৃতীয় পুরস্কার-৫০,০০০/- (পঞ্চাশ হাজার টাকা) নির্ধারণ করা হয়।

বঙ্গবন্ধু এওয়ার্ড ফর ওয়াইল্ডলাইফ কনজারভেশন

বাংলাদেশ বন্যপ্রাণী সংরক্ষণের জন্য বিভিন্ন আন্তর্জাতিক চুক্তি ও প্রোটোকলে স্বাক্ষরদাতা দেশ। প্রকৃতি ও বন্যপ্রাণী সংরক্ষণবাদী সংস্থা ও ব্যক্তিকে জাতীয়ভাবে উৎসাহিত করার লক্ষ্যে "বঙ্গবন্ধু এওয়ার্ড ফর ওয়াইল্ডলাইফ কনজারভেশন" প্রবর্তন করা হয়েছে। এ বছর মোট ৩টি পুরস্কার প্রদান করা হবে। প্রত্যেক ব্যক্তি বা প্রতিষ্ঠানকে একটি ২ ভরি (২৩.৩২ গ্রাম) ওজনের স্বর্ণপদক, সনদপত্র ও ৫০,০০০ (পঞ্চাশ হাজার) টাকা প্রদান করা হবে। পুরস্কারের অর্থ একাউন্ট পেয়ী চেকের মাধ্যমে প্রদান করা হয়।

২০১০ সাল হতে বন্যপ্রাণী বিষয়ক শিক্ষা, গবেষণা ও সংরক্ষণ কাজে নিয়োজিত প্রতিষ্ঠান, বন ও বন্যপ্রাণী সংরক্ষণ কাজে নিয়োজিত কর্মকর্তা, খ্যাতিমান গবেষক, বিজ্ঞানী, বন্যপ্রাণী সংরক্ষণবাদী ব্যক্তি ও সাংবাদিক, বন্যপ্রাণী সংরক্ষণে গণসচেতনতা সৃষ্টির লক্ষ্যে প্রচার ও প্রকাশনা এবং নিবেদিত প্রাণ ব্যক্তিদেরকে সরকার এই মর্যাদাপূর্ণ পুরস্কারে ভূষিত করেন। ২০১০ সাল হতে ২০২২ সাল পর্যন্ত নিম্নোক্ত ৩টি ক্যাটাগরিতে সর্বমোট ৪০ ব্যক্তি/প্রতিষ্ঠানকে পুরস্কার প্রদান করা হয়েছে।

ক. বন্যপ্রাণী সংরক্ষণ কাজে নিয়োজিত কর্মকর্তা, খ্যাতিমান গবেষক, বিজ্ঞানী, বন্যপ্রাণী সংরক্ষণবাদী ব্যক্তি ও গণমাধ্যম কর্মী/ব্যক্তিত্ব;

খ. বন্যপ্রাণী বিষয়ক শিক্ষা ও গবেষণা এবং

গ. বন্যপ্রাণী সংরক্ষণে নিবেদিত প্রতিষ্ঠান।

২০২৩ সালে পুরস্কার প্রাপ্ত ব্যক্তি ও প্রতিষ্ঠান

ক্রমিক নং	ক্যাটাগরি	পুরস্কার প্রাপ্ত ব্যক্তি ও প্রতিষ্ঠান
ক.	বন্যপ্রাণী সংরক্ষণ কাজে নিয়োজিত কর্মকর্তা, খ্যাতিমান গবেষক, বিজ্ঞানী, বন্যপ্রাণী সংরক্ষণবাদী ব্যক্তি ও গণমাধ্যম কর্মী/ ব্যক্তিত্ব;	জনাব মোঃ আবু সাইদ ৮৪৭ পূর্ব কাজীপাড়া, কাফরুল, মিরপুর, ঢাকা জনাব মোঃ জহির রায়হান গ্রামঃ রামনগর, পো. অফিসঃ নগরবাথান উপজেলা ও জেলাঃ ঝিনাইদহ।
খ.	বন্যপ্রাণী বিষয়ক শিক্ষা ও গবেষণা	ড. মোহাম্মদ আবদুল আজিজ অধ্যাপক, প্রাণিবিদ্যা বিভাগ, জাহাঙ্গীরনগর বিশ্ববিদ্যালয়, সাভার, ঢাকা।
গ.	বন্যপ্রাণী সংরক্ষণে নিবেদিত প্রতিষ্ঠান	ওয়াইল্ডলাইফ কনজারভেশন সোসাইটি (ডব্লিউসিএস) বাংলাদেশ, ধানমন্ডি, ঢাকা।

২০২৪ সালে পুরস্কার প্রাপ্ত ব্যক্তি ও প্রতিষ্ঠান

ক্রমিক নং	ক্যাটাগরি	পুরস্কার প্রাপ্ত ব্যক্তি ও প্রতিষ্ঠান
ক.	বন্যপ্রাণী সংরক্ষণ কাজে নিয়োজিত কর্মকর্তা, খ্যাতিমান গবেষক, বিজ্ঞানী, বন্যপ্রাণী সংরক্ষণবাদী ব্যক্তি ও গণমাধ্যম কর্মী/ ব্যক্তিত্ব;	জনাব আকাশ কলি দাস গ্রামঃ কৈটোলা, উপজেলাঃ বেড়া, জেলাঃ পাবনা।
খ.	বন্যপ্রাণী বিষয়ক শিক্ষা ও গবেষণা	জনাব মোঃ কামরুল হাসান, পিএইচডি অধ্যাপক, প্রাণিবিদ্যা বিভাগ, জাহাঙ্গীরনগর বিশ্ববিদ্যালয়।
গ.	বন্যপ্রাণী সংরক্ষণে নিবেদিত প্রতিষ্ঠান	জবইবিল জীববৈচিত্র্য সংরক্ষণ ও সমাজ কল্যাণ সংস্থা গ্রামঃ আশুদন্দ, উপজেলাঃ সাপাহার, জেলাঃ নওগাঁ।



বন্যপ্রাণী বিষয়ক শিক্ষা ও গবেষণা কার্যের কৃতিত্বস্বরূপ পুরস্কার নিচ্ছেন জনাব ড. আমিনুজ্জামান মো, সালেহ রেজা
প্রাণিবিদ্যা বিভাগ, জাহাঙ্গীরনগর বিশ্ববিদ্যালয়।

উদযাপিত আন্তর্জাতিক দিবস সমূহ

জাতিসংঘ ও আন্তর্জাতিকভাবে ঘোষিত দিবস উপলক্ষে বিশ্বের অন্যান্য দেশের মতো বাংলাদেশেও বিভিন্ন কর্মসূচি পালন করা হয়। এ দিবসগুলোর উপলক্ষে বন অধিদপ্তর বিভিন্ন কর্মসূচি গ্রহণ করে। দিবসগুলোর তাৎপর্য ও অবদান সম্পর্কে গণসচেতনতা বৃদ্ধির লক্ষ্যে বন বিভাগ বিভিন্ন সমাবেশ, শোভাযাত্রা ও আলোচনা সভার আয়োজন করে থাকে। নিম্নে বন বিভাগে পালনকৃত সংশ্লিষ্ট দিবসের ছবি ও তথ্য দেয়া হল:

আন্তর্জাতিক বন দিবস

২০১২ সালে জাতিসংঘের সাধারণ পরিষদে ২১ মার্চকে আন্তর্জাতিক বন দিবস হিসাবে উদযাপন করার সিদ্ধান্ত গৃহীত হয়। তারই ধারাবাহিকতায় ২০২৪ সালেও বিশ্বব্যাপী আন্তর্জাতিক বন দিবস পালন করা হয়। ২০২৪ সালে আন্তর্জাতিক বন দিবসের প্রতিপাদ্য ছিলো “উদ্ভাবনায় বন, সম্ভাবনায় বন”। বন অধিদপ্তর আন্তর্জাতিক বন দিবস ২০২৪ উদযাপন উপলক্ষে বন ভবন, আগারগাঁওস্থ হৈমন্তী সম্মেলন কক্ষে একটি আলোচনা সভার আয়োজন করে। উক্ত অনুষ্ঠানে প্রধান অতিথি হিসেবে উপস্থিত ছিলেন গণপ্রজাতন্ত্রী বাংলাদেশ সরকারের পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রী জনাব সাবের হোসেন চৌধুরী এমপি; বিশেষ অতিথি হিসেবে উপস্থিত ছিলেন পরিবেশ, বন ও জলবায়ু পরিবর্তন মন্ত্রণালয়ের সচিব ড. ফারহিনা আহমেদ এবং জনাব ইকবাল আব্দুল্লাহ হারুন, অতিরিক্ত সচিব, পরিবেশ, বন ও জলবায়ু পরিবর্তন মন্ত্রণালয়। উক্ত অনুষ্ঠানে সভাপতিত্ব করেন জনাব মোঃ আমীর হোসাইন চৌধুরী, প্রধান বন সংরক্ষক, বন অধিদপ্তর। দিবসটি উপলক্ষে আলোচনা সভার পাশাপাশি শিক্ষার্থীদের নিয়ে গাছ চেনা প্রতিযোগিতার আয়োজন করা হয়।



আন্তর্জাতিক বন দিবস ২০২৪ উদযাপন

বিশ্ব বন্যপ্রাণী দিবস

২০১৩ সালের ২০ ডিসেম্বর জাতিসংঘের সাধারণ পরিষদের ৬৮তম অধিবেশনে ৩ মার্চকে বিশ্ব বন্যপ্রাণী দিবস হিসাবে ঘোষণা করা হয়। তখন থেকে প্রতি বছরই পরিবেশ, বন ও জলবায়ু পরিবর্তন মন্ত্রণালয়ের নেতৃত্বে বন অধিদপ্তর এই দিবসটি পালন করে আসছে। এ উপলক্ষে ২০২৪ সালের ৬ মার্চ বন অধিদপ্তরের হৈমন্তী মিলনায়তনে একটি আলোচনা সভা অনুষ্ঠিত হয়। উক্ত অনুষ্ঠানে প্রধান অতিথি হিসেবে উপস্থিত ছিলেন গণপ্রজাতন্ত্রী বাংলাদেশ সরকারের পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রী জনাব সাবের হোসেন চৌধুরী এমপি; বিশেষ অতিথি হিসেবে উপস্থিত ছিলেন ড. ফারহিনা আহমেদ, সচিব, পরিবেশ, বন ও জলবায়ু পরিবর্তন মন্ত্রণালয়, জনাব ইকবাল আব্দুল্লাহ হারুন, অতিরিক্ত সচিব, পরিবেশ, বন ও জলবায়ু পরিবর্তন মন্ত্রণালয়। এছাড়াও বিশেষ অতিথি হিসেবে আরও উপস্থিত ছিলেন প্রফেসর ড. মোহাম্মদ মোস্তফা ফিরোজ, উপ-উপাচার্য (শিক্ষা), জাহাঙ্গীরনগর বিশ্ববিদ্যালয়। উক্ত অনুষ্ঠানে সভাপতিত্ব করেন জনাব মোঃ আমীর হোসাইন চৌধুরী, প্রধান বন সংরক্ষক, বন অধিদপ্তর। ২০২৪ সালের বন্যপ্রাণী দিবসের প্রতিপাদ্য “মানুষ ও ধরীরির বন্ধন, বন্যপ্রাণী সংরক্ষণে ডিজিটাল উদ্ভাবন”। দিবসটি উপলক্ষে সচেতনতা সৃষ্টির উদ্দেশ্যে শিশুদের নিয়ে চিত্রাঙ্কন প্রতিযোগিতার আয়োজন করা হয়।



বিশ্ব বন্যপ্রাণী দিবস ২০২৪

বিশ্ব বাঘ দিবস

২০১০ সালে রাশিয়ার সেন্ট পিটার্সবার্গে অনুষ্ঠিত বাঘ সমৃদ্ধ ১৩টি দেশের (Tiger Range Country) সরকার প্রধানদের সম্মেলনে বাঘ সংরক্ষণকে বেগবান করার জন্য তৈরি ঘোষণাপত্রের আলোকেই প্রতি বছর ২৯ জুলাই বিশ্ব বাঘ দিবস উদযাপন করা হয়। এরই ধারাবাহিকতায় ২০২৩ সালের ২৯ জুলাই বিশ্ব বাঘ দিবস উদযাপনের লক্ষ্যে বন অধিদপ্তরের হৈমন্তী মিলনায়তনে একটি আলোচনা সভার আয়োজন করা হয়। উক্ত সভায় প্রধান অতিথি হিসাবে উপস্থিত ছিলেন গণপ্রজাতন্ত্রী বাংলাদেশ সরকারের পরিবেশ, বন ও জলবায়ু পরিবর্তন মন্ত্রণালয়ের মাননীয় উপমন্ত্রী, বেগম হাবিবুন নাহার, এমপি। ২০২৩ সালের বিশ্ব বাঘ দিবসের প্রতিপাদ্য নির্ধারণ করা হয়-“বাঘ করি সংরক্ষণ, রক্ষা পাবে সুন্দরবন”।



বিশ্ব বাঘ দিবস ২০২৩

বিশ্ব জলাভূমি দিবস

বিশ্ব জলাভূমি দিবস ২০২৪ উদযাপন উপলক্ষ্যে বন অধিদপ্তর এর হৈমন্তী মিলনায়তনে একটি আলোচনা সভার আয়োজন করে। উক্ত অনুষ্ঠানে প্রধান অতিথি হিসেবে উপস্থিত ছিলেন গণপ্রজাতন্ত্রী বাংলাদেশ সরকারের পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রী জনাব সাবের হোসেন চৌধুরী এমপি; বিশেষ অতিথি অতিথি হিসেবে উপস্থিত ছিলেন ড. ফারহিনা আহমেদ, সচিব, পরিবেশ, বন ও জলবায়ু পরিবর্তন মন্ত্রণালয়। বিশেষ অতিথি হিসেবে আরও উপস্থিত ছিলেন ড. আবদুল হামিদ, মহাপরিচালক, পরিবেশ অধিদপ্তর। উক্ত অনুষ্ঠানে সভাপতিত্ব করেন জনাব মোঃ আমীর হোসাইন চৌধুরী, প্রধান বন সংরক্ষক, বন অধিদপ্তর। বিশ্ব জলাভূমি দিবস ২০২৪ এর প্রতিপাদ্য নির্ধারণ করা হয় “জলাভূমি সংরক্ষণ করি, সুস্থ সুন্দর জীবন গড়ি”। জাতীয়ভাবে ঢাকায় উদযাপনের পাশাপাশি হাকালুকি হাওর সংলগ্ন নিরোদ বিহারী উচ্চ বিদ্যালয়ে একটি আলোচনা সভা আয়োজিত হয়।



বিশ্ব জলাভূমি দিবস ২০২৪

বিভিন্ন আন্তর্জাতিক দিবস

- | | |
|--|---|
| ১. বিশ্ব জলাভূমি দিবস: ২ ফেব্রুয়ারী। | ১০. বিশ্ব হাতি দিবস: ১২ আগস্ট। |
| ২. আন্তর্জাতিক বন দিবস: ২১ মার্চ। | ১১. আন্তর্জাতিক শকুন সচেতনতা দিবস: ৬ সেপ্টেম্বর। |
| ৩. বিশ্ব পানি দিবস: ২২ মার্চ। | ১২. আন্তর্জাতিক ওজোন দিবস: ১৬ সেপ্টেম্বর। |
| ৪. বিশ্ব ঐতিহ্য দিবস: ১৮ এপ্রিল। | ১৩. বিশ্ব নদী দিবস: ২৮ সেপ্টেম্বর। |
| ৫. ধরিত্রী দিবস: ২২ এপ্রিল। | ১৪. বন্যপ্রাণী সংরক্ষণ দিবস: ৪ ডিসেম্বর। |
| ৬. আন্তর্জাতিক জীববৈচিত্র্য দিবস: ২২ মে। | ১৫. বিশ্ব বন্যপ্রাণী দিবস: ৩ মার্চ। |
| ৭. বিশ্ব পরিবেশ দিবস: ৫ জুন। | ১৬. বিশ্ব পরিযায়ী পাখি দিবস: ১০ অক্টোবর। |
| ৮. বিশ্ব সমুদ্র দিবস: ৮ জুন। | ১৭. আন্তর্জাতিক মিঠাপানির উলফিন দিবস: ২৪ অক্টোবর। |
| ৯. বিশ্ব বাঘ দিবস: ২৯ জুলাই। | ১৮. আন্তর্জাতিক কাছিম দিবস: ২৩ মে। |

Central Asian Flyway সম্পর্কিত তথ্য

পরিযায়ী পাখি সম্পর্কিত পৃথিবীতে যে ৯টি Flyway Site Network আছে, তন্মধ্যে Central Asian Flyway (CAF) অন্যতম। Convention on the Conservation of Migratory Species of Wild Animals (CMS) এর আওতায় পরিচালিত Central Asian Flyway সংক্রান্ত কার্যক্রমে ভবিষ্যতে বাংলাদেশের সক্রিয় অংশগ্রহণ নিশ্চিত করার লক্ষ্যে সম্প্রতি Central Asian Flyway কার্যক্রমে দেশের প্রতিনিধিত্ব করতে বন অধিদপ্তর হতে বন সংরক্ষক, বন্যপ্রাণী ও প্রকৃতি সংরক্ষণ অঞ্চল, ঢাকা-কে উক্ত Flyway এর ফোকাল পয়েন্ট হিসেবে মনোনয়ন প্রদান করা হয়েছে।

East Asia Australasian Flyway Partnership (EAAFP) Sites in Bangladesh

পরিযায়ী পাখি (Migratory Birds) প্রতি বছর যে ভৌগোলিক পথে (Geographical Route) এক দেশ থেকে অন্য দেশে বা এক অঞ্চল থেকে অন্য অঞ্চলে নিয়মিত ভাবে পরিভ্রমণ করে থাকে, তাকে উড়ন্ত পথ (Flyways) বলে। পৃথিবীতে ৯টি Flyway Site Network আছে; তন্মধ্যে বাংলাদেশ East Asian- Australasian Flyway (EAAF) ও Central Asian Flyway এর অন্তর্ভুক্ত। East Asian- Australasian Flyway Partnership ৬ নভেম্বর ২০০৬ খ্রি: তারিখে প্রতিষ্ঠিত হয়। EAAFP এর সদরদপ্তর দক্ষিণ কোরিয়ার ইনচিয়নে অবস্থিত। EAAFP এর বর্তমানে ৩৭ টি Partners রয়েছে; তন্মধ্যে ১৮ টি দেশ, ৬ টি Intergovernmental agencies, ১২ টি International NGOs এবং ১ টি International private enterprise অন্তর্ভুক্ত রয়েছে। এ Flyway Partnership-এর উদ্দেশ্য হলো সরকার, সাইট ম্যানেজার, বহুপাক্ষিক পরিবেশগত চুক্তি, প্রযুক্তি প্রতিষ্ঠান, জাতিসংঘের সংস্থা, উন্নয়ন সংস্থা, শিল্প ও সেকল স্তরের সহ বিভিন্ন স্টেকহোল্ডারের মধ্যে সংলাপ, সহযোগিতা এবং প্রচারের জন্য একটি ফ্লাইওয়ে বিস্তৃত কাঠামো সরবরাহ করা এবং পরিযায়ী পাখি এবং এদের আবাসস্থল সংরক্ষণ করা।

ফিলিপিন্স, সিংঙ্গাপুর, থাইল্যান্ড, মালয়েশিয়া, মায়ানমার, পাপুয়া নিউগিনি, নিউজিল্যান্ড ও পূর্ব তিমুরসহ ২২ টি দেশে পরিযায়ী পাখির আনাগোনা করে থাকে। বিশেষজ্ঞদের মতে, EAAF উদ্ভূত পথে পৃথিবীর ২৫০ প্রজাতির প্রায় ৫০ মিলিয়ন পরিযায়ী পাখি (৫ কোটি) চলাচল করে থাকে। এর মধ্যে প্রায় ২৮টি পরিযায়ী পাখি আন্তর্জাতিকভাবে মহাবিপন্ন হিসেবে চিহ্নিত হয়েছে।

বাংলাদেশের প্রধান প্রধান পরিযায়ী পাখি

বাংলাদেশে প্রায় ২৫০-৩০০ প্রজাতির পরিযায়ী পাখি আছে। এর মধ্যে প্রায় ২১০টি শীতকালীন অতিথি পাখি এবং অবশিষ্ট পাখি বৎসরের অন্য সময়, বিশেষ করে গ্রীষ্মকালে আমাদের দেশে এসে থাকে। অতিথি পাখির মধ্যে উল্লেখযোগ্য হলো- রাজহাঁস, দাগী রাজহাঁস, রাজ সরালি, পাতি সরালি, মান্দারিন হাঁস, ঝুটি হাঁস, চকাচকি, লেজা হাঁস, খুন্তে হাঁস, বালি হাঁস, তিলি হাঁস, লালশির, নীলশির, গিরিয়া হাঁস, পিয়ং হাঁস, ভূতি হাঁস, স্মিউ হাঁস, পাতি মারগেঞ্জার, শুমাচা, পাপিয়া, খঞ্জন, ফুটকি, সাহেলি, চ্যাগা, গুলিন্দা, সারস, গ্রিথিনি, মানিকজোড়, এশিয় শামোকখোল, নীলকণ্ঠ, বৈরী, চামচ ঠুটো বাটান ও বিভিন্ন জাতের সৈকত-পাখি (shore bird) ইত্যাদি।

বাংলাদেশে East Asia Australasian Flyway Sites

বাংলাদেশ ২৯ সেপ্টেম্বর, ২০১১ সালে EAAFP (East Asia Australasian Flyway Partnership) এর সদস্য হয়েছে এবং ৬ টি এলাকাকে (টাংগুয়ার হাওর, হাকালুকি হাওর, হাইল হাওর, সোনাদিয়া, নিবুম দ্বীপ ও গাঙুইয়ার চর) Flyway Site হিসেবে ঘোষণা করেছে।

গাঙুইয়ার চর

গাঙুইয়ার চরটি নোয়াখালী জেলার হাতিয়া উপজেলার পূর্ব মেঘনা মোহনায় জেগে উঠা একটি চর। এটি এখনো মানব বসতিহীন একটি বিচ্ছিন্ন কাদাচর। এই চরটির পূর্বে হাতিয়া উপজেলা, পশ্চিমে চট্টগ্রাম জেলার অন্তর্গত সন্দ্বীপ উপজেলা এবং উত্তরে জাহাজের চর অবস্থিত। ২০১৫-১৮ সালের একাধিক জরিপে গাঙুইয়ার চর ও এর আশেপাশের চরাঞ্চলে প্রতিবছর সর্বমোট ৪২ প্রজাতির গড়ে ২৫,০০০টি পরিযায়ী পাখি পাওয়া গেছে। এ বিশাল সংখ্যাটি বৈশ্বিক পরিযায়ী পাখিদের একটি গুরুত্বপূর্ণ অংশ। এছাড়া এ চরের পার্শ্ববর্তী মেঘনা মোহনা বৈশ্বিকভাবে বিপদাপন্ন ডলফিন প্রজাতি ও ইলিশের জন্য বিশেষভাবে গুরুত্বপূর্ণ।



নিবুম দ্বীপ

নিবুম দ্বীপ বাংলাদেশের একটি ছোট দ্বীপ, যা গঙ্গা-ব্রহ্মপুত্র-মেঘনা নদী মোহনা মুখে অবস্থিত। এটি নোয়াখালী জেলার হাতিয়া উপজেলার অন্তর্গত। আয়তন প্রায় ৩৬৯৭০.৪৫৪ হেক্টর। ১৯৪০ এর দশকে এই দ্বীপটি বঙ্গোপসাগর হতে জেগে উঠতে শুরু করে। নিবুম দ্বীপের পূর্ব নাম ছিলো চর-ওসমান। তবে, এটি ইচ্ছামতীর চর নামেও পরিচিত ছিল। ২০১৩ সালে দ্বীপটি জাহাজমারা



ইউনিয়ন হতে পৃথক হয়ে স্বতন্ত্র ইউনিয়নের মর্যাদা লাভ করে। শীতকালে, বিশেষত ডিসেম্বর থেকে ফেব্রুয়ারী মাস পর্যন্ত প্রায় ১০,০০০-২০,০০০টি পরিযায়ী পাখির আনাগোনা থাকে এ এলাকা জুড়ে। পরিযায়ী পাখিদের মধ্যে বিশ্বব্যাপী বিরল ও বিপন্ন কিছু প্রজাতির পাখিরও দেখা মেলে এখানে। বিশ্বব্যাপী অতি বিরল ও মহাবিপন্ন চামচঠুটো বাটান (Calidris pygmaea) এদের মধ্যে অন্যতম।

সোনাদিয়া

সোনাদিয়া দেশের সর্বদক্ষিণের জেলা কক্সবাজারের উত্তর-পশ্চিমে এবং উপকূলীয় দ্বীপ মহেশখালীর কুতুবজং ইউনিয়নের অন্তর্গত বিচ্ছিন্ন একটি দ্বীপ। আয়তন প্রায় ৪৯২৪ হেক্টর। পূর্ব-পশ্চিমে লম্বালম্বিভাবে বঙ্গোপসাগরের উপকূল সংলগ্ন এ দ্বীপটি নানা ধরনের প্রাকৃতিক সম্পদে ভরপুর। সোনাদিয়া কক্সবাজার-টেকনাফ সড়ক থেকে প্রায় ২.৬ কিলোমিটার দূরে অবস্থিত এবং সমুদ্র সৈকতে এর দৈর্ঘ্য ১৯.২০ কিলোমিটার। কক্সবাজার থেকে উত্তর-পশ্চিমে এবং মহেশখালী দ্বীপের দক্ষিণ থেকে ৭ কিলোমিটার দূরে সাগরের বুকে সোনাদিয়া দ্বীপটির অবস্থান। সোনাদিয়ার প্যারাবনে প্রায় ১৯ প্রজাতির স্তন্যপায়ী প্রাণী, ৮ প্রজাতির সরীসৃপ, ৪ প্রজাতির উভচর প্রাণী এবং ২৭ প্রজাতির পাখির দেখা মেলে। জীববৈচিত্র্য সমৃদ্ধ এ দ্বীপেই দেখা মেলে বিশ্বব্যাপী মহাবিপন্ন পাখি চামচঠুটো-বাটান। শীতকালে এই দ্বীপে মহাবিপন্ন এ পাখি সবচেয়ে বেশি পরিমাণে দেখা যায়। কেবল সামুদ্রিক বা পরিযায়ী পাখিই নয়, দ্বীপের উপকূল ১৯ প্রজাতির চিংড়ি, লবস্টার, লাল কাঁকড়া, ১৪ প্রজাতির শামুক, বিনুক, ডলফিন আর নানা প্রজাতির কচ্ছপের আবাসস্থল। দ্বীপের সমুদ্র উপকূলে শীতকালে হাজার মাইল সমুদ্র পাড়ি দিয়ে ডিম পাড়তে আসে অসংখ্য মা-কচ্ছপ।



টাঙ্গুয়ার হাওর

টাঙ্গুয়ার হাওর বাংলাদেশের বৃহত্তম জলমহালগুলোর অন্যতম। বাংলাদেশের উত্তর-পূর্ব প্রান্তে সুনামগঞ্জ জেলার ধর্মপাশা এবং তাহিরপুর উপজেলাস্থিত জীববৈচিত্র্য সমৃদ্ধ মিঠা পানির এ হাওর বাংলাদেশের ২য় রামসার এলাকা। স্থানীয় লোকজনের কাছে এ হাওরটি নয়কুড়ি কান্দার ছয়কুড়ি বিল নামে পরিচিত। বর্তমানে এ হাওরের মোট জলমহাল সংখ্যা ৫১টি এবং মোট আয়তন ৬,৯১২.২০ একর। তবে, হিজল-করচ বন ও নলখাগড়া বনসহ বর্ষাকালে সমগ্র হাওরটির আয়তন দাঁড়ায় প্রায় ২০,০০০ একর। প্রকৃতির অকৃপণ দানে সমৃদ্ধ এ হাওর পাখি, মাছ এবং অন্যান্য জলজ প্রাণীর এক বিশাল অভয়াশ্রম।



টাঙ্গুয়ার হাওরে ১৬৭ প্রজাতির পাখি পাওয়া যায়; যার মোট সংখ্যা ৬৫ হাজারের বেশি। জলচর পাখি জরিপের গণনা অনুযায়ী, প্রতি বছর শুধু শীতকালেই পৃথিবীর বিভিন্ন শীতপ্রধান দেশ থেকে প্রায় ৮৪ প্রজাতির পরিযায়ী পাখিরা এ হাওরকে নিরাপদ আশ্রয়স্থল হিসেবে বেছে নেয়। ২০২০ সালে পরিচালিত জলচর পাখিগুমারী অনুযায়ী, ৩৫ প্রজাতির ৫১,৩৬৮টি জলচর পাখি পাওয়া গেছে। এ হাওরে বিশ্বব্যাপী বিপন্ন ও বিপদাপন্ন পাখি প্রজাতির মধ্যে বৈকাল-তিলিহাঁস (Sibirionetta formosa) এর দেখা মেলে। বাংলাদেশে 'মহাবিপন্ন' এবং বিশ্বে 'বিপন্ন' প্রাণী হিসেবে বিবেচিত পালাসি-কুরাঙ্গলের (Haliaeetus leucoryphus) দেখা মেলে এ হাওরের হিজল-করচ গাছে। এরা শীত মৌসুমে এদেশে আসে এবং প্রজনন শেষে বর্ষা মৌসুমে উত্তর মেরুর দিকে চলে যায়। ভারত, নেপাল, ভূটান, চীন, সাইবেরিয়ার দক্ষিণাঞ্চলসহ দক্ষিণ ও দক্ষিণ-পূর্ব এশিয়ায় এদের বৈশ্বিক বিস্তৃতি রয়েছে।

হাকালুকি হাওর বাংলাদেশের সর্ববৃহৎ হাওর। এটি দেশের অন্যতম বৃহৎ মিঠাপানির জলাভূমি। এর আয়তন ১৮,১১৫ হেক্টর; তন্মধ্যে শুধুমাত্র বিলের আয়তন ৪,৪০০ হেক্টর। এটি মৌলভীবাজার জেলার বড়লেখা (৪০%), কুলাউড়া (৩০%); সিলেট জেলার ফেঞ্চগঞ্জ (১৫%), গোলাপগঞ্জ (১০%) ও বিয়ানীবাজার (৫%) জুড়ে বিস্তৃত। ভূতাত্ত্বিকভাবে এর অবস্থান উত্তরে ভারতের মেঘালয় পাহাড় এবং পূর্বে ত্রিপুরা পাহাড়ের পাদদেশে। হাকালুকি হাওরের বিশাল জলরাশির মূল প্রবাহ হলো জুরী এবং পানাই নদী। হাকালুকি হাওরে ছোট, বড় ও মাঝারি আকারের প্রায় ২৩৮টি বিল রয়েছে। প্রায় সারাবছরই বিল গুলোতে পানি থাকে। শীতকালে এসব বিলকে ঘিরে পরিযায়ী পাখিদের বিচরণে মুখর হয়ে উঠে গোটা এলাকা। ২০২০ সালের ফেব্রুয়ারী মাসে পরিচালিত জলচর পাখি শুমারী অনুযায়ী, ৫৩ প্রজাতির মোট ৪০,১২৬টি জলচর পাখি পাওয়া গেছে। এ হাওরে বিশ্বব্যাপী মহাবিপন্ন বেয়ারের-ভূতিহাঁস (Aythya baeri), সংকটাপন্ন পাতি-ভূতিহাঁস (Aythya ferina), প্রায়-সংকটাপন্ন মরচেরং-ভূতিহাঁস (Netta rufina) ইত্যাদি পাখি প্রজাতির দেখা মেলে।



হাইল হাওর

হাইল হাওর বাংলাদেশের বৃহত্তর সিলেটের মৌলভীবাজার ও হবিগঞ্জ জেলার কিয়দাংশে অবস্থিত একটি বৃহদায়তন জলাভূমি। এতে রয়েছে ১৪টি বিল এবং পানি নিষ্কাশনের ১৩টি নালা। এই হাওরটির মোট আয়তন ১০ হাজার হেক্টর। বাইস্কা বিলে প্রতিবছর শীত মৌসুমে প্রচুর পরিযায়ী পাখির সমাগম ঘটে। ২০১১ সালে নতুন ৪টি পরিযায়ী পাখির দেখা মিলেছে এ বিলের চারপাশের বনে; সেগুলো হলোঃ বড়হুঁটি-নলফুটকি, উদয়ী-নলফুটকি, বৈকাল-ঝাড়ফুটকি ও সাইক্লের-ফুটকি।



বাংলাদেশে Regional Flyway Initiative (RFI):

বন অধিদপ্তরের তত্ত্বাবধানে Asian Development Bank (ADB), the East Asian-Australasian Flyway Partnership (EAAFP), BirdLife International এবং IUCN Bangladesh এর সহযোগিতায় আগামী ২৭ মে থেকে ২৯ মে ২০২৪ খ্রিস্টাব্দ তারিখ পর্যন্ত মৌলভীবাজার জেলার শ্রীমঙ্গলে Wetland Ecosystem Services and Nature-based Solutions শীর্ষক প্রথম কর্মশালা অনুষ্ঠিত হতে যাচ্ছে। এই কর্মশালার উদ্দেশ্য হচ্ছে- জলাভূমির প্রতিবেশ সম্পর্কিত পরিসেবাগুলো চিহ্নিতকরণ এবং কীভাবে তা মূল্যায়ন করা যায় সে বিষয়ে আধুনিক ও বৈজ্ঞানিক পদ্ধতি সম্পর্কে জানার মাধ্যমে টেকসই জলাভূমি ব্যবস্থাপনার জন্য জলাভূমি ব্যবস্থাপক, নীতিনির্ধারক এবং সংরক্ষণ অনুশীলনকারীদের দক্ষতা বৃদ্ধি।

এই কর্মশালায় বন অধিদপ্তর, পরিবেশ অধিদপ্তর, মৎস্য অধিদপ্তর এবং হাওর ও জলাভূমি উন্নয়ন অধিদপ্তরের কর্মকর্তাবৃন্দ, তদসংশ্লিষ্ট বেসরকারি সংস্থার প্রতিনিধিবৃন্দ সহ Asian Development Bank (ADB), the East Asian-Australasian Flyway Partnership (EAAFP) এবং BirdLife International এর প্রতিনিধিবৃন্দ অংশগ্রহণ করবেন।

বন সম্পর্কিত কিছু তথ্যসমূহ

- ১। পৃথিবীতে বনভূমির পরিমাণ ৩১%।
- ২। পৃথিবীতে সর্বোচ্চ ৯৮% বনভূমির দেশ ফ্রান্স ওয়ানা।
- ৩। রাশিয়া, ব্রাজিল, কানাডা, আমেরিকা, চীন, অস্ট্রেলিয়া, কঙ্গো, ইন্দোনেশিয়া, পেরু এবং ভারতে পৃথিবীর ৬৬% বন আছে।
- ৪। কাতার, জিব্রাল্টার, হলি সি, মোনাকা, নাউরু, সান ম্যারিনো, সেইন্ট ব্যথেলিমা, ফকল্যান্ড, আইল্যান্ড ও সালবার্ড এন্ড জেন মেইন আইল্যান্ডে কোন বনভূমি নাই।
- ৫। প্রতিদিন ২০০ বর্গ কিলোমিটার বন হারিয়ে যাচ্ছে।
- ৬। প্রায় ১.৬ বিলিয়ন মানুষ জীবন-জীবিকার জন্য বনের উপর নির্ভরশীল।
- ৭। পৃথিবীতে ৩০০ মিলিয়নের অধিক লোক বনে বাস করে।
- ৮। পৃথিবীর স্থলভাগের জীববৈচিত্র্যের ৮০% বন ধারণ করে।
- ৯। পৃথিবীর মোট অক্সিজেনের ৪০% এর বেশি Tropical Rainforest থেকে উৎপন্ন হয়।
- ১০। পৃথিবীর মোট গ্রীন হাউস গ্যাসের ১৭.৪% ডিফরেষ্টেশন এবং ফরেস্ট ডিগ্রেডেশন থেকে নির্গত হয়।
- ১১। পৃথিবীতে বনের বায়োমাস (Bio-mass) ২৮৯ গিগাটন কার্বন মজুদ আছে।
- ১২। বাংলাদেশের ভূ-উপরিষ্ক বায়োমাসের (Bio-mass) মোট পরিমাণ ৮,৪৬,০০০ হাজার টন।
- ১৩। বাংলাদেশে হেক্টর প্রতি ভূ-উপরিষ্ক বায়োমাসের (Bio-mass) পরিমাণ ৫৭ টন।
- ১৪। বাংলাদেশের বনে ভূ-উপরিষ্ক বায়োমাসের (Bio-mass) পরিমাণ ২,৭৮,০০০ হাজার টন।
- ১৫। বাংলাদেশের বনে হেক্টর প্রতি ভূ-উপরিষ্ক বায়োমাসের (Bio-mass) পরিমাণ ১৯৩ টন।
- ১৬। বাংলাদেশের ভূ-উপরিষ্ক মোট কার্বনের পরিমাণ ৪,২৩,০০০ হাজার টন।
- ১৭। বাংলাদেশের ভূ-উপরিষ্ক হেক্টর প্রতি কার্বনের পরিমাণ ২৯ টন।
- ১৮। বাংলাদেশের বনে ভূ-উপরিষ্ক মোট কার্বনের পরিমাণ ১৩৯,০০০ হাজার টন।
- ১৯। বাংলাদেশের বনে ভূ-উপরিষ্ক হেক্টর প্রতি কার্বনের পরিমাণ ৯৬ টন।

তথ্যসূত্র:

- i. National Forest Inventory 2016-2019
- ii. FAO, UN-REDD, UNDP, UNEP & IUCN website
- iii. বন অধিদপ্তরের সংশ্লিষ্ট ইউনিটসমূহ

বর্তমান সরকারের গৃহীত কার্যক্রমের প্রেক্ষিতে বন অধিদপ্তরের অর্জন (২০০৯-১০ হতে ২০২২-২৩)

বন অধিদপ্তর কর্তৃক বিভিন্ন প্রকল্প ও রাজস্ব বাজেটের আওতায় বন এলাকায় বনাচ্ছাদন বৃদ্ধি, বন পুনরুদ্ধার কার্যক্রম, বন অবক্ষয় রোধ, বন্যপ্রাণী ও জীববৈচিত্র্য সংরক্ষণ, উপকূলীয় এলাকায় সবুজ বেটনী সৃজন এবং বন নির্ভর জনগোষ্ঠীর বনের উপর নির্ভরশীলতা কমানোর জন্য বন সহ-ব্যবস্থাপনা ও সহযোগীতামূলক বন ব্যবস্থাপনার মাধ্যমে বিকল্প কর্মসংস্থান সৃষ্টির কার্যক্রম পরিচালনা অব্যাহত রয়েছে। বন ও বনের বাইরের এলাকায় (Trees outside Forest) বৃক্ষাচ্ছাদন বৃদ্ধির লক্ষ্যে সামাজিক বনায়ন কার্যক্রমের মাধ্যমে বন এলাকায় এবং রাস্তার ধারে, বার্ষের ধারে, খালের ধারে ও বসতবাড়ীতে বনায়ন কার্যক্রম চলমান রয়েছে। এছাড়াও জনগণের মধ্যে বৃক্ষরোপণ ও পরিচর্যা বিষয়ে গণসচেতনতা সৃষ্টির লক্ষ্যে বিশেষ প্রচেষ্টা অব্যাহত রয়েছে।

- ম্যানগ্রোভসহ সর্বমোট ২,১৭,৪০২ হেক্টর বৃক, ৩০,২৫২ সিডলিং কি.মি. স্থাপি বাগান সৃজন এবং ১১ কোটি ২১ লক্ষ চারা বিক্রয় ও বিতরণ করা হয়।
- উপকূলীয় এলাকায় ঘূর্ণিঝড় ও জলোচ্ছ্বাসে ক্ষয়ক্ষতি কমানোর লক্ষ্যে উপকূলীয় সবুজ বেষ্টনী সৃজন এবং সমুদ্র ও নদী মোহনা এলাকায় জেগে ওঠা নতুন চর স্থায়ী করণের লক্ষ্যে ৮৯,৮৫৩ হেক্টর ম্যানগ্রোভ বাগান সৃজন করা হয়েছে। যা বনে কার্বন মজুদ বৃদ্ধি এবং জলবায়ু পরিবর্তনের বিরূপ প্রভাব মোকাবেলায় গুরুত্বপূর্ণ ভূমিকা পালন করবে।
- জাতির পিতা বঙ্গবন্ধু শেখ মুজিবুর রহমান এর জন্মশত বার্ষিকী তথা মুজিব বর্ষকে স্মরণীয় করে রাখার লক্ষ্যে পরিবেশ, বন ও জলবায়ু পরিবর্তন মন্ত্রণালয় কর্তৃক সারা দেশে জনসাধারণের মাঝে বিনামূল্যে এক কোটি বৃক্ষের চারা বিতরণ ও রোপণ কর্মসূচী গ্রহণ করা হয়। এই উপলক্ষ্যে দেশের প্রতিটি উপজেলায় ২০,৩২৫টি করে বনজ, ঔষধি ও ফলদ বৃক্ষের চারা জনসাধারণের মাঝে বিনামূল্যে বিতরণ করা হয়।
- সামাজিক বনায়নসহ দেশব্যাপী বনায়ন কার্যক্রম ও বৃক্ষরোপণের ফলে দেশে মোট বৃক্ষ আচ্ছাদিত ভূমির পরিমাণ দেশের মোট আয়তনের ২২.৩৭% এ উন্নীত হয়েছে।
- সামাজিক বনায়নে সম্পূর্ণ ১ লক্ষ ৬০ হাজার ৬৪৬ জন উপকারভোগীর মাঝে লভ্যাংশ হিসেবে ৩২৮ কোটি ৯৪ লক্ষ ৭২৫ টাকা বিতরণ করা হয়েছে এবং রাজস্ব খাতের ৬০৪ কোটি ১৩ লক্ষ ৪১ হাজার ৫১৪ টাকা রাষ্ট্রীয় কোষাগারে জমা করা হয়েছে।
- ২০৪১ সাল পর্যন্ত সুন্দরবনসহ দেশের দক্ষিণ-পশ্চিম অঞ্চলের জন্য Strategic Environmental Assessment (SEA) ও Strategic Environmental Management Plan (SEMP) প্রণয়ন করা হয়েছে।
- বনায়ন, বন ও জীববৈচিত্র্য সংরক্ষণ ও টেকসই বন ব্যবস্থাপনার লক্ষ্যে রক্ষিত বনাঞ্চল এলাকায় স্থানীয় জনগণকে সম্পৃক্ত করার মাধ্যমে ২৮টি সহ-ব্যবস্থাপনা কমিটি (CMC) গঠনপূর্বক কার্যক্রম অব্যাহত রেখেছে। কো-ম্যানেজমেন্ট কমিটি এর সদস্য হিসাবে ১৬৯০ জনের মধ্যে ৩৮২ জন মহিলা সম্পৃক্ত আছে। এছাড়া সহযোগীতামূলক বন ব্যবস্থাপনা কার্যক্রমের মাধ্যমে রক্ষিত এলাকা এবং পাহাড়ী, শাল ও উপকূলীয় এলাকা সংলগ্ন ৬১৫ গ্রামের ৪১,০০০ বন নির্ভর পরিবারকে সম্পৃক্ত করণের মাধ্যমে বন পুনরুদ্ধার কার্যক্রম অব্যাহত রয়েছে; প্রায় ৬১৫টি Community Forest Management Committee (CFMC) গঠন করা হয়েছে; যার মধ্যে ৫০% মহিলা সদস্য রয়েছে।
- জীববৈচিত্র্য সংরক্ষণে ৮টি জাতীয় উদ্যান, ২০টি বন্যপ্রাণী অভয়ারণ্য, ৪টি ইকোপার্ক, ১টি উদ্ভিদ উদ্যান, ২টি মেরিন প্রটেক্টেড এরিয়া (সোয়াচ অব নো-গ্রাউন্ড ও সেন্টমার্টিন) এবং ২টি বিশেষ জীববৈচিত্র্য সংরক্ষণ এলাকাসহ মোট ৩৭টি রক্ষিত এলাকা ঘোষণা করা হয়েছে। বর্তমানে দেশে রক্ষিত এলাকার সংখ্যা মোট ৫৩টি।
- সুন্দরবনে ২০১৫ ও ২০১৮ সালে ক্যামেরা ট্র্যাপিং পদ্ধতিতে বাঘ জরিপের ফলাফল অনুযায়ী বাঘের সংখ্যা যথাক্রমে ১০৬টি এবং ১১৪টি। উল্লেখ্য সুন্দরবনে ব্যবস্থাপনা জোরদার করার ফলে জরিপের তুলনামূলক হিসাব অনুযায়ী ২০১৫ সালের তুলনায় ২০১৮ সালে সুন্দরবনে বাঘের সংখ্যা শতকরা ৭.৫ ভাগ বৃদ্ধি পেয়েছে। এছাড়া বাঘ সংরক্ষণের লক্ষ্যে Bangladesh Tiger Action Plan (২০১৮-২০২৭) প্রণয়ন করা হয়েছে।
- হাতি সংরক্ষণের লক্ষ্যে Bangladesh Elephant Conservation Action Plan (২০১৮-২০২৭) প্রণয়ন, দেশের অভ্যন্তরে হাতি চলাচলের পথ ও করিডোর বিষয়ক এটলাস প্রস্তুত এবং ট্রান্সবান্ডারি করিডোর চিহ্নিত করা হয়েছে এবং হাতি উপদ্রুত এলাকায় হাতি-মানুষ দ্বন্দ্ব নিরসনে ১২০টি এলিফ্যান্ট রেসপন্স টিম গঠন করা হয়েছে।
- ডলফিন সংরক্ষণের লক্ষ্যে বাংলাদেশে বিদ্যমান সুন্দরবনসহ মোট নয়টি ডলফিন অভয়ারণ্য ব্যবস্থাপনার জন্য ডলফিন কনজারভেশন এ্যাকশন প্ল্যানসহ (২০২০-২০২৯) ডলফিন সংক্রান্ত মোট ৪টি গাইডলাইন/পরিকল্পনা দলিল প্রণয়ন করা হয়েছে।

- ডলফিন সংরক্ষণের লক্ষ্যে বাংলাদেশে বিদ্যমান সুন্দরবনসহ মোট নয়টি ডলফিন অভয়ারণ্য ব্যবস্থাপনার জন্য ডলফিন কনজারভেশন এ্যাকশন প্ল্যানসহ (২০২০-২০২৯) ডলফিন সংক্রান্ত মোট ৪টি গাইডলাইন/পরিকল্পনা দলিল প্রণয়ন করা হয়েছে।
- বাংলাদেশে 'মহাবিপন্ন' বাংলা শকুন সংরক্ষণের লক্ষ্যে ২টি শকুন নিরাপদ এলাকা ঘোষণা এবং দেশব্যাপী শকুনের জন্য ক্ষতিকারক ওষুধ 'ডাইক্লোফেনাক' এবং ক্রোটোপ্রোফেনের উৎপাদন নিষিদ্ধ করা হয়েছে। এছাড়া Bangladesh Vulture Conservation Action Plan (2016-2025) সরকার কর্তৃক অনুমোদিত হয়েছে।
- বৃক্ষচরী মহাবিপন্ন প্রজাতির উলুকসহ অন্যান্য প্রাইমেট সংরক্ষণে তাদের চলাচলের জন্য সাতছড়ি ও লাউয়াছড়া জাতীয় উদ্যানে ক্যানোপী ব্রীজ বা ওয়াকওয়ে স্থাপন করা হয়েছে। এছাড়া লাউয়াছড়া ও সাতছড়ি জাতীয় উদ্যানের মধ্যে বিদ্যমান বৈদ্যুতিক তারে বন্যপ্রাণীর মৃত্যুবৃদ্ধি এড়াতে সাতছড়ি জাতীয় উদ্যানের ভিতরের সকল অনাবৃত বিদ্যুতের তার প্রতিস্থাপন করে রাবার কোটেড তার দ্বারা প্রতিস্থাপন করা হয়েছে।
- বন্যপ্রাণী ও প্রকৃতি সংরক্ষণ অঞ্চল, ঢাকা এর উদ্যোগে প্রকৃতি ও জীবন ফাউন্ডেশন, অস্ট্রিয়ার ভিয়েনা চিড়িয়াখানা এবং Turtle Survival Alliance (TSA) এর সহযোগিতায় Long-term Conservation of the Northern River Terrapin (Batagur baska) in Bangladesh কার্যক্রমের আওতায় মহাবিপন্ন বড় কাইট্টা সংরক্ষণের জন্য বিভিন্ন পদক্ষেপ নেয়া হয়েছে। অদ্যাবধি সুন্দরবনের করমজল এবং ভাওয়াল জাতীয় উদ্যানের কাছিম প্রজনন কেন্দ্র দুইটিতে ৫৩৮টি বাচ্চা জন্মগ্রহণ করেছে যা পর্যায়ক্রমে প্রকৃতিতে অবমুক্ত করা হচ্ছে।
- সুন্দরবনের করমজলে অবস্থিত বন্যপ্রাণী প্রজনন কেন্দ্রে কনজারভেশন ব্রিডিং এর মাধ্যমে কুমির এর সংখ্যা বৃদ্ধির কার্যক্রম গ্রহণ করা হয়েছে। বর্তমানে করমজলে বন্যপ্রাণী প্রজনন কেন্দ্রে ১২২টি কুমির রয়েছে; যার মধ্যে ২টি প্রাপ্তবয়স্ক পুরুষ ও ২টি প্রাপ্তবয়স্ক স্ত্রী কুমির এবং অবশিষ্ট কুমিরসমূহ বাচ্চা কুমির। করমজল বন্যপ্রাণী প্রজনন কেন্দ্রে প্রজননকৃত কুমির হতে এ পর্যন্ত মোট ২০৬টি কুমির অদ্যাবধি প্রকৃতিতে অবমুক্ত করা হয়েছে।
- 'বাংলাদেশের বন্যপ্রাণী সংরক্ষণ ও আবাসস্থল উন্নয়ন প্রকল্প' এর আওতায় রাঙামাটি জেলার কাণ্ডাই উপজেলায় ৮ কিলোমিটার ও শেরপুর জেলার লালিতাবাড়ি উপজেলায় ২ কিলোমিটার সৌর বেড়া বা সোলার ফেন্সিং স্থাপন করা হয়েছে। মানুষ ও বন্যপ্রাণীর দ্বন্দ্ব নিরসনের লক্ষ্যে উক্ত প্রকল্পের আওতায় হাতি সমৃদ্ধ বনাঞ্চলে হাতির খাদ্য উপযোগী বাগান ও ANR (Assisted Natural Regeneration) বাগান সৃজন করা হয়েছে।
- বিরল ও বিপন্ন প্রজাতির উদ্ভিদ সংরক্ষণ ও টেকসই ব্যবস্থাপনার লক্ষ্যে উদ্ভিদের লাল তালিকা (Red listing of Plants) প্রণয়ন করা হয়েছে। এছাড়া ৫টি রক্ষিত এলাকায় বিদেশী অগ্রাসী প্রজাতি (Invasive Alien Species) নিয়ন্ত্রণের জন্য Invasive Alien Species নিয়ন্ত্রণ পরিকল্পনা প্রণয়ন করা হয়েছে।
- বন্যপ্রাণী সংরক্ষণে জনগণকে উদ্বুদ্ধকরণের জন্য বাঘ, হাতি ও কুমিরের আক্রমণে নিহত বা আহত মানুষের ক্ষতিপূরণ প্রদানের জন্য প্রণীত "বন্যপ্রাণী দ্বারা আক্রান্ত জানমালের ক্ষতিপূরণ বিধিমালা-২০২১" অনুযায়ী ২০১০-২০১১ হতে অদ্যাবধি বন্যপ্রাণীর আক্রমণে নিহত/পঙ্গু/ঘরবাড়ি ফসলাদি ক্ষতিগ্রস্ত হওয়ায় ২,২৪৯ জনকে প্রায় ৭,৫৬,৩৪,২০০ টাকা ক্ষতিপূরণ প্রদান করা হয়েছে।
- বন্যপ্রাণী সুরক্ষা প্রদানে বন অধিদপ্তর কর্তৃক ধারাবাহিক অভিযানের মাধ্যমে পাচার/বিক্রয়কালে এ পর্যন্ত (জুলাই ২০১২ থেকে অদ্যাবধি) মোট ৪৫,৪৬৫ টি বন্যপ্রাণী (উভচর, স্তন্যপায়ী, সরীসৃপ ও পাখি) উদ্ধার করে প্রকৃতিতে অবমুক্ত করতে সক্ষম হয়েছে। এছাড়াও উক্ত সময়ে ১৪০৫টি ট্রফি এবং ১৪০ টি মামলা দায়ের সহ ২১৩ জন অপরাধীকে জরিমানা ও কারাদণ্ড প্রদান করা হয়েছে।

- সামুদ্রিক বিরল ও বিপন্ন বন্যপ্রাণী সংরক্ষণের জন্য ২টি হাজার প্রজাতি ও ২টি শাপলাপাতা মাছ প্রজাতির নন-ডেট্রিমেন্ট ফাইন্ডিং (NDF) এবং বাংলাদেশের হাঙ্গর ও শাপলাপাতা মাছের জাতীয় সংরক্ষণ কৌশল এবং কর্মপরিকল্পনা (২০২৩-২০৩৩) প্রণয়ন হয়েছে।
- বন উজাড় ও অবক্ষয় রোধ, জীববৈচিত্র্য সংরক্ষণ এবং বায়ুমন্ডল হতে কার্বন অপসারণ বৃদ্ধিকল্পে Bangladesh National REDD+ Strategy (২০১৬-২০৩০) এবং REDD+ ব্যবস্থাপনা কাঠামোসমূহের গঠন অনুমোদিত হয়েছে।
- বন ও বন্যপ্রাণী সঠিকভাবে ব্যবস্থাপনার জন্য ১৪টি ম্যানেজমেন্ট প্ল্যান, ৪টি এ্যাকশন প্ল্যান, ২টি ম্যানেজমেন্ট স্ট্র্যাটেজি ও বাংলাদেশ ওয়াইল্ডলাইফ কনজারভেশন মাস্টার প্ল্যান অনুমোদিত হয়েছে। এছাড়াও ১টি আইন, ৮টি বিধিমালা ও ৫ টি নীতিমালা অনুমোদিত হয়েছে।
- SMART (Spatial Monitoring and Reporting Tool) Patrolling এর মাধ্যমে বন পরিবীক্ষণ ও অপরাধ দমন কার্যক্রম জোরদার করা হচ্ছে। সুন্দরবনে ২০২২-২৩ অর্থ বছরে ৩৪,১৭৫ কি.মি. SMART Patrolling কার্যক্রম সম্পন্ন করা হয়েছে।
- মাধবকুন্ড ইকো-পার্কের জীববৈচিত্র্য সংরক্ষণ, ভবিষ্যতে টেকসই ব্যবস্থাপনা ও আন্তর্জাতিক মানের ইকোপারকে উন্নীত করার লক্ষ্যে ২৫ বছর মেয়াদি মাস্টার প্ল্যান প্রণয়ন করা হয়েছে।
- টেকসই বন ও জীববৈচিত্র্য সংরক্ষণ ও ব্যবস্থাপনার লক্ষ্যে United States Forest Service এবং Bangladesh Forest Department এর মধ্যে আগামী পাঁচ বছরের জন্য Letter of Intent (LoI) স্বাক্ষরিত হয়েছে।
- সুন্দরবনসহ বিভিন্ন রক্ষিত বন এলাকায় স্থানীয় বননির্ভর জনগোষ্ঠীকে বিকল্প কর্মসংস্থানের মাধ্যমে আর্থ-সামাজিক উন্নয়নের পাশাপাশি পরিবেশবান্ধব ইকোট্যুরিজম সংক্রান্ত সুবিধাদির উন্নয়নের লক্ষ্যে বিভিন্ন কার্যক্রম পরিচালনা করা হচ্ছে। ইকোট্যুরিজমের মাধ্যমে বিকল্প কর্মসংস্থানের জন্য ২০২২-২৩ অর্থ বছরে ৪০ জন ইকো-ট্যুর গাইডকে প্রশিক্ষণ প্রদান করা হয়েছে এবং ১০০ জন বননির্ভর স্থানীয় জনগণকে বন সংরক্ষণ ও টেকসই ইকোট্যুরিজম বিষয়ে সচেতনতা বৃদ্ধি করা হয়েছে।

বন ও বন্যপ্রাণী সঠিকভাবে ব্যবস্থাপনার জন্য ১৪টি ম্যানেজমেন্ট প্ল্যান, ৪টি এ্যাকশন প্ল্যান, ২টি ম্যানেজমেন্ট স্ট্র্যাটেজি ও বাংলাদেশ ওয়াইল্ডলাইফ কনজারভেশন মাস্টার প্ল্যান অনুমোদিত হয়েছে। এছাড়াও ১টি আইন, ৮টি বিধিমালা ও ৫ টি নীতিমালা অনুমোদিত হয়েছে।



রাস্তার ধারে সামাজিক বনায়ন



ছুলের ছাত্র-ছাত্রীদের অংশগ্রহণে প্রাতিষ্ঠানিক বনায়ন



সুন্দরবনে SMART Patrolling



- বন্যপ্রাণী (সংরক্ষণ ও নিরাপত্তা) আইন ২০১২-এ বর্ণিত বন্যপ্রাণীর সংজ্ঞানুযায়ী বিভিন্ন প্রকার ও জাতের প্রাণী বা তাহাদের জীবনচক্র বৃদ্ধির বিভিন্ন পর্যায়সমূহ যাহাদের উৎস বন্য হিসাবে বিবেচিত হয়ে থাকে। আমাদের চারপাশে বিদ্যমান বিভিন্ন প্রকার প্রাণী, যেমনঃ শিয়াল, বেজি, খৈকশিয়াল, টিয়া, চড়ুই, শালিক, মনিয়া, ব্যাঙ, কচ্ছপ ও সাপ ইত্যাদি বন্যপ্রাণীর অন্তর্ভুক্ত।
- বিদেশী বা কেইজবার্ড (যেমন-বাজিগর, লাভবার্ড, ম্যাকাও, আফ্রিকান গ্রে-প্যারট ইত্যাদি) প্রজাতির পাখি সৌখিনভাবে যে কেউ বাসায় পুষতে পারেন। তবে, দেশীয় প্রজাতির কোন বন্যপ্রাণী বাসায় পোষা আইন পরিপন্থী।
- CITES অর্থ হল Convention on International Trade in Endangered Species of Wild Fauna and Flora এটি একটি আন্তর্জাতিক কনভেনশন, যা সারা বিশ্বব্যাপী বন্যপ্রাণীর বৈধ ব্যবসা ও বিনিময় নিয়ন্ত্রণ করে থাকে।
- বন্যপ্রাণী (সংরক্ষণ ও নিরাপত্তা) আইন ২০১২ অনুযায়ী দেশীয় প্রজাতির পাখিসহ সকল বন্যপ্রাণী, বন্যপ্রাণীর কোন অংশ, মাংস, ট্রফি অথবা উহা হতে উৎপন্ন দ্রব্য ক্রয়-বিক্রয় বা আমদানী-রপ্তানী আইনত দণ্ডনীয় অপরাধ। বিধায় দেশীয় প্রজাতির পাখির কোন প্রকার ব্যবসা পরিচালনা করা যাবেনা এবং খাঁচায় আটকে রাখা যাবেনা।
- বন্যপ্রাণী (সংরক্ষণ ও নিরাপত্তা) আইন ২০১২ অনুযায়ী লাইসেন্স বা পারমিট ব্যতীত তফসিল ভুক্ত যে কোন প্রজাতির বন্যপ্রাণী ধরা, নিজ হেফাজতে আবদ্ধ অবস্থায় দখলে রাখা বা ব্যবসার উদ্দেশ্যে প্রদর্শন করা আইনত দণ্ডনীয় অপরাধ। সে কারণেই ব্যবসায়িক উদ্দেশ্যে সাপ ও বানরের খেলা প্রদর্শন করা যাবেনা।
- বন্যপ্রাণী (সংরক্ষণ ও নিরাপত্তা) আইন ২০১২ এর বিধান মতে, লাইসেন্স অথবা পারমিট প্রাপ্ত কোন ব্যক্তি ব্যতীত অন্য কাহারো নিকট হইতে কোন বন্যপ্রাণী, বন্যপ্রাণীর কোন অংশ, মাংস, ট্রফি অথবা উহা হতে উৎপন্ন দ্রব্যাদি ক্রয়-বিক্রয় বা আমদানী-রপ্তানী বা নিজ হেফাজতে আবদ্ধ অবস্থায় দখলে রাখা বা ব্যবসার উদ্দেশ্যে প্রদর্শন করা আইনত দণ্ডনীয় অপরাধ। সঙ্গতঃ কারণেই কবিরাজগণ বন্যপ্রাণীর অংশ-বিশেষ নিয়ে ক্যানভাস করে রাস্তা-ঘাটে ঔষধ বিক্রয় করতে পারবেন না।
- বন্যপ্রাণী (সংরক্ষণ ও নিরাপত্তা) আইন ২০১২ এবং সংশ্লিষ্ট বিধিমালার বিধান মতে, চিত্রা হরিণ (Spotted Deer) ও এশীয় হাতি (Asiatic Elephant) এবং লবনাক্ত/লোনা পানির কুমির ও ময়ূর লালন-পালন করা যায়।
- বন সংরক্ষকের কার্যালয়, বন্যপ্রাণী ও প্রকৃতি সংরক্ষণ অঞ্চল, বন ভবন, আগারগাঁও, ঢাকা হতে বন্যপ্রাণী বিষয়ে যে কোন গবেষণার অনুমতি গ্রহণ করা যায়। এছাড়াও হরিণ ও হাতি লালন-পালনের জন্য লাইসেন্স এবং বিদেশী পোষা পাখি লালন-পালন ও আমদানী সংক্রান্ত NOC (No Objection Certificate) প্রদান করা হয়ে থাকে।
- হাতি দ্বারা রাস্তা-ঘাটে, হাট-বাজার বা দোকান ইত্যাদি স্থানে চাঁদাবাজী ও ভয়ভীতি প্রদর্শন করা শাস্তিযোগ্য অপরাধ। এরূপ ঘটনা দেখামাত্র নিকটস্থ প্রশাসন অথবা থানায় অবহিত করার জন্য অনুরোধ করা যাচ্ছে।
- আপনার একটি ফোনকল একটি বন্যপ্রাণী বা পাখির জীবন রক্ষা করতে পারে। বন্যপ্রাণী অপরাধ সংক্রান্ত কোন ঘটনা দেখা বা জানা মাত্রই বন্যপ্রাণী অপরাধ দমন ইউনিট (WCCU) এর হট নাম্বার (০১৯৯৯০০০৯৫) অথবা জাতীয় জরুরী সেবা (৯৯৯)-এ কল করার জন্য অনুরোধ জানানো হলো।

প্রকাশকাল : জুন ২০২৪ খ্রিঃ।

সম্পাদনা : তথ্যকণিকা ও সাইটেশন প্রকাশনা উপকমিটি-২০২৪, বন অধিদপ্তর।